

# PETRI VENERABILIS

CLUNIACENSIS ABBATIS NONI

## DE MIRACULIS LIBRI DUO.

### INCIPIT LIBER PRIMUS.

#### PROLOGUS.

*Cum inter Spiritus sancti charismata gratia miraculorum non parvam obtineat dignitatem, utpote quæ tantam in se continet utilitatem, ut maxime per illam et mundus ab infidelitatis tenebris liberatus, et aeterno lumine veritatis donatus sit; et adhuc in multorum fidelium cordibus, quibus aliquando hoc videre datur, per eam fides augeatur, spes crescat, veritas confirmetur, indignari saepe soleo, cur ea quæ nostris temporibus proveniunt, cum non sit qui ad illa scribenda animum applicet, quæ prodesse legentibus manifestata poterant infructuoso silentio tecta dispergant. Unde quoniam nullum ad hæc nisi me cogere poteram, malui quolibet stylo ea aggredi, non pavens de præsumptione tantæ rei judicari; et, ut ante a quodam dictum est, ad tam utilem rem explicandam me magis esse volui quam neminem. Et ne diu suspensum lectorem teneom, a digniori parte incipiens, quæ de corpore Domini moderno tempore facta miracula ad me pervenire potuerunt, narrare incipiām:*

#### CAPUT PRIMUM.

*De Miraculo quod in Arvernico territorio contigit.*

Erat in Arvernico territorio rusticus quidam habens alvearia, in quibus examina apum melleam favorum dulcedinem confidere solent. Quas jam dictus rusticus aut evolare, aut emori, aut aliquo casu sibi deperire pertimescens, usus pravo sortilegorum consilio, qui diabolica operatione, etiam de beneficiis Dei maleficia facere consueverunt, et (quod est dictu intolerabile) ipsis quoque divinis sacramentis per artes magicas abutuntur, accessit ad ecclesiam, et sumpto a sacerdote (ut mos est Christianorum) corpore Dominico, illudque ore retinens, nec glutire volens, ut jam doctus fuerat, ad unum de jam dictis alvearibus, in quo apes continebantur, accessit, atque foramini, quod in eo erat ore adaptato, sussflare cœpit. Nam dictum sibi

A fuerat quod si corpore Domini ore retento apibas in vase constitutis insufflaret, nulla deinceps moreretur, nulla recederet, nulla deperiret; sed omnibus integre conservatis, de augmento fructus multo amplius quam ante gauderet. Fecit igitur ut dictum est, et ore applicito flatum ad interiora toto conatu mittebat. Cumque avidus lucri anhelitum protrahens vehementer sufflaret, ipso linguae et aeris impulsu jactum Dominicum corpus juxta vas illud ad terram corruit. Cum ecce omnis illa apum multitudo de intimis egressa, ad corpus Domini sui reverenter accurrit, atque in morem rationabilium creaturarum de terra sublevatum, habitaculis suis cum multa veneratione, homine illo conspiciente, induxit. Quod cernens homo, aut negligens aut parvipendens quod acciderat, ad alia agenda, ad quæ domestica cura eum vocabat, gressum convertit. Sed dum iter ageret, repentina, et, ut ipse post narrabat, intolerabili timore turbatus, se nequiter egisse tandem mente sanior cogitare cœpit. Unde compunctus, imo vi interna compulsus, mox retro pedem tulit, atque in vindictam sceleris sui apes, quarum vitam opere nefario conservare voluerat, superinjecta multa aquæ violentia, enecavit. Quibus extinctis, dum intima favorum, quos sibi recondere et conservare volebat, rimaretur, ecce, (mirabile dictu!) conspicit corpus Dominicum, quod ex ejus ore lapsum fuerat, in formam speciosissimi pueri, veluti cum recens nascitur, immutatum, inter favos et mella jacere. Ad quod miraculum, ut dignum erat, stupefactus intremuit; sed quid inde agere deberet aliquandiu hæsitans, hoc apud se invenit consilium, ut eum in manibus accipiens, ad ecclesiam deferret; et quia sibi exanimis videbatur, nullo sciente, solus Deum puerulum tumularet. Quod dum aggressus esset, eumque in manibus sumens ad ecclesiam, quasi secreto tumulandum, portaret, subito ab indigne ferentiis manibus invisibiliter creptus, disparuit. Quæ nu-

per gesta, ipse quidem ita per ordinem proprio presbytero, presbyter autem suo Claromontensi episcopo, ille vero mihi, ego quoque omnibus istud legentibus scribendo intimare curavi. Nec vero tanti piaculi ex toto in posterum dilata ultio fuit, sed in brevi locus ante populosus, vario casu habitatore pereunte, in solitudinem redactus est.

## CAPUT II.

*De quodam presbytero divina mysteria indigne tractante.*

Item in Teutonicis partibus presbyter quidam, dum religiosam agere vitam videretur, et pene quotidie sacra missarum solemnia celebraret, dumque sibi minus caute provideret, hostis antiqui insidias incurrit, et in turpem, sed occultam peccati soveam, carnis delectationem delapsus est. Sanctimoniale namque quamdam dum in primis gratia visitationis adiret, ad postremum assiduitate colloquii et in cauta familiaritate allectus, miserabiliter casu in illam incurrit. Qui cum post lapsum ad eum redire, et quam cito resurgere debuisset, propriis saecibus delectatus, diu converti distulit, et peccatum peccato adjungens, usum peccandi fecit, sive longum funem, quo arctius stringeretur, assidue peccando contexuit. Cumque in luto scelerum voluntaretur, non verebatur tamen ad altare Domini irreverenter accedere, et sacramenta redemptionis nostrae, missam frequentius celebrando, temerare. Quod cum longo tempore abjectio Dei timore agere non formidaret, iram pariter et misericordiam Domini, ut subjecta declarant, erga se mirabiliter persensit. Nam cum et scelus non desereret, et sacra divina impuris manibus, ut saepe dictum est, attractaret, contigit quadam die dum usque ad perceptionem sacri corporis Christi, totam de more missam explicasset, jamque se ad sacramenta ipsa sumenda pararet, repente caro Christi cum sanguine, tam immundum ultra non ferens habitaculum, ab ipsis jam pene tenentis manibus evanuit. Admirans ille et obstupescens, ab altari citissime missa finita recessit. Cumque indignationem Domini, tam evidenter signi ostensione, circa se commotam agnosceret, volens tamen hoc certius comprobare, secundo missam aggressus est. Cui universa ut prius peragenti, cum ad sumenda sacramenta ventum esset, simul omnia ut prius subtracta sunt. Jam vero ut dignum erat in metum, et trepidationem non modicam perductus, ut de toties repetito miraculo jam absque ulla hæsitatione certissimum redderetur, tertio quoque quod jam bis contigerat, attentare veritus non est. Sed cum omnibus ut ante peractis, jam sollicitior quæ apposita erant oculis observaret, et manibus contrectaret, osque ad sumendum aptaret, subito oculis, manibus, et ori, tertio invisibiliter sublata disparuerunt. Tandem igitur tam evidenti miraculo tremefactus presbyter, se pessime egisse, seque terribilem iram

A Domini incurrisse absque ulla dubitatione cognoscens, cor mutavit, et qualiter evadere a tanto periculo posset, sollicitus cogitare coepit. Ultimum ergo peccantibus remedium poenitentiam esse sciens, ad eam toto corde configit, et proprium episcopum adiens, ei cuncta quæ fecerat, quæque contigerant cum multis lacrymis patefecit, impositumque sibi ab eo labore poenitendi, toto animi nisu tam devote quam constanter exercuit. Jejuniis namque et vigiliis, verberibus etiam et variis cruciatibus, jumentum lasciviens, hoc est corpus suum, secundum Apostolum, castigans, qui concupiscentias suas sequendo reprobus factus fuerat, eas in seipso damnando, electorum numero adjungi laborabat. In qua corporis ac cordis contritione multo tempore emenso, cum ejus mentem de venia presumere securior jam conscientia suaderet, adiit episcopum, et quid egerit indicans, utrum ut ante consueverat ad sacra accedere auderet, consuluit. Qui nondum plene Deo reconciliatum metuens, ut adhuc poenitentiae insisteret, admonuit, quatenus dignis poenitentiae fructibus Deo exhibitis, purgator et securior, congruo tempore altaris sacramenta non ad judicium, sed ad salutem percipere possent aeternam. Acquievit ille salubri admonitioni, et ad propositum poenitentiae reversus, tota carnis ac spiritus virtute; ad fores divinæ pietatis pulsabat, et spiritu contribulato lacrymisque indesicientibus iram Domini in misericordiam converti cogebat. Quid multa? Longo rursus temporis spatio in hac poenitidine transacto, ad episcopum rediit, eique ut patri secreto cuncta pandens, ut sacramentorum esse particeps mereretur, humiliter deprecatus est. Cujus conversionem jam Deo acceptam tam ex his quæ ab eo audierat quam ex his quæ in eo videbat confidens, ut sacerdotale officium aggredieretur; assensit. Quod ille de Domini bonitate et conscientiae testimonio confisus, non jam presumptio; sed devotione implere curavit. Accedens itaque ad altare totumque, se lacrymis et contritioni cordis immolans Deo, usque ad perceptionem sacramentorum universa rite peragens, pervenit. Et ecce novo. et inaudito nostris duntaxat sæculis miraculo, trium ante dictarum missarum panes, qui indigne sumere volenti sublati fuerant, cœlitus allati sunt, eoque jam divino judicio ad hæc sumenda digno facto, ante eum super altare positi apparuerunt. Cumque etiam oculos in calicem admovisset, conspexit pene usque ad summitem sanguine repletum, et illarum missarum detrimenta ad istius provenisse augmenta. Admirans igitur et toto hominis interioris jubilo Deo gratias agens, suamque poenitentiam susceptam, ac Domini majestatem placatam agnoscens, certus factus est de Domini misericordia, et qui unum apposuerat quatuor panes, imo unum Christi corpus et sanguinem cum multa ut dignum erat, exultatione percepit. Hoc quoque præfatus Claromontensis episcopus mihi retulit, in præsentia plurimorum

## CAPUT III.

*De illo qui Dominicum corpus retinere non potuit (209), nisi prius facta confessione.*

Sed et illud quod apud eumdem locum [Karum-locum] de re simili contigit, silendum non est. Erat ibi juvenis mundanæ vanitati deditus, et, ut in illa ætate homines solent, voluptati frena relaxans. Cui cum diu deserviret, contigit eum super quadam mirata muliere infamiae nota aduri. Cumque per aliquantum temporis hac suspicione apud vicinos quosque teneretur, accidit, ut incurreret tantam ægritudinem quæ de vita ejus homines cogeret desperare. Qui cum lecto decumberet, et jam jamque morti proximus fieret, invitatus est ad eum more ecclesiastico presbyter, ut ejus confessionem suscipieret, et ei morienti viaticum salutis humanæ præberet. Cum vero venisset, hortari eum cœpit et commonere instanter, ut peccata sua confiteri non erubesceret, crimenque illud unde specialiter infamatus fuerat, salubri confessione manifestaret. Acquieavit ille, et confiteri scelera sua studiose aggressus est. Quod dum explesset, et rursus super præfato crimine a presbytero interrogaretur, mentitus est, dicens se inde nullatenus reum esse. Cumque presbyter diutina hominis infamia, suspicione actus, ab inquisitione non desisteret, ait ille. *Sic, inquit, hoc Domini corpus quod attulisti ad salutem suscipere merear, sicut hujus rei quæ mihi objicitur aliquando culpam non incurri.* Hac presbyter response credulus redditus, Dominicam ei communionem jam securus tradidit. Qua ore suscepta glutiendi virtus ægro protinus ablata est. Nam cum paulo ante quibuslibet etiam grossioribus cibis facilis esset ad ima descensus, hoc parvissimum corporis Christi fragmen, non dicam stomachum, sed nec etiam guttur vel paululum attingere potuit. Hoc sentiens ille, niti quantum potuit cœpit, ut illud glutire valeret. Quod dum multoties conaretur, et frustrari semper suos conatus cerneret, coactus ipsa glutiendi impotentia, juxta lectum quo decumbebat illud exspundo [projecit]. Cujus rei eventu valde territus, presbyterum qui discesserat ad se revocari rogavit. Rediit ergo presbyter, et infirmum revisens, cur se revocasset quæsivit. At ille spiritu Dei agente compunctus, confessus est se male egisse, se Deo mentitum fuisse, verumque quod ante negaverat, esse. Quem cum multo gemitu pœnitentem et satisfacientem, is qui advenerat presbyter intuens, compassus conscienti et mœrore confecto, eum ut moris est, absolvit, atque rursus Dominico corpore refecit. Quo suscepto, cum tanta illud libertate glutivit, ut vere tunc appareret, non casu, sed virtute divina, ne ante hoc suscipere posset, prohibitum fuisse. Post hanc igitur reatus confessionem, et corporis Christi perceptionem paulu-

A lum supervivens, in pace quievit. Hoc non a duobus tantum aut tribus testibus didici, sed a priore jam dicti loci, honesto et fide digno viro, et fratribus ejusdem monasterii, ac multis aliis quorum quidam se hoc vidiisse, alii a presbytero se audisse testati sunt. Et quia de confessione sermo incidit, quanta in ea sit animarum utilitas, alio adhuc exemplo monstrare curabo.

## CAPUT IV.

*De obitu fratris cuiusdam, et ad ultimum facta confessione (209\*).*

Ad monasterium Sancti Joannis Angeliacensis, quod in Xantonensi pago situm est, presbyter quidam, Gilbertus [Gerbertus] nomine, ad conversionem venit, atque ibi per aliquantum temporis quoad vixit, devote conversatus est. Contigit autem, non multo temporis elapso, eum ex infirmitate quam incurrerat ad extrema venire. Cumque sicut mos Christianorum est, et maxime monachorum, in substrato cilicio et cinere a fratribus compositus jaceret, atque horam vocationis suæ exspectaret, fratres monasterii ut ejus exitum orationibus commendarent venerunt, et eum undique psallendo circumsteterunt. Qui cum ut defungeretur exspectarent, ecce subito resumpto spiritu et apertis oculis, acclamare cœpit professionem fidei quæ quotidie decantatur, hoc est : *Quicunque vult salvus esse, et cætera.* Et cum prius idiota et imperitus litterarum fuisse ab omnibus agnosceretur, ita distincte et aperte singula proferebat, ut a nescientibus, si forte adessent, peritissimus in talibus existisse crederetur. Qua de causa omnes qui astabant stupefacti, eventum rei admirabantur. Qui cum diu admirantes haesissent, tandem prior, Gregorius nomine, cui præ cæteris hoc incumbebat, vir bonæ religionis, intelligens cuin aliquid in occulto vidiisse, ad eum se inclinavit, et quæ causa clamoris esset, vel si quidquam quod eos lateret vidisset, interrogavit. Ad quod ille : *Vidi, ait, personam reverendæ formæ, candidi habitus et venerandæ canitiei, paulo ante vas cum aqua afferre, mihique dicere : Noveris causam adventus mei ad te hanc esse, ut pedes tuos qui inquinati sunt ablueam, et eis ablutis totum te mundatum reddam.* Cumque admirari me super his quæ dicebat cerneret, adjecit : *Non nosti, ait, ad purgationem tui hanæ aquam esse necessariam, qui tale quod ipse nosti crimen commisisti, quod de industria celans, nulli hactenus revelare voluisti ? Unde scias te nullatenus posse salvari, nisi quod perniciose celaveras, salubriter studeas confitendo manfestare.* Deus vero multa sua misericordia, neque pro tanto etiam reatu te perire permittens, ad sensus corporeos te redire permittit, ut de tanto crimine confitendo pœnitere, et pœnitendo salutem consequi merearis. Hac igitur de causa et a vobis absui, et ad

## ANDREÆ CHESNII NOTÆ.

(209) In ms. S. V. *De quodam infimo cui corpus Domini non potuit glutire.*

(209\*) Al. *De quodam fratre, qui peccata sua studiose celavit.*

*vos redire permissus sum. His ita dictis aliis remotis A priorem advocans, peccatum illud ei confessus est. A quo hujus et omnium peccatorum suorum absolutione suscepta, sequenti die, prima hora diei, assistantibus et orantibus fratribus, laeto vultu, hono sine quievit. Hoc non ab alio, sed a monacho ejusdem monasterii, Lecto nomine, qui haec omnia vi-derat et audierat, agnovi. Hic enim postea Clunia-cum gratia devotionis veniens, scriptor noster et filius in Christo charissimus fuit.*

## CAPUT V.

*De alterius cuiusdam ficta confessione.*

Erat (210) pene eodem tempore frater quidam in monasterio quod in Francia apud Turrim super Maternam (211) sub jure nostro est, cui cura ejusdem loci commissa fuerat. Qui diuturnæ ægritudinis necessitate coactus, Radulsum tunc abbatem monasterii Catalaunensis propter medelam tam animæ quam corporis, quarum ille rerum non ignarus erat, ad se venire rogavit. Ad quem ille charitate provocatus venire non distulit : et veniens mox ægrum visitare curavit. Cumque non mediocriter cum gravari insirmitate cerneret, hortari eum ad confitendum cœpit. Quod ille se libenter agere professus, consiceri peccata sua, sed non in simplicitate spiritus, aggressus est. Nam graviora et mortifera stulta pudore reticens, quotidiana tantum et quæ levia videbantur, timore Dei postposito fatebatur. Qua palliata confessione completa, corpus Dominicum sibi afferri deprecatus est. Quo allato, et præsumptuoso ore suscepto, cum diu multumque illud trajicere conaretur nec valeret, cum vino quo suscepserat frustra omnia comminuti corporis Christi in vas, quod ori ejus suppositum fuerat, resundere coactus est. Hoc casu, imo divino judicio abbas qui advenerat permotus, et ægrum non plene confessione purgatum ratus, rursus eum admonere cœpit, ut si aliquod facinus reticuisse, vera sibi confessione revelare non erubesceret. Qui et hortatu ejus et divino instinctu compunctus, ad cor reversus est, et quidquid pestis intus latebat evomens, crima quæ ante lethali pudore celaverat, vitali et vera confessione, non jam sicut, sed veraciter corde contrito et humiliato patefecit. Cumque omni fæce iniquitatis per antidotum poenitentiae purgatus fuisse set, et vera confessione per abbatem prædictum absolucionem meruisset, eucharistiam quam prius rejicere compulsus fuerat allatam devote suscepit, et absque ulla difficultate ut sanctissimus aliquis deglutivit. Et ut de miraculo omnis dubitatio tolletur, qui particulam corporis Christi quam deglutire non potuit rejicere per frusta compulsus fuerat, post confessionem non solum corpus Domini, sed

A etiam cibos alios absque ullo impedimento suscepit. Sic igitur confessione, absolutione, sacramenti susceptione frater ille in Domino confortatus, tribus postea tantum diebus supervixit, et sic defunctus est. Hoc ab eodem Radulpho abbe cognoscens, cunctis legentibus vel audientibus communicare cu-ravi.

## CAPUT VI.

*De illo qui per veram confessionem liberatus est a diabolo.*

Addendum jam videtur, illud non contemnendum miraculum quod ipse cum pluribus, ut sequentia docebunt, conspexi. Causa fuit satis omnibus illius temporis hominibus nota : qua cum pluribus nostrorum Romam adii. Rediens inde, Romanas febres satis aceras mecum retuli. Pro quibus curandis fuit consilium, ut patrium solum et nativum repe-terem aerem. Ea de causa Celsinianas nobile Cluniacense monasterium petii, atque ibi totam quadragesimam, longe molestiorem febrium ardoribus, quam jejuniorum laboribus transeggi. Interea dum in sequestrata domo, toto illo tempore decumberem, ecce cuiusdam fratris insirmi in inferiori et proxima domo jacentis clamoribus pene continuis excipior, et de die in diem magis magisque molestor. Vociferabatur sane in primis quæcunque turbato morbis animo confuse occurrere poterant. Ad postremum vero hoc unum semper et solum, absque aliqua interpolatione, toto adnisu inclamabat : *Et o fratres, quare non succurritis ? Cur non miseremini ? cur non removetis a me maximum et terribilem, ut verbo ipsius utar, runcinum istum ; qui posterioribus pedibus contra me versis, calcibus caput meum conquassat, faciem dissipat, dentes conterit ? Removete domini, removete eum ; rogo vos per Dominum, removete eum.* Et conversa voce ad eum, quem in forma equi conspiciébat, dæmonem cunctis audientibus loquebatur. Verba autem ejus quantum imitari valeo, dictritus sum : *Per Dominam meam sanctam Mariam matrem Domini, et per sanctos apostolos adjuro te, ne me torqueas, sed me in puce dimittas.* Fuerat autem idem frater ante conversionem miles secundum saeculum strenuus, mihi in monastico ordine per multum temporis satis notus bonæ vir fidei, et D in quantum hominibus notus esse poterat honestæ conversationis. Pertuli utecumque voces has per totam fere quadragesimam : quo toto tempore, nec ipse a clamore cessavit, nec mihi propter insirmitatis incommoditatem, eum adire facultas fuit. In hujus autem clamoris continuatione, Paschalis advenit solemnitas. Qua transacta, cum jam aliquantulum convaluisse, adhuc tamen æger ad ægrum accessi, et quid sibi in tam diurna vociferatione vellet, re-

## ANDREÆ CHESNII NOTÆ.

(210) Al. Erat pene eodem tempore in monasterio quod apud Turrim super Maternam est, quidam frater, cui cura ejusdem monasterii a Cluniacens. abbe, cuius juri subditum est, commissa fuerat.

(211) Apud turrim super Maternam. Monasterium

nempe Cluniacensis juris in honore S. Genesii consecratum ; quod quibus acceptum referre tenantur Cluniacenses, docent archiepiscop. Remens. chartæ pag. 1389 et 1390 hujus Bibliothecæ jām exscriptæ.

quisivi. Ad quod ille respondit : *Runcinus ille, ille certe, ille mihi intolerabiliter molestus est. Vultum meum assiduis ictibus conterit, et inter hæc ostendebat quasi digito locum, murum scilicet cui ipse adhærebat. Interea videntibus quam plurimis qui mecum astabant, cœpit caput hoc illucque convertere, et quasi a ferientis ictibus subducens, nitebatur illud in pulvinari vel desubtus abscondere. Misericordiam hominis angustiis, nihil aliud præstare valentes.*

Afferri itaque benedictam aquam præcepi, infirmum ipsum, et locum quem ostendebat eadem aspersi, post aspersionem verō, utrum dæmonem illum adbuc videret, quæsivi. Qui se illum et videre, et solita ab eo pati denuntiavit. Sed ne miretur aliquis benedictæ aquæ aspersione dæmonem non fugatum, agnoscat, tabe interius latente, unguenta exterius adhibita nihil proficere posse. Tabem autem voco lethale peccatum, quod quandiu in interioribus cuiuslibet latuerit, nullius exterius sacramenti perceptio ei prodesse poterit. Quod in præcipuis Ecclesiæ sacramentis, videlicet baptisme et corpore Domini, aperte ostenditur. Si enim malitia interiore manente salvare ista possent, nec Judas post acceptum cum aliis discipulis corporis Christi sacramentum laqueo se suspenderet, nec Simoni Mago jam baptizato Petrus diceret : *Non est tibi pars neque sors in sermone isto. In felle enim amaritudinis et obligatione peccati, video te esse* (Act. viii). Sicut enim sacramenta fidei, ita et opera fidei servari Christus præcepit, ut in hoc eodem baptismatis sacramento agnoscere datur, quod institutor ejusdem sacramenti declarat. Qui enim dixit : *Ite, docete omnes gentes, baptizantes eos in nomine Patris, et Filii, et Spiritus sancti* (Matth. xxviii); ipse subjunxit : *Docentes eos servare omnia quæcunque mandavi vobis* (*ibid.*). Utrumque ergo mandavit, utrumque servari voluit, neutrum sine altero ad salutem sufficere posse monstravit. Sic æger iste et aqua salutari potuit aspergi, et tamen propter occultam, ut post apparuit, peccati labem, non potuit a dæmonie liberari. Quod statim ut adverti, eum ut studiose præteritam vitam suam perscrutaretur, et si quid noxiū maxime de gravioribus in ea recognosceret, confiteretur, hortatus sum. Hoc postquam concessit, remotis aliis et duobus tantum mihi adhibitis, ante illum consedi, et cruciculam ligneam cum imagine Domini, ut magis ad confitendum animaretur, donec omnia consummata sunt manu tenui. Confiteri ergo cœpit : et confitendo aliquandiu processit. Et quia multa infirmitas ordinem verborum ejus aliquando perturbabat, juvabam eum interdum, reducendo ei ad mentem quæque animo occurserant poterant. At ille modico meo adjutorio confessim resumpto ordine, quod cœperat, exsequebatur. Cumque plurima explicuisset, et jam ad alia explicanda pergeret, ecce rursus avertere faciem et huc illucque convertere, atque, ut jam dixi, sub pulvinari aliquando nitebatur abscondere. Cumque

A quærerem quid ille incompositus gestus sibi vellet, ecce, ait, domine, illè qui semper mihi adest runcinus solito acrius instat, et toto nisu calcibus dentes, ac totum caput meum conterit. At ego : Insta ergo et tu, frater : malignus spiritus est, impedire festinans salutem tuam, quem, si persistieris, vinces. Mox ille ad propositum confessionis reversus, devotius quam cœperat confitebatur, nihil quod occurdere posset, tam de sæculari quam de monastica vita præteriens. Cum ecce subito in ipso narrationis progressu, nova quærela exoritur, et vox infirmi mecum loquentis ad nescio quem alterum dirigitur. *Quid, inquit, me impedit? Quid verba mea interdicis? Aut dic quod dicere volo, aut me dicere sine.* Cum vero interrogarem cui vel quare ista loqueretur, respondit : *Astat capili meo vir prorsus incognitus, a quo omnia quæcunque male gessi, narrari audio; sic tamen illa memorat, ut me illa proferre non sinat : vera quidem dicit, sed me ea volentem loqui impedit.*

Ego et hunc dæmonem esse dicens, ne a proposito desisteret, exhortabar. Ille autem denuo ad priora rediens, ad finem cœpta perducere nitebatur. Sed mirum erat spectaculum cernere quoties ille verba mutare coactus, nunc mili peccata sua confitens loquebatur, nunc de dæmonibus aliquando verbis, aliquando verberibus os ejus obturare laborantibus, conquerebatur. Quandoque namque runcinum sibi calcibus os contundere, quandoque assidentem capiti suo dæmonem verba intercidere, C multo cum gemitu et suspiriis fatebatur. Fere enim, nisi fallor, quadragies hæc confessionis interruptio a dæmonibus facta est. In tantum pertinax hostis et more sibi solito humanæ perditionis avidus, mecum pariter et cum illo certabat. Productum est hoc nostrum prælium, ab hora diei prima usque ad horam tertiam. Tunc plane hora illa qua maxime se hominibus infundere Spiritus Dei solet, ejusdem Spiritus auxilio vicimus. Vicimus nos, inquam, sed rectius ille vicesse dicitur; sine quo malus spiritus nunquam vincitur. Vicit certe nequam hostem diuina miseratione, et egregiam præteritæ vitæ suæ memoriam atque animositatem proférendi, fratri in extremis jam agenti concedens, perfectam ei purgationem per plenam confessionis satisfactionem largitus est. Et miranda, sed multo magis veneranda atque diligenda supernæ pietatis erga miseros affluentia, quæ ante fratrem istum mundo excedere non permisit, donec quod vere obstare ei ad salutem æternam posset, per poenitentiae et confessionis remedia indulxit. Quantæ vero memoriae in confessione fuerit, ibidem etiam tune probavi. Dixit enim se ante plures annos altare benedictum, eidam fratri commisso. Unde hac occasione utrum bene memoria urgeret, certificari cupiens, altare illud a fratre quem nominaverat perquiri feci. Quod post inquisitionem, ab eodem, cui commissum fuerat, mili allatum est. Confessione ergo completa, fratres advocans, ægrum, ut moris est, absolví,

pœnitentiamque pro eo fratribus, si ille defungere-  
tur, indixi. Quam absolutionem multa cum dévo-  
tione frater ille suscipiens, crucem sibi a me obla-  
tam supplex adoravit, atque salutiferæ passioni Do-  
mini animam corpusque suum intentissime com-  
mendavit. His omnibus expletis; coram cunctis  
tam monachis, quam laicis qui astabant, interrogo  
quid de runcino illo sæpe nominato, de quo toties  
questus fuerat diceret; vel si eum adhuc, ut prius,  
videret. At ille, quæsi cum multo timore elevans  
caput, et oculos velut jam jamque feriendus ad lo-  
cum solutum dirigens; indeque ad alia vicina loca  
circumducens, subito gaudio obortis lacrymis ait :  
*Per animam Patris mei non comparet.* Cumque et de  
illo pessimo consiliario, qui capiti ejus tandiu ad-  
hæserat, requirerem, eliam ad eumdem locum ubi  
ante illum conspexerat, intuitum reflectens : *Et iste,*  
ait, *abcessit.* Gratias omnes toto corde egimus Deo,  
qui salvat sperantes in se. Exinde vero studiosius  
eum observari, propriis deputatis custodibus, man-  
davi. Nec fuit qui postea eum saltem in modico  
clamantem audiret, cum antea fratres in illa domo  
jacentes, ejus fatigati clamoribus quiescere non va-  
lerent. Interrogatus frequenter a fratribus et etiam  
a famulis, utrum aliquid illorum videret quæ prius  
viderat, nihil triste se videré, nihil prorsus mole-  
stiæ pati affirmabat. A meipso de istis postea inter-  
rogatus, omnia sibi læta et pro voluntate esse re-  
spondit. Toto illo die cum subsequenti nocte postea  
supervixit, sequenti circa sextam in pace vitam fi-  
nivit, bonam spem salutis suæ et exemplum veræ  
pœnitentiæ nobis derelinquens.

## CAPUT VII.

*Quomodo dæmones aqua benedicta fugati sint.*

Quia vero [al. et quia] in serie hujus miraculi narravi, aquæ more ecclesiastico benedictæ asper-  
sione, dæmones causa latentis peccati minime effu-  
gatos [fugatos]; ad rem pertinere videtur, quid de  
eadem re in eodem Celsiniensi monasterio contige-  
rit, in medium proferre. Venerat ad eumdem lo-  
cum infirmitate carnis urgente laicus quidam, et  
ut fieri solet monachico habitu a fratribus indutus,  
sæculo renuntiaverat. Faciunt hoc multi etiam in  
extremis constituti, qui, licet eorum quos nulla D  
corporis molestia ad hoc impellit laudem minime  
consequi videantur, numero tamen monachorum,  
si ex corde convertantur, ante æterni judicis oculos  
nullomodo excluduntur. Et quamvis majoribus me-  
ritis majus debeatur et præmium, nummum certe  
quem a prima hora diei in vinea Domini laboran-  
tes meruerunt, ad undecimam quoque venientes  
acceperunt. Nec enim præjudicat modus conversio-  
nis devotioni cordis, nec quæritur apud Deum qua  
ex causâ quisque conversus, sed post conversionem  
qualiter fuerit conversatus. Sed nec quantitas diu-  
turni vel parvi temporis attenditur, ubi solus finis  
operum remuneratur. Susceptus ergo hoc modo  
jam dictus vir, et ad domum infirmorum delatus,

A per aliquot dies inter vltæ mortisque confinia labo-  
rabat. Nocte itaque obitus sui diem præcedente, in  
lecto jacebat, et velut morte jam proximus a duo-  
bus famulis per vices sibi succendentibus custodiatur.  
Et quoniam subsequens narrandi ratio eorum  
nomina proferri cogit, unus ex his Stephanus, alter  
Olivus dicebatur. Illa igitur noctis vigilia qua jam  
a nominato Stephano asservabatur, eumdem sibi  
invigilantem famulum æger ille vocavit. Qui cum  
ei astans quid sibi vellet quæsisset : *Qui sunt, in-  
quit, rustici isti deformes et rostrati, quos huc con-  
fluere et paulatim totam hanc domum implere video?* Ad quod cum famulus respondisset neminem in  
domo illa haberi, se tantum cum socio ei excuba-  
re, admirans ille adjecit : *Non cernis, ait, tetros  
B homines omne jam hujus domus spatium complevisse,  
quorum horrenda species et rostris longissimis facies  
exacutæ, terrorem mihi non parvum important?* Tunc  
demum famulus intellexit, ut sæpe postmodum ipse  
mihi narravit, non hominum, sed malignorum spiri-  
tuum hanc esse frequentiam. Unde alta voce socium  
Olivum, ut surgeret inclamans, vas quod forte cum  
aqua benedicta in proximo dependebat, sive plenus  
arripit, et sanctificatum elementum hue illuc-  
que confidenter aspergens, omnia illius habitaculi  
loca infundit. Hoc dum faceret, claimare ille forti-  
ter cœpit : *Eia, inquit, eia! fac quod facis: insta,  
perurge adversarios, quoniam ecce velut a facie gla-  
dii fugientes summa cum celeritate exire contendunt;  
et quia moras patiuntur, in alter utrum impingentes,  
primos hi qui sequuntur, violenter impellunt.* Quo  
ille audito, instare acriter, et aqua benedictionis, si-  
lios maledictionis a domo excludere contendebat.  
Quibus penitus, ægro qui hoc solus cernebat testi-  
ficante, exclusis, et ille a dæmonum infestatione  
liberatus est, et quantum ad similia valeat salutaris  
aquæ cum sive aspersio, demonstratum est. Die  
vero subsecutâ, fratribus hujus visionis relatione  
læticatis, in bona confessione novus ille monachus  
obiit, et in illa dæmonum fuga susceptam a Deo con-  
versionis suæ devotionem omnibus persuasit.

## CAPUT VIII.

*De Gerardo puræ et simplicis vitæ monacho.*

Jam incidenter, sed necessario his interpositis,  
ad proposita me reverti assumpta [principaliter  
materies cogit. Unde illa quæ de magnifice et su-  
per cœlesti Christi corporis sacramento miracula  
adhuc dicenda sunt, ultra differenda non sunt. Fra-  
ter quidam cum honore nominandus, cum dulcèdinè  
recolendus Gerardus nomine, magni illius Clunia-  
ensis monasterii magnus et ipse vitæ merito mona-  
chus fuit. Hiæ a pueritia in clericali habitu ad pe-  
des memorandi sancti Patris Hugonis eductus, vir-  
tutum ejus imaginem multa ex parte in ipso expre-  
sam ostendit. Nam, quod non parum difficile est, in  
medio sæculi constitutus, et in igne non adustus,  
juveniles annos absque castitatis naufragio evasit  
[al. exegit]. Coætancorum quippe lasciviam innato

pudore abhorrens, matūris clericis sive monachis adhærebatur. Quorum cohabitatione ad potiorem honestatis amorem informatus ad ecclesiastica quoque officia frequentanda et amanda paulatim instituatur. Unde contigit ut, optimo usu cum ecclæ sensim convalescente, tantum erga divina amorem conciperet, ut præ cæteris virtutibus, hic alerius ejus semper animum possideret. In his et hujuscemodi studiis toto pene adolescentiæ tempore decurso, a jam dicto beato Patre Hugone in monachum susceptus est. Qui habitu religionis indutus, sæculum se exuisse, bonis et propemodum perfectis actibus dæmonstravit. Puræ et simplicis monachus vitæ, vere, secundum Domini dictum, *Israelita in quo dolus non est* (*Joan. i.*), injuriarum immemor patientiam conservahat: quen si irasci contingeret, paulo post iratum suisse graviter poenitebat. Nil simulare noverat; sed qualis interius existebat, talem se exteriorius demonstrabat. Ad os ejus si accederes, statim quæ dico vera esse comprobares. Divinarum rerum saporem quem a puero imbiberat, sicutenaciter conservahat, ut ejus pene universa verba vel facta diligenter considerantibus, nil aliud quam cœlestem fragrantiam redolerent. Ecclesiasticis officiis ita devotus insistebat, ut nec labor diurnus, nec requies nocturna eum in his aliquando reddere sequem valerent. Grave se incurrisse reputaret delictum, si vel somno coactus, vel cogitationibus advocatus, de prolixa Cluniacensium psalmodia unum saltem versum intermitteret. Cumque nihil psalmorum, nihil reliquorum officiorum os ejus præteriret, intellectum quoque quem poterat dictis adhibebat, et Deo jugiter immolans sacrificium laudis, juxta Apostolum, spiritu et mente psallebat (*I Cor. xiv.*). Religiosa etiam in exterioribus strenuitate eleganter poliebat: cuius rei gratia in multorum prioratuū administratione et subditis utilis et omnibus quibus innotescere poterat charus erat. Obedientiæ singularis conservator tanto eam affectu colebat, ut nefas duceret si vel in modico nutum jubantis excederet.

Expertus sum ipse magnam in hac virtute ejus constantiam: cui cum sæpe gravia, et quæ aliis vix injungere auderem, facillime imponerem, alacriter injuncta suscipiebat, et alerius adimplebat. Romam quodam tempore pergens, illo illisque iter meum comitantibus, Senam quæ de præcipuis Tuscicæ urbibus est hospitandi causa diverti. Die sequenti maturius hospitari cupiens, ante lucis exortum iter arripui. Cumque jam duo fere millaria ex urbe progressus peregisse, subito post nos vocem currentis equitis velut a longe audivi: eaque audita substi. Qui cum ad nos se sustinentes pervenisset, insidias nobis in via a duce Conrado quorundam instinctu parari narravit, eaque de causa redditum persuasit. Quo impetrato, ego quidem cum sociis retro redii; Gerardum vero (quoniam promptior eo ad obediendum non aderat) ad dominum papam exigente necessitate direxi. Recedens ille a

A nobis, nondum plene sex vix, ut arbitror, milliaribus expletis, insidiantes incurrit: A quibus comprehensus, rebus omnibus ablatis ad deserta et prærupta montium violenter abductus est. Ubi in altissima turri conclusus, multaque incommoda perpessus, postquam pericula carceris evasit, se aliquid propter obedientiam passum suisse, gavisus est. Super omnia vero salutarium altaris sacramentorum amorem, corpori virtutum suarum velut quendam verticem imposuerat: quo vehementer cordis adnisu in alta sublato, ipsa quoque cœli intima penetrabat. Quis enim facile referre valeat quam claro ille fidei oculo Jesum Dominum sub velamine sacramentorum non velatum admirabatur, sed revealatum contemplabatur? Nullam intellectui ejus species exterior caliginem inferebat sed velut cum apostolis in terra gradientem, cum beata Virgine in cruce pendentem, cum Maria Magdalene a mortuis resurgentem, intuitu spirituali cernebat. Contulerat ad hoc sacri corporis et sanguinis Christi mysterium totam spem suam, et quotidiana pene oblatione pro suis ac totius mundi peccatis filium patri sacrificans, se quoque ipsum multa cordis devotione et lacrymarum profusione pariter immolabat. Videres cum assistentem altari, profundo plerumque fletu totum concuti, verba singultibus interrumpi, gravibus pectus suspiriis urgeri cerneret, ut intelligi daretur prorsus ab humanis alienatum, ad divina sublevatum; non tantum mente sed ipso C pene corpore sic in cœlestibus conversari, ut de illo eliam a Domino dictum videretur: *Qui manducat carnem meam, et bibit meum sanguinem, in me manet et ego in illo. Et qui manducat me, et ipse vivit propter me* (*Joan. vi.*). Et alibi: *Panis quem ego dabo, caro mea est pro mundi vita* (*ibid.*). Quam vitam ne quis putaret temporalem, rursum ait: *Si quis manducaverit ex hoc pane, vivet in æternum* (*ibid.*).

His Domini nostri promissionibus, vitam in his se sumere certus æternam, insatiabili, ut sic dicam, aviditate, pane cœlesti noster hic Gerardus inhabant, et beatam animæ suæ esuriem pastu quotidiano recreabat. Iстis bonorum operum exercitiis a prima juventute ad ultimam usque fere senectudem perductis, tandem dignus habitus est, cui aliquid secretorum suorum Dominus revelaret. Quod in his corporis et sanguinis sui mysteriis ideo singulariter agere voluit, ut et eorumdem sacramentorum veritatem ostenderet, et hunc de quo loquimur, non frustra in his spem suam posuisse monstraret. Unde et animi ejus affectionem sibi bene acceptam suisse ostendit, quando eum, congruente ejus devotioni miraculo, tam magnifice decoravit. Testis hujus tam admirandi miraculi ipse est, cui utrum credi debeat vita præcedens et finis subsequens declarat. Non tamen horum spontaneus relator exstitit; sed a me secreto adjuratus, quod prius quasi subalterius nomine dixerat, sibi revealatum suisse indicavit. Et ne aliquis in corde meo scruta-

pulus remaneret, licet de verbis ejus simpliciter prolati in nullo dubitarem, quod de visione aperuit, nominis Dei et Christianæ spei interposita testificatione confirmavit. Extorsit tamen a me prius secreti fidem; ut quoad ipse viveret, alto illud silentio conservarem. Sed eo jam à vita præsentि morte carnis exempto, oportet ea propalarī ad Dei gloriam quæ illé dum vixit, ad sui voluit celari cautelam (212).

Habetur in Cabilonensi episcopatu villa quæ Bellus mōns dicitur, ad jus Cluniacensis monasterii spectans, ubi in honore bēatae Dei genitricis et Virginis est ecclesia, ob ejusdem singularem memoriam, singularem ut a multis comperi, orandi dans gratiam. Sunt ibidem et domus parvæ paucis ad manendum monachis satis congruae. Erat tunc ibi circa natalem Domini jam dictus venerabilis Gerardus, et studiis suprascriptis infatigatus instabat. Advenerat Circumcisionis Dōminicæ sacratus dies, et ille nocturnis vigiliis devote expletis, ad diurna se officia devotius implenda parabat. Ventum est ad missam, et more suo vestib⁹ sacris exterius paratus, interius spiritu et fide repletus, ad altare accessit. Cumque cæteris expletis ad Canonem pervenisset, et verba divina panis et vini substantiam in Christi carnem et sanguinem commutantia consumasset, paululum ante Dominicam orationem forte oculos ad sacra ipsa convertit. Et ecce stupeo referens, formam quidem panis quem altari impo-  
suerat non vidit, parvum vero puerulum manibus et brachiis more infantiae gestientem pro eo conspe-  
xit. Hæsit itaque consciens debito timore turbatus et nesciens quid ageret, ad inusitatum et cœleste spectaculum tremens admirabatur. Lègi olim quidam his quæ referto simile, sed dignatio aliquid nostro miraculo voluit addere, propter quod nullum huic inveniretur æquale. Nulla enim ætas præterita hoc conspicere meruit, quod nostris diebus auctor horum sacramentorum Deus Gerardo nostro viden-  
dum concessit. Nam dum hoc stupidus miraretur, convertens oculos ad latus altaris, conspicit mulierem honestissimæ formæ, et ut intellectu conceperat, beatam semper Virginem ejusdem Dei pueruli matrem, diligenti eum et velut materna custodia multa cum reverentia observantem. Juxta quam D  
cernit angelici decoris virum, imo, ut vere erat, a Deo missum angelum, cœlestibus sacramentis pariter cum illa astantem. Quantum in corde ista cer-  
nentis tunc laetus accreverit timor, quam multipli-

A catum fuerit gaudium, qualiter cor ejus, et caro ejus exsultaverunt in Deum vivum, nec ego scribere, nec ille mihi potuit referre. Additur adhuc inaudito miraculo testimonium angelicum, et eum quem altari videbat assistentem, audit sibi angelum dicente. Verba ipsa mihi ab eo saepè relata, nihil plus minusve continentia, dicturus sum: *Quid, inquit angelus, miraris? hic puer quem conspicis, cœlum gubernat et terram.* His dictis, cœlestis visio abscessit. Post hoc dum rursum oculos ad salutaria sacramenta reduxisset, infantem jam videre non potuit: Sed panis speciem ut prius fuerat, altari superimpositam vidi. Hoc tanto miraculo dignus habitus, et eodem Christi corpore quod conspexerat satiatus, missam supernæ gratiæ munieribus B donatam ille Dei presbyter consummavit (212\*). Et ne forte venerandus vir tanta visione minus dignus ab aliquo suis putetur, quiddam non quidem huic miraculo simile, sed tamen non vile per hunc gestum, referendum esse videtur.

Regebat aliquando, quod Nivernis habemus, Sancti Salvatoris monasterium sibi a sancto Patre Hugone commissum. Órta est lis inter eum et quendam suum præpositum, pro qua, die agendi constituta, ad causam uterque convenit. Affuit multitudo nobilium, clericorum et monachorum non parvus numerus, vulgarium vero constipatio universa replebat. Assedit prior Gerardus inter medios, reliqui eum undique ambierunt. Venit et cum suis præpositus, contra illum causam acturus. C Aderant electi judices, qui utriusque actione audita, litem judiciario ordine dirimerent. Rem de qua agebatur nulla nominare necessitas cogit, erat tamen ecclesiastica, multumque usibus monasterii necessaria. Hanc ille, quem dixi præpositus, quoniam valde lucrosa videbatur, summo studio sibi vindicare conabatur. E regione, Gerardus non acquiescebat, quoniam ad jus sibi commissum monasterii hanc pertinere sciebat. Data est Gerardo loquendi copia, et coram cunctis, qui aderant, ut religiosum decebat, causam suam aperuit. Qui postquam finem dicendi fecit, is qui ei adversabatur falsa esse quæ ab eo dicta fuerant, exclamavit. Jussus post hæc a judicibus venire et ea quæ dixerat comprobare, proprius accessit, et iterans quæ dixerat, coepit temeritate se vera dicere, confirmabat. Cumque instaret, rursum ei judices præcepérunt, ut secundum morem regionis illud quod ipsi vocant gadium [vadium] (213), rei videlicet ab ea

#### ANDREÆ CHEŠNII NOTÆ.

(212) In ms. S. V. aliud hic incipit cap. cum hoc titulo: *Narratio primi miraculi eidem ostensi.*

(212\*) Aliud item cap. hic incip. in ms. S. V. sub hoc titulo: *Item miraculum de eodem monacho.*

(213) *Illud quod ipsi vocant gadium.* Optimus hic ipse sibi noster Auctor interpres cum subjungit, *rei videlicet ab eo probandæ argumentum, manu propria ejusdem Gerardi prioris manu poneret.* Gadium enim sive wadium, quod et inde nos adhuc vernacula gage dicimus, erat arrha vel arrhabo donatio-

nis, aut etiam futuri duelli. Narratio translationis corporis S. Germani, quo die Pipinus rex fiscum Palatiolum cum appendiciis suis omnibus abbatiæ S. Vicentii Paris. dedit, Et ponens, ait, *wadium suum super tumulum: Accipe, inquit, o beatissime Germane, villam nostram Palatiolum cum omnibus appendiciis suis, tibi familiæque tuæ hactenus inimicam, amodo autem et deinceps perpetuo profuturam.* Unde et verbum *gadiare* factum est, id est gadium sive wadium dare, sicut ex his calumnis super

probandæ argumentum, manu propria in ejusdem Gerardi prioris manu poneret. Qui velut ex bona conscientia audacter gadium in manu ejus ponens, ait : *Hujus, ut dixi, rei ego testis sum, aliis quoque testibus vel duello id ipsum probaturus* (213\*). Sed quia, ut scriptum est, falsus testis non erit impunitus, postquam hæc verba protulit, cunctis qui ad audiendam causam illam convenerant cernentibus, resupinus ruit et illico expiravit. Tremefacti omnes surrexerunt, et rem a Deo judicatam videntes, nihil ultra judicare præsumpserunt. Nam quidam ex illis prius etiam miserum illum pro certo mentiri noverant, plurimi suspicabantur, nec vero universi pariter cognoverunt Deo hunc mentitum fuisse, quem ejus judicio post prolatum mendacium tam subito contigit interisse. In hoc miraculo licet ultrix mendacii divina veritas magnifice claruerit, cujus tamen meriti Gerardus videri posset, injuriam ejus vindicando monstravit (214).

Manebat alio tempore in loco Cluniaco proximo, qui Altumjugum vocatur. Sumpsit autem idem locus nomen ab altitudine, qua omnem circumja-

A centem terram transcendent. Est enim mons altissimus elevatus in vertice montium; ipsas saepe nubium globositates, quando humida qualitate gravatae ad altiora descendere nequeunt, sub se conspiciens, unde et Italiæ Alpes videri ei maxima pars subjectæ Galliæ possit ostendi. Elatus ergo multo in aera spatio mons, et silvarum densitate circumseptus, ventis inclemotoribus continue patens, nivibus diurnis expositus, ascensu et descensu difficilis, popularem habitationem a se longe removit, et remotiora quærentibus nil ultra se quærere sui solitudine persuasit. Unde et monachos tantum ad manendum suscepit, quos nec multos esse sui ariditate permisit. Hunc locum Gerardus per diversas mundi partes obedientia compellente diu fatigatus, circa finem vitæ suæ velut emeritus missione a me impetrata, suscepit. In quo cum paucis fratribus et ipsis Deum timentibus, divinis operibus solito studiosius occupatus, orationi insistebat, lectioni vacabat, frequenti sacrorum verborum collatione ad divinum amorem vehementius se accendebat. Sobrio victu contentus, si quid forte in his aliquando

#### ANDREÆ CHESNII NOTÆ.

Hildradum servum in Chartulario Majoris-Monasterii verbis palam est : *Et cum ille ostenderet illum suisse colibertum, guadiavit ei dominus Ascelinus jurare, quod ille servus fuerit, non colibertus.*

(215\*) *Duello id ipsum probaturus.* Duelli, quod et ipsum bellum dicebatur, exempla varia reperiuntur apud antiquos, et etiam nova quædam vulgavit vir eruditioñis eximiae Jacobus Sirmundus in notis suis ad Gausredum Vindocinensem abb. Sed quia de duello monachorum cum sacerdotalibus hic agitur, nos adhuc nihilominus alia quædam, et ipsa forte nova, de thesaūris veteribus ad locum illustrandum proferemus. Et primo, Robertus rex in præcepto de Vicaria Anthoniaci : *Ille vero, inquit, nempe Pipinellus Guarini militis vicarius, ad judicium veniens nullo modo resistere valuit propter rationabilem contradictionem servorum S. Vincentii et S. Germani, qui legali conflictu duelli erant resistere parati.* Item Ludovicus VII in privilegio quod canonicis S. Genoveſæ super servitute hominum de Rodoniaco concessit : *Nos autem secundum consuetudinem regni Francorum judicavimus, ut quia homines hospicetum et colonatum Ecclesiæ cognoscebant, et liberos sedentes servitutem negabant, in curiam abbatis, cuius erant hospites, irent, et ibi Ecclesia si eos habere vellét, per duellum servos esse suos approbaret.* Hoc duelli conflictu calumniam propulsare, vel jus aliquod defendere parati, gaudium dabant adversæ parti, quod et ipsum guadiare, et arrhamire bellum sive duellum dicebatur, id est arrham sive sponsionem dare, coram judice vel in curia promittere sive cavere de die pugnæ vel conflictus. Sic enim monachi S. Martini, Charta ix : *Pro his rebus, inquiunt, acquietandis, arrhamivimus bellum in curia Vindocinensi, causæ nostræ fidentes, et ad hoc provocati. Verum cum incundæ pugnæ dies statutus adesset, ab amicis nostris qui tunc aderant submoniti sumus, ut pace potius tantæ discordiæ finem imponeremus.* Et Charta clxix : *Stephanus Cambacanis de Ferraria abnegavit se esse servum S. Martini, et de hoc arrhamivit bellum contra nos. Intra terminum autem quo bellum fieri debebat, recognovit se male egisse, venit in capitulum Majori-Monasterii, et dedit recognitioñem suam, scilicet secundum consuetudinem imposuit super caput suum quatuor denarios, et per illos tradidit se sancto Martino.* Die sic data, duelloque per-

C judicem aut curiam senioris adjudicato, pugnaturi conveniebant in campum, ubi et saepe regionis proceres assistere consueti. Quod docet Herveus Malsetus in charta de Verreriarium Ecclesia, quæ spectabat ad monachos Sancti Dionysii de Nogento Retrodi, his verbis : *Adjudicatum est Lancelino reddere equum monachis cum lege sua auditis rationibus ex utraque parte, et tamen testantibus comite et proceribus veritatem quam audierant, semper negavit sicut ante negaverat : unde adjudicatum duellum inter monachos et Lancelinum. Quidam enim famulus monachorum, nomine Ingelricus, filius Ragenaudi Jocularii appellavit Hugonem filium Ausgerii ex parte Lancelini, quod audierat hoc quod Lancelinus negabat, et ipse negavit. Sed quia ipse debilis erat corpore, sicut dixerunt qui eum cognoscebant, quidam nepos ejus nomine Guitcelinus, dedit vadimonium duelli iudicio curiae pro eo, et venerunt in campum ad faciendum duellum. Cum venissent usque ad sacramentum, proceres qui ibi aderant, Robertus scilicet dapifer comitis, et cognatus ejus, et Robertus de Bellomonte, et Haymericus de Villereio nepos domini Hugonis, et alii proceres qui ibi aderant, quamvis scirent veram esse causam monachorum, laudaverunt priori et monachis qui ibi aderant, ne consentirent fieri bellum, etc.* Unde patet et sacramentum a pugnaturis ante congressionem praestari solitum fuisse. Sed et quibus armis ipsi plerumque, quos campiones a campo nominabant, vernaculae *champions*, uterentur, appearint rursus monachi Santi Martini in Notitia de Molendino Fulberti cum aiunt : *Fulbertus de Lavazino, qui censem illum motatice dum esset in sæculo annis multis reddiderat, et nunc noster monachus factus erat, defendi fecit contra illum, nempe Constantium de Radenaco, per quemdam nostrum hominem, scuto et baculo cum campione ipsius Constantii decertantem, pro palo illo censem nec se unquam reddidisse, nec esse jure reddendum. Quod et ille vellet nolle quandoque recognovit, et omnem in perpetuum reclamationem illius palatici, superato in ipsa decertatione suo campione, guerpivit, bellumque injuste assumptum prout placuisse Alberico de Monteaureo, sub cuius hæc acta sunt iudicio, legaliter emendaturum se spopondit.*

(214) Item de eodem monacho, idem ms.

deliquerat, parcitate præsentí expiabat. Curiis omnibus mundi hujus exutus, tanto spiritualibus desideriis Deo siebat propinquior, quanto ab humanis actionibus factus erat remotior. Ecclesiasticis officiis semper quidem, ut supra dixi, dévotus existimat; sed tunc eis maxime totis mentis affectibus et corporis viribus devotissimus insistebat. Altaris sacris pene jugiter assistens, illud suum totius mundi singulare præsidium, corpus scilicet et sanguinem Redemptoris, inenarrabili mentis devotione, et quotidiana missæ celebratione super omnia percolebat. Diurno tempore sic consummato, nocturnas quoque vigilias observabat, et ne intempestive fratres surgerent, sollicitus providebat. Quas semper aut saepe ipse præveniens multam noctis partem lacrymis et orationibus exigebat. Quo tempore frequenter in eadem Ecclesia voces cujusdam cœlestis melodiæ se audisse et mihi retulit, et quibusdam aliis qui postea id mihi dixerunt, narravit. Nec mirum. Illorum enim est audire cœlestia, quorum aures designantur audire terrena. Tanto enim magis sensus humani quæ supra se sunt percipiunt, quanto minus his quæ infra sunt dediti sunt. Tali Gerardus certamine certans, tali vitæ suæ cursui indefessus insistens, tandem palmam victoribus debitam, bravum perseveranter currentibus promissum ad eius, beato in eodem loco sine quievit. Qui a vita præsentí subtractus, vitæ se jam æternæ participem; non multo post mortem suam elapso tempore, aperte monstravit, et veram esse Apostoli sententiam qua dicit: *Quæ enim seminaverit homo, hæc et metit* (Gal. vi), in seipso comprobavit. Nam quia, ut saepe jam dixi, totam spem suam in corporis et sanguinis Christi sacramento, cum bonæ conscientiæ testimonio collocaverat, ostensum est per eum jam defunctum aliud de saepe nominando sacramento miraculum, quo et spes ejus non irrita fuisse probaretur, et fides audientium firmaretur.

(214\*) Nondum post obitum ipsius dimidiis fluxerat annus, cum fratri cuidam, quem quia adhuc superest, nominare nolo, visio memoranda apparuit. Videbat, et ecce dæmon, parvi et nigerrimi Aethiopis specie assumpta, lecto ejus astabat. Qui portentuosa deformitate terrorem consipienti intentans, manuum formam per aurum foramina emittebat, igneam linguam de barythro putidi oris ejectam, in immensum protendebat, qua totum corpus fratri illius lingendo, se carnes ejus prorsus consumpturum esse dicebat. Tremens ille ad aspectum dæmonis, nil aliud quam mortem jam jamque absundens præstolabatur. Cumq[ue] intolerabili horrendæ visionis terrore turbatus nihil ultra remedii se habituру speraret, ecce Gerardus constanti animo et splendido, ut frater ille asserebat, vultu ei astitit,

A et Aethiopem illum manibus comprehensum ad terram elisit, ac guttur nefandum viriliter pede compressit. Qui dum fortiter captivum hostem premeret, ille velut ex violenta compressione, nec nominandum caput ad instar magni cacabi inflans, lingua flamigera, quasi aratro terram proscindaret, circumposita comburebat. Cujus spectaculi horrore jam pene extra se factum, prædictum fratrem Gerardus alloquitur: *Vis, inquit, a dæmone hoc liberari?* Ad quod cum frater velle se omnibus modis respondisset, adjecit ille: *Si, inquit, vis liberari, perge ad abbatem, et ut quemdam fratrem cui fabrile officium est ad se accersiat, ei ex mea parte dicito, a quo sollicite inquirat utrum aliquando de veritate corporis et sanguinis Domini dubitaverit, et quid ei ad tollendam eamdem dubitationem ostensum fuerit, et qualiter fides ejus illa revelatione confirmata sit. Quæ postquam cognoverit, litteris mandare studeat, quoniam sicut fratri illi profuit hoc vidisse, ita multis proderit audivisse.* Placet enim Deo conversatio fratri illius, nec pati voluit hujusmodi tentatione labores illius deperire. Hæc si abbat te dicturum promiseris, continuo ab hoc dæmone liberaberis. Quo rursum spondente, Gerardus dæmone in fugam compulso, fratrem ab ejus infestatione eripuit. Qui a somnio consurgens, postquam ad se rediit, tandem se vere mortem evasisse testatus est [lætatus]. Pauci post hoc transierant dies, et frater cui hoc ostensum fuerat ad me veniens, cuncta quæ supra retuli narravit. At ego nullam adhuc fidem somnio præbens, de fratri illius qui indicatus fuerat totus relatione pendebam. Quem ad me non nomine, sed artis ac vitæ indicio manifestatum accersiens, utrum aliquid dignum memoria de corpore Domini vidisset, secreto quæsivi. Qui cum aliquandiu velut peregrinatione (215) attonitus siluisset, me in virtute obedientiæ ne sibi ostensum verbum absconderet præcipiente, tandem universa aperuit. Longo, ait, tempore super hujusmodi re antiquus hostis fidem meam tentando vehementer aggressus est, et pene ab statu suo, nisi gratia Dei juvisset, concussit. Quam temptationem multum, et supra quam dicere possim mihi molestam cum diu tolerarem, et ea de causa quantumlibet in religione laborem meum me amisisse putarem, cumque jam in desperationem labi me pusillanimitas cogeret, ad beatam Dei Genitricem ultimam spem contuli, et ut a tanto malo miseram animam meam eriperet, totis animi nisibus rogare cœpi. Necdum ab incœptis precibus quindecim exacti fuerant dies, et ego ante maius altare majoris Ecclesiae mihi astare videbar. Super quod velut unius anni puerulus residens, me ad se accedere præcipiebat. Cumque illi appropinquasset, ut panem sanctum, quem manu prætendebat, ore suscipierem, admonebat. Quod ut explevi, adjecit: *Accipe,*

## ANDREÆ CHESNII NOTÆ.

(214\*) *Quomodo isdem monachus post obitum cuidam apparuit, idem ms.*

(215) Al., interrogacione. N. Faber, peregrina oratione.

*ait, me, et in brachiis tuis per hujus Ecclesiae spatum.* A circlo ea quae in Cluniacensi monasterio vel circa contigisse audivimus, primo ad medium deducamus. Est autem Cluniacense monasterium, religione, disciplina, severitate, fratrum numerositate, omnique monastici ordinis observatione, toto pene orbe notissimum (215\*), singulare ac commune peccatorum refugium; per quod multa inferis damna illata et regnis celestibus quamplurima luera collata sunt. Ibi innumeræ hominum multitudines, graves mundi sarcinas ab humeris suis affjicientes, suavi Christi jugo colla submiserunt. Ibi omnium professionum, dignitatum et ordinum personæ fastum luxumque sæcularem, in humilem et pauperrim monachorum vitam commutaverunt. Ibi ipsarum Ecclesiarum venerabiles patres, etiam ecclesiasticorum negotiorum onera fugientes, tutius quietiusque vivere, magisque subesse quam præesse elegerunt. Ibi contra spirituales nequitas indefessum luctamen et implacabile [al. impacabile, vel implacabile] quotidianas victoriarum palmas Christi militibus præstat. Hujus loci habitatoribus, continua concertatione carnem spiritui subjacentibus, vcre, secundum Apostolum, *Christus vivere est, et mori lucrum (Philipp. 1)*. Hinc effusa spiritualium virtutum nardo, impleta est tota mundi domus ex odore unguenti (*Joan. xii*), dum religionis monasticæ fervor, qui illo tempore pene refrigeruerat, illorum virorum exemplo studioque recaluit. Gallia, Germania, transmarina quoque Britannia hoc testatur, Hispania, Italia, totaque Europa fatetur, plena monasteriis ab eis aut noviter fundatis, aut ab antiquo senio reparatis. Ibi monachorum collegia, in morem cœlestium agminum per ordines suos Deo assistentia, cum aliis sanctorum virtutum exercitiis, divinis laudibus die nocteque ita insistunt, ut de eis quoque a propheta dictum possit intelligi: *Beati qui habitant in domo tua, Domine, in sæcula sæculorum laudabunt te (Psal. LXXXIII)*. Sed quid alias mundi partes numero, cum de nostro ultimo Occidente usque ad ipsum Orientem fama hæc pervenerit, nec aliquem Christiani orbis angulum latuerit? Hæc namque est vinea, hi sunt palmitæ, qui veræ viti Christo inharentes, et a patre agricola purgati, secundum evangelicam sententiam multum fructum D afférunt (*Joan. xv*). De hac vinea in Psalmis legitur: *Extendit palmitæ suos usque ad mare, et usque ad flumen propagines ejus (Psal. LXXIX)*. Quod licet de Judæorum Synagoga ex Ægypto translata, et maxime de præsenti Ecclesia dictum sit, nihil tamen ob-

## CAPUT IX.

*De his quæ in Cluniaco, et circa contigerint.*

Illi quæ ad reverentiam divinorum sacramentorum, et ad confessionis veræ sinceritatem pertinent prælibatis, ad reliqua, quantum ad morum ædificationem spectat non minus utilia, adjuvante nos Domino transeamus. In primis vero visionibus sive revelationibus defunctorum, quæ a diversis cognoscere potui, ut potero, explicabo. Hæc enim nostris maxime temporibus frequenter provenire dicuntur. Nam et defunctorum effigies vivis apparere, eisque persæpe multa vera atque probata nuntiare, a quain plurimis et fide dignis viris affirmantur. Talium autem rerum narrationem non ingrata fore legentibus existimo, præcipue illis qui futuræ vitæ amore præsentem fastidiunt, et ad illam recta fide ac piis operibus pervenire contendunt. Horum namque multa est recreatio, et in præsentibus miseriis, in quibus quotidie ingemiscunt, maxima consolatio, quando de patria a qua in hac peregrinatione exsulant, et ad quam inhianter suspirant, aliquid quod eorum fidem ac spem magis ac magis excitet, audiunt. Audivi de talibus multa a multis, in quorum narratione nullum temporis ordinem servo, quia aec illum ex narrantium verbis aperte colligere potui, nec si possem servare curavi. Quæ namque utilitas est in hujusmodi re nosse, quid prius quidve posterius gestum sit, dum vere constet quod fuerit? Multo enim magis gesta temporum quam tempora gestorum inquirenda fecit. Videtur vero mihi congruum ut de proximo incipientes ad remotiora pergamus, et id-

B

C

D

## ANDREÆ CHESNII NOTÆ.

(215\*) *Cluniacense monasterium religione, disciplina, severitate toto pene orbe notissimum.* Multiplices sunt laudes quas Cluniacensium cœnobio pontifices et reges in chartis, et antiqui quoque scriptores in libris suis tribuunt. Appellat enim ipsum Paschalis II, *religionis monasticæ suis temporibus speculum in Gallia, documentum*; Ludovicus VII: *Nobilius membrum regni sui*; Riquinus episcopus Tullensis, *summi Patrisfamilias universalem dominum, et curiam in qua Deo sacra resultant præconia;*

auctor Vitæ S. Majoli, *nobile, amicum salutis, et amicum monasticæ religionis*; Gosfridus Vindocinensis, *secundum paradisum*; Petrus Cellensis, *hortum Dei*; Hildebertus in Vita S. Hugonis, *tavacrum animarum*; Petrus Damianus epist. ad eumdem Hugonem et monachos Clun. *Spiritualem campum ubi cœlum, et terra congregitur, ac velut arenam certaminis, ubi spiritualis more palæstræ caro fragilis adversus potestates aereas collectatur*; Trithemius deinde, *Monasterium toto orbe famosum*.

stat, ut et de hac Cluniacensi Ecclesia quæ illius universalis non inferius membrum est, intelligatur. Liberet hic diutius immorari, sed, quoniam ad propositum opus hoc nōn pertinet, et tanta materies brevi atque ad alia festinanti non potest explicari sermone, necesse est ut, istis ad præsens intermissionis, ad ea quæ de mortuorum revelationibus sunt exsequenda, ut promisimus, accedamus.

## CAPUT X.

*De Stephani, qui Blancus dicebatur, apparitione mirabili* (216).

Quod vero [nunc] in primis dicturus sum, ab illis mihi personis relatum est, quorum testimonio non minus quam mihi ipsi credere compellebar. Vita enim vel conversatio eorum hoc exigebat, ut non magis propriis oculis quam eorum relationi, absque dubitatione aliqua, fidem accommodarem. Hi ergo mihi hoc retulerunt fuisse apud Cluniacum quemdam fratrem, qui Bernardus Savinellus dicebatur. De quo referebant quod, licet aliquando in quibusdam leviter se haberet, correptus tamen, ut regularis disciplinæ moris est, multaque tam verborum quam verberum opprobria passus, patientissime tolerabat, seque mitem post flagella vultus et operis alacritate exhibebat. Is nocte quadam dum fratres in ecclesia nocturnas Deo laudes decantarent, de choro ubi cum aliis psallebat egressus dormitorium petiit. Cujus gradus dum descendebat, repente Stephanum, qui vulgo Blancus vocabatur, olim monasterii Sancti Aegidii abbatem (216\*), qui ante paucos dies de vita excesserat, obvium habuit. Quem cum primo aspectu non cognoscens quemlibet alium esse crederet, quo proposuerat festinabat. At illa imago defuncti, quæ apparuerat, prior in verba prorumpens : *Quo pergis?* inquit. *Sta, et quæ dicturus sum audi.* Frater vero miratus et indignans, quod quasi contra regulam nocturnis horis et loco non congruenti talia monachus loqueretur, ejus voces nutibus quibus poterat, comprimebat. Sed, cum abbas ille defunctus, qui non ut taceret, sed ut loqueretur, advenerat, magis ac magis instaret, compulsus ejus importunitate frater substitit, et quis esset vel quid sibi vellet quæsivit. Et ille : *Sum, inquit, Stephanus dictus Sancti Aegidii abbas, qui in multis et ante abbatiam et postmodum deliqui, pro quibus modo pœnas acerbias patior, ab illis per ineffabilem Dei misericordiam, si mihi subvenit fuerit, quam citius eruendus. Oro ergo te ut Dominum abbatem, et omnes fratres mea functus legatione depreceris, quatenus apud omnipotentem Deum pro mea liberatione preces effundant, et*

## ANDREÆ CHESNII NOTÆ.

(216) Al. Qualiter Stephanus quondam abbas S. Aegidii cuidam fratri post mortem apparuerit.

(216') Monasterii S. Aegidii abbatem. Monasterium hoc unum ex plurimis quæ S. Hugo Clun. abbas reformavit, et in Cluniacensium etiam familiam cooptavit. Sic enim anonymous qui Vitam ejus scripsit : *Quis, inquit, beatorum confessorum Martialis et Aegidii ecclesias religione restauravit, nisi iste vir*

A me quibus poterunt modis a tantis malis eripere sat agant. Cumque frater respondisset se quidem quod ipse [ille] rogabat facturum, nullum tamen suæ relationi crediturum, is qui loquebatur defunctus, adjecit : *Ut nemo de his quæ a te referenda sunt in aliquo dubitare possit, noveris te infra hos octo dies de hac vita migraturum. Quod postquam eis prædixeris, subsequentis rei effectus te vera dixisse demonstrabit.* Dixit hoc, et statim ab oculis ejus evanuit. At vero frater ille a dormitorio ad ecclesiam rediens, multumque mortis denuntiatione non immrito sollicitatus, noctem in hujusmodi meditatione transegit. Facto mane, priori primitus, deinde venerabili ac sancto Patri Hugoni, ad ultimum magno ac reverendo fratrum conventui quæ sibi injuncta fuerant patefecit. Quod postquam ad omnium aures pervenit, sicut humanorum ingeniorum usus est, de eadem re fere semper diversa sapere, alii quidem credebant, quamplures ficta esse affirmabant : universi tamen mortis illius quam frater denuntiaverat indicium per illud ab omni dubitatione purgandi, exspectabant. Et ecce sequenti die relator visionis morbo corripitur, sensimque deficiens ad extrema pervenit. Qui usque ad ultimum spiritum constanter quæ dixerat affirmans, infra dies supradictos bono fine quievit, sicque morte sua veritatis nuntium se fuisse comprobavit. Fratrum ergo congregatio, post obitum relatoris de visione certificata, tam pro abbatte defuncto quam pro ejus nuntio multimodas inenarrabili misericordiae Dei supplicationum hostias obtulerunt, et sacris orationibus, eleemosynarum largitionibus, maxime autem salutaris sacrificii oblationibus pro æterna requie totis viribus institerunt.

## CAPUT XI.

*De simili apparitione Bernardi* (217), qui Grossus dicebatur.

Consimile huic, imo pene idem de Bernardo cognomento Grosso (218) miraculum, ab eisdem quos supra memoravi relatoribus accepi. Hic namque nobilitate et potentia sæculari illustris, munitiones quasdam Cluniacensi monasterio proximas possidebat, multaque mala eidem loco atque aliis circumpositis ecclesiis inferebat. Qui tandem mutato D spiritu; malis suis finem imponere deliberans, ad supradictum venerabilem Patrem Hugonem venit, atque pro peccatis suis orationis causa Romam se velle pergere indicavit. Unde, si redditus permittetur, sæculo se renuntiaturum, ac monachum Cluniaci futurum esse spoondit. Perrexit itaque Romanum, ubique apud summorum apostolorum ac plu-

beatus?

(217) Al. *De Bernardi cognomento Grossi mirabili post mortem apparitione*

(218) *De Bernardo cognomento Grosso.* Grossorum, qui et Branceduni domini, mentio multa reputatur in Chartis Cluniacensium; quarum et aliquas jam in hac Bibliotheca descripsimus

rimorum martyrum gloriosa corpora, orationibus atque eleemosynis vacans, satisfactione qua poterat præteritæ vitæ crimina expiabat. Exacto vero tali ter in urbe quadragenario dierum numero, qui proprie ad agendam pœnitentiam indici peccatoribus solet, Roma egressus est, et ad patriam regrediens, Sutram usque pervenit. In qua civitate, quæ satis urbi proxima est, dum moraretur, finem vitæ morbo dudum concepto ingravescente suscepit. Ibi a sociis, prout in peregrino solo licere potuit, honeste curatus ac tumulatus est. Non multi postmodum fluxerant anni, et cujusdam villæ quæ Cluniacensi juri subdita est, præpositus, per silvam quæ castello de Usella proxima est, media die iter agebat. Hoc autem castellum ipse Bernardus noviter construxerat, unde saepe raptiores erumpentes, quæcumque poterant undequaque deprædabantur. Dum ergo, ut dictum est, iter ageret, repente cumdem Bernardum obviam habuit. Quem cum mulo incidentem, ac pellibus vulpinis et novis induitum vidisset, recordatus defunctum extimuit: compresso tamen timore utrum esset qui videbatur, vel cur venisset, quæsivit. A quo tale responsum accepit: *Me, ait, noveris esse Bernardum, quondam hujus regionis dominum.* Multa certe, ut omnibus hic manentibus notari est, in sæculo positus mala egi, pro quibus modo multa patior. Sed præ omnibus torquet me castelli illius juxta positi ædificatio, quod sicut ipse nosti a me nuper ædificatum est. Quia tamen circa finem vitæ meæ malorum meorum me pœnituit, æternam quidem effugi damnationem, sed multo adhuc adjutorio egeo ad plenariam liberationem. Ea de causa ob implorandam misericordiam ad abbatem Cluniacensem, venire permisus sum. Cujus comitatum diu prosecutus, quoniam præcedenti hebdomada apud Ansam hospitatus est, nocte inter obsequentes et famulos mansi. Unde rogo ut eum adeas, atque ut mei misereatur sollicite depreceris. Cumque homo illi cui loquebatur requireret, cur vulpina veste amictus esset, respondit: *Hanc vestem mihi olim recentem emi, et eadem die qua ea primum induitus sum, cuidam illam pauperi dedit.* Quæ sicut nova data est, ita semper nova permanet, atque in pœnis inenarrabile mihi refrigerium præbet. Post haec verba, ille quidem qui apparuerat disperguit, alter ea quæ injuncta fuerant implere acceleravit. Nam ad beatum virum ad quem missus fuerat veniens, ei per ordinem cuncta narravit. Qui benigne defuncti mandata suscipiens, plenus charitatis spiritu multa eleemosynarum, multa divinorum sacrificiorum auxilia laboranti sub æterno iudicio animæ impendit. Per quæ, ut dignum est credere, et a suppliciis ille liberatus, et fidelium requiei, pro modo supernæ dispositionis adjunctus est. Neque enim ratio patitur, ut spiritus ille in auditissimis judiciorum Dei reconditus, ad homines ob sui liberationem redire permisus sit, et nulla redditum ejus utilitas subsecuta sit. Frustra quippe missus videretur. Sed neque sacramentis, neque

A sacerorum operum exercitiis se adjuvari petisset, si ea sibi prodèsse minime agnovisset. Qui, quoniam talibus sibi auxiliis subveniri rogavit, et illa ad subveniendum efficacia, et se illorum subventione dignum esse monstravit. Homini autem illi cui hæc visio apparuerat, supradictus abbas sanctus, mortem proximam esse prædictit. Cum enim hujusmodi defunctorum manifestationes nostris saepe temporibus provenerint, vix aliquis mortuo colluctus, mortem longiore tempore distulisse narratur. Unde iste et visionis horrore, et sancti admonitione provocatus, statim sæculo reæuntiavit, et factus monachus, intra paucos dies terminum vitæ suscepit.

## CAPUT XII.

B *Quanta semper invidia diabolus adversus Cluniacum fremuerit.*

Licet in præcedenti de revelationibus defunctorum quæ in Cluniaco vel circa contigerunt, me dictorum promiserim, tamen quia plura alia non minus digna memoria in illo famoso monasterio nostra ætate provenisse dicuntur: non incongruum arbitror, si et illa nestro sermone ad utilitatem legentium præferantur. Ut enim supra tetigi, antiquus hostis non parum illius cœnobii disciplinam ac divinorum operum studium semper æmulatus est, multisque indiciis invidiam suam erga loci ipsius habitatores servare monstravit. Quæ si per singula ut ad me pervenire potuerunt enarrare tentarem, et C magno volume legentibus forte vel audientibus tedium incuterem, et ipse longe a proposito deviarerem. Quis enim explicare valeat quanta improbitate cœlestia illa castra semper vel saepe invaserit, quam infestus semper Christi militibus sibi repugnantibus fuerit, quam frequentes impetus violenter irrumpere volens dederit? Morè quippe suo interiorem civem, id est spiritum extinguere quærens, quas poterat tètentorum machinas exterius admovebat, et ab intimis se repulsum dolens quanta valebat extra prælia commovebat. Unde proprio furore cæcatus, cum semper invisibiliter omnibus instaret, aliquando quibusdam etiam visibiliter apparabat. Et nesciens quid boni de malo suo Deus facere decrevisset, unde gregem Domini destruere quærebat, inde invitus eum multoties ædificabat.

## CAPUT XIII.

*De fratre quem sub abbatis specie decipere voluit.*

Hinc fuit illud quod cum aliquando frater quidam, Joannes nomine, natione Italicus, regularis disciplinæ severitatem fastidiens, etiam fugere de monasterio cogitaret: ipse ei diabolus abbatis specie assumpta se obtulit. Nam duobus dæmonibus in specie monachorum se comitantibus, fratri in quodam secreto monasterii loco soli residenti, multaque secum volventi, opportunum fallendi tempus invenisse se credens apparuit, eique assidens dixit: *Ego, frater, modo huc hospitandi causa diverti, sed casu te conspiciens, agnovi multa te sollicitudine laborare, mul-*

*tosque in corde tuo cogitationum æstus versare. Quo- rum causa licet quibusdam referentibus mihi ex parte nota sit, si tamen eam plenius indicaveris, potero forsitan utile tibi dare consilium. Unde quis sis et quare mæstus sis, amico querenti expone. Cumque frater ille ignoto, ut putabat, homini secreta cordis sui aperire formidaret, et se tantummodo natione Italicum esse respondisset, dæmon, qui monachus videbatur, adjunxit: Et ego ipsius regionis abbas sum, et tibi bene in omnibus auxiliari possum. Novi enim, licet tu reticeas quod abbas monasterii hujus, et cœteri male te tractant, neque ut dignum esset honorant, insuper multis sæpe injuriis et contumeliis vexant. Unde admoneo ut tibi consulas, et locum hunc omnimodis perniciosum derelinquens, mecum recedas. Paratus sum enim te ab his malis eripere, et ad abbatiā meam, quæ Cripta Ferrata dicitur, perductum, omni te ibi honore sublimare. Ad hæc frater respondebit: Ego hinc exire nullo modo possum, quia et clausura monasterii prohibet, et fratrum me multitudine circumdat. Tunc diabolus: Nec ego, inquit, quandiu hic fueris, te in aliquo juvare potero. Sed fac qualibet arte, ut septa monasterii transgrediaris. Quod postquam feceris, ego statim adero, teque ad locum meum, ut dixi, perducam. Sed misericors Deus, qui non permittit nos tentari supra quam ferre possumus (*I Cor. x*), non ultra passus est hostem procedere, sed sicut scriptum est, qui fecit illum applicavit gladium ejus. Quando namque hoc agebatur, fratrum conventus in refectorio ex consuetudine hora cœnandi residebat. Qua expleta, a priore secundum morem uno ictu scilla percussa est. Quo sono auditio, mox dæmon qui abbatem se fingebat, actus divina virtute, a fratre cui loquebatur se abripuit, et præcipiti cursu ac maximo impetu ad latinas quæ proxime erant tendens, vidente fratre jam dicto in earum se inferiora demersit. Sic plane misericordia Dei, et fratrem a nequissimi hostis tentatione eripuit, et immundum spiritum per condignum ejus immunditiae locum a domo sua expulit.*

#### CAPUT XIV.

*De illo qui dæmones audivit flagitia sua jactantes.*

Alio quoque tempore alter quidam frater lignorum artifex nocturnis horis, in loco aliquantulum ab aliis sequestrato jacebat. Quem locum ut in monachorum dormitorii moris est, lampas accensa illustrabat. Dum ergo ille in lecto nondum soporatus jaceret, conspexit immanem vulturem, immensi corporis onus vix alis pedibusque ferentem, velut ex labore anhelum occurrere, et contra lectum ejus astare. Quem dum frater admirans intueretur, ecce duo alii in hominum specie dæmones advenerunt, et vulturem illum, imo dæmonem ita affati sunt:

#### ANDREÆ CHESNII NOTÆ.

(219) *Trinorchium misit.* Oppidum ad Sagonam, quod olim in tres partes dividebatur, scilicet in *Trenorchium castrum*, *Tornutium villam*, et *cellam S. Valeriani*. Gallice, *Tournus*. Estque ipsum credo

A Quid, inquiunt, hic agis? Potesne hic aliquid operari? — Nihil, ait, possum, quoniam ei crucis protectione, ei aquæ aspersione, et psalmorum insusurratione ab omnibus repellor. Tota quippe hic nocte laboravi, frustraque vires meas insumpsi. Unde nihil agere prævalens, huc fatigatus deveni. Sed vos iter vestrum mihi narrate, et si quid vobis prosperum cessit, intimate. — Nos, aiunt, de Cabilone venimus, ubi militem quemdam Gaufredi de Donziaco, cum uxore hospitis sui in adulterium labi compulimus. Item per quoddam monasterium transeuntes, magistrum scholæ cum uno puerorum fornicari fecimus. Sed tu iners quid agis? Surge, et hujus saltem monachi, qui nos aspicit, pedem, quem inordinate extra lectum tetendit, abscinde. Quod ubi dixerunt, ille dolabro ipsius fratris quod sub lecto latebat arrepto, in ictum totis viribus surrexit. Sed dum frater elevatam super se vidisset securim, timore actus pedem retraxit, et sic dæmonis ictus effectu frustratus, in ultimam lecti partem delapsus est. Quo facto statim maligni spiritus disparuerunt. Frater vero qui hæc vidérat, sæpe dicto Patri Hugoni mane festinus universa retulit. Qui ad rei certitudinem explorandam Cabilonem atque Trinorchium misit (219), et subtiliter quæ a dæmonibus dicta fuerant investigans, veridos fuisse mendacii ministros invenit. Sed dicet aliquis: Cum maligni spiritus malitiæ subtilitate longe humanæ astutiæ calliditatem supererent, utpote quos naturæ levitas nulla corporis mole depressa, ad omnia expeditos, longaque rerum experientia sagaciores reddit, quomodo nequitæ suæ consilia seu opera, audientibus hominibus, produnt? An non perpendunt, patefactis insidiis suis a quantis eorum laqueis sæpe homines sint eruti, et quoties ipsi earrumdem sint insidiarum effectu frustrati? Quomodo ergo, audiente fratre supradicto, et ea mala quæ fecerant aperuerunt, et cur alia, quæ optabant, facere non posse dixerunt? Ad quod respondendum quia, licet multa eis insit nocendi facilitas, et prompta ad fallendum voluntas, occulta tamen Dei dispositione ita miris et incomprehensibilibus modis in ipsa sua falsitate plerumque falluntur, ut humanæ saluti, cui sponte semper infesti sunt, invicti quandoque deservire cogantur. Comprehendit quippe, ut scriptum est, *vera sapientia falsos sapientes in astutia eorum* (*Job v*); ut unde fallere volunt, inde fallantur, et unde perimere cupiunt, ipsi potius perimantur. Utitur eis sane more prudentis patrisfamilias ut malis servis, qui, cum nullo ad serviendum amore moveantur, servili tantum terrore dominicis imperiis obsequuntur.

Unde, aliquando scientes, aliquando nescientes, semper autem nolentes, ea quæ ad hominum pertinent salutem operantur. Quod autem semper no-

*Tinurtium*, cujus meminit Spartanus in Severo his verbis: *Multis interim varie gestis in Gallia princeps apud Tinurtium [Trinurtium] contra Albinum felicissime pugnavit Severus.*

Ientes operentur, omnibus certum est. Quod vero aliquando scientes Evangelium loquitur, ubi ait : *Exibant autem dæmonia a multis, clamantia et dicentia : Quia tu es Filius Dei (Luc. iv).* Nam credere Christum esse Filium Dei ad salutem hominum pertinere, dæmones ista clamantes non ignorabant. Sed, quia hanc confessionem non fidei devotio proferebat, sed tormentorum acerbitas extorquebat, ipsi indicant dum subjungunt : *Venisti ante tempus torquere nos (Matth. viii).* Nolentes ergo pariter, et scientes salutis humanæ præcones siebant. In Actibus quoque apostolorum quando per energumenum dæmon clamabat : *Jesum novi et Paulum scio (Act. xix), utique nolens et veritati attestabatur, et quod audientibus prodesse poterat fatebatur.* Rursus in Evangelio, rogante legione dæmonum, et dicente ad Dominum : *Si ejicis nos, mitte nos in gregem porcorum (Marc. v) ; et propriam impotentiam testabantur, qui nec porcis nisi permitti dominari poterant, et homines a se pessimis videlicet hostibus salutis suæ fugere, atque ad Salvatorem suum confugere, talibus verbis inviti scientesque monebant. Quod vero aliquando nescientes ea quæ hominibus prorsunt operentur, innumera quidem sunt exempla sanctorum Scripturarum, sed tamen hoc specialiter, beati Job tentatio et Domini passio manifestant. Nam neque Job Satanus tentasset, si ejus se vincendum patientia præscisset, nec Judæos ut Dominum crucifigerent instigasset, si morte illius se multo magis damnandum, mundumque salvandum prævidisset. Nam et Apostolus divinæ Incarnationis et passionis mysterium absconditum dicit a sæculis, quod nemo principum hujus sæculi cognovit (I Cor. ii). Ita ergo, ut dictum est, aliquando scientes, aliquando nescientes, semper tamen nolentes nequam spiritus supernæ sapientiæ facti dispositionibus, aut loquentes aliquid aut operantes, sive latentes humanos oculos sive coram apparentes, utilitatibus humanis inserviunt. Unde quando Dei ordinatione aliquibus apparentes vel faciunt aliqua vel loquuntur, manet quidem in eis avida nocendi voluntas, sed eam legibus suis subactam, refrenat quæ cuncta moderatur potestas. Quidquid enim furiant cuncta subvertere querentes aeriæ potestates, sapientia tamen vincit malitiam, *atttingens a fine usque ad finem fortiter, et disponens omnia suaviter (Sap. viii).* Inde namque sapientia fortiter pertingere a fine usque ad finem dicitur, quia sapientia æterna hostium versutias sapienter capit, et virtus invicta eorum fortitudinem subigit. Certum est igitur quod, quando supradicto fratri apparentes, ea quæ jam memorata sunt retulerunt, aut scierunt quid boni inde futurum esset, aut nescierunt. Divinæ tamen voluntati, et aliquorum saluti nolentes inservierunt. Hoc ad ea quæ de insinuatione dæmonum dicta vel forte dicenda sunt interserui, ut nemo consilia seu opera sua eos quasi sponte prodere miretur, quoniam non ipsorum hoc opus, sed divinæ dispensationis est consilium, quæ ad ampliorem nominis*

A sui gloriam etiam malis bene utitur, et de ipsorum malitia, multam erga suos benigitatem operatur. Quomodo enim humana infirmitas tanto hosti resistere posset, de quo dicitur : *Non est potestus super terram quæ comparetur ei (Job xli), nisi se contra tam robustum adversarium, ille qui Dei virtus dicitur, pro nobis opponeret?* Quomodo depressa in imis humanæ mentis stoliditas, tot dolositatis ejus versutias cavere valeret, nisi ille qui Dei Sapientia vocatur eas nobis detegeret? Quos ejus dolos seu conatus, quibus sancto Cluniacensi cœnobio saeppe irrequietus institisse, aliquantis revelationibus manifestatus est, dignum videtur, ut cœperam exsequi.

## CAPUT XV.

B *Quid beatus Hugo narraverit in capitulo vigilia natalis Domini.*

Mos est ejusdem monasterii Nativitatem Salvatoris cæteris solemnitatibus singulari affectu devolius agere, et cantuum melodiis, lectionum prolixitatibus, cereorum multiplicitum accensionibus, et (quod longe præstantius est), speciali devotione, multaque lacrymarum profusione cum angelicis spiritibus alacriter solemnizare. Qua temporis revolutione redeunte, fratres more solito se suaque omnia paraverunt, et ecclesias ornando alaque monasterii loca aptius componendo, intus et extra festivi apparere satagebant. Supererat adhuc beatus ille ac venerabilis Pater Hugo, ultimo senio morti quidem corporeæ, sed et vitæ post mortem æternæ vicinus. Qui jam instantे ipsa solemnitate, capitulum ubi fratres convenerant ingressus, hæc ad omnes protulit verba : *Noveritis, fratres, Jesum benignum Salvatorem nostrum suæ nativitatis vestræque liberationis solemnii interessu disposuisse, vestræque devotionis obsequium multo cum gaudio præstolari. At contra sciatis nequam hostem, vestræ felicitati invidentem, laborare quatenus alias tenebrarum suarum nebulas, tanto, si possit splendori intermisceat, tantæque festivitatis gloriam saltem quantulumcunque immiuat.* Frater enim, ait, quidam (se utique dans intelligi) *hac ipsa nocte vidit ipsius misericordiæ matrem, perpetuam [al. perpetue] Virginem, Filium, quem præsenii nocte genuit, dulcissimo gremio continere, eique sanctorum angelorum multitudinem, cum immenso lumine astare.* Lætabatur autem idem Deus puer, et immenso gaudio exultabat, atque cordis lætitiam gestu gloriæ corporis et ipsarum plausu manuum demonstrabat. Et conversus ad matrem, aiebat ad illam : *Cernis, mater, noctem quæ imminet meæ Nativitatis gaudiis illustrandam, in qua et prophetarum oracula et angelorum præconia renovabuntur, et meo de te exortu omnia simul cælestia atque terrestria lætabuntur?* Ubi est nunc hostis damnati perfidia, ubi ejus potestas, qua ante hoc singulare gaudium mundo dominabatur? Quo ille impudens audito, de latibulo suo egressus a longe se præsentabat, et ignominiose deturpatus, cum multo planctu atque ejulatu ut admitteretur orabat. Quod eo voto dicebat, ut tantæ

claritatis gaudia quibus invidebat, suo more vel in aliquo offuscare valeret. Et si, ait, in nulla ecclesiæ parte admittor, in aliquo saltem reliquarum officinarum loco suscipiar. Vade, ait Filius Virginis, furcifer, et ne te mea potentia præjudicatum lamenteris, tenta quod poteris. At ille solitus, arcum capituli petiit, et ingredi conatus non potuit. In tantum nāmque et se tunidum, et capituli introitum angustum invenit, ut nullatenus intrare valeret. Vere vētusta superbiæ peste inflatus, per humilem aditum transire non poterat, quia non idem aditus superbū erectum, et humilem capit inclinatum. Inde ad fratrum dormitorium gressum convertit, et phantasiis solitis eos se posse inquietare confidens, introire tentavit. Sed eadem grossitudine sua ab ostio repulsus recessit. Postremum [postremam] ad refectorium nocendi spem contulit, ibi propter aliquantam corporum curam, majorem suspicatus mentium incuriam. Ibi etiam tot obices divinorum ex lectione verborum, tot trabes ex devotionibus auditorum, tot repagula offendit ex charitate sibi servientium, ut nullo modo ultra procedere prævalens, retro cogeretur redire. Sic quoque ab omnibus monasterii officinis rejectus, a conspectu piissimi Redemptoris et gloriosæ Virginis matris, cum ea qua dignus est confusione, pestifer ille recessit. Cauti igitur estoite, et immensas gratias omnipotenti ac misericordissimo Salvatori agite, qui et nequissimum hostem a vobis expulit, et ipse nobiscum [al. vobiscum] festum suum celebraturus remansit.

Hæc a sancto viro fratribus dicta, furentium aduersus locum ipsum malignorum spirituum ostendunt nequitiam, ac Domini eumdem protegentis clementiam. Qui nequam hostes, quamvis universis generaliter insidiarentur, noviter tamen conversis amplius infesti instabant. Dolebant quidem veterorum profectibus invidentes, sed tironum superaddita conversione, quasi recenti suscepto vulnere, acrius indignabantur. Et velut longi temporis desperatione, prioris prædæ spolia postponentes, contra ea quæ ab oculis rapiebantur, longe vehementius accendebantur. Hinc adversus novitos bella valida commovebant, hinc testamentorum diversis telis armati, totis eis conatibus insistebant.

## CAPUT XVI.

*De fratre qui dæmones vidit quasi religiose incedentes.*

Et ut de illis aliquid dicam, quæ nostro tempore contigerunt, vidi ego quam plurimos varias mihi erga se dæmonum insidias exponentes. Nec ea dico quæ spirituali bello ex vitiorum suggestionibus gerrebantur, sed quæ quasi in aperto certaminibus campo, non parvo utrorumque sudore fiebant. Exsuperans quippe abundantia malitiae hostis, cum nihil intus tentando proficere valeret, in iram vehementius exardescerat. Et invisibiliter se victimum dolens, si saltem visibiliter cum militibus Christi congregiens, in aliquo posset esse superior, attenabat. Unde fuit illud, quod frater quidam mihi retu-

A lit, vidisse se innumerabilem dæmonum turbam, per domum illam quæ Cella novitorum diciter, transeuntem. Jacebat autem nocte quadam ante matutinas [al. matutino] in lecto, et nescio quid de Psalmis secum meditabatur. Cum ecce, dormientibus cunctis, conspicit nefandum illud collegium in monachorum speciem commutatum, ab ostio quod capiti suo imminebat procedere. Qui capitiis [caputiis] induit, religionis schema simulantes, seriatim et quasi cum multa gravitate incedebant. At ille quid esset intelligens, atque ut in talibus fieri solet, non parum perterritus (nam semper malignorum spirituum visionem terror comitatur) quartum potuit, sub eo quo tegebatur operculo caput abscondit; sed ad exitum rei pervidendum, parvum quid spatii oculis dereliquit. Quos diligenter quid essent facturi observans, conspexit omnem illum Satanæ exercitum, per domum illam fratrum quiescentium transeuntem, nihil suum in ea operari potuisse, sicque per domum latinarum, proximam sibique satis competentem, exitum habuisse.

## CAPUT XVII.

*De Algero sene religioso.*

Frater quoque alias, nomine Algerus, vere ut de beato Job dicitur, simplex et rectus, timens Deum, et recedens a malo (*Job 1*), saepe multumque sibi institisse dæmones mihi frequenter conquestus est. Ut enim plura [plurima] de his quæ mihi retulit præterea, referebat se aliquando in jam dicta novitorum domo multis aliis circumiacentibus dormire. Visum est vero ei quod signum in ecclesia more solito ad nocturnas laudes fratres excitans pulsaretur. Surrexit ergo, et campanam, ut videbatur, fortiter resonantem audiens, ad ecclesiam festinabat. Cumque per eamdem domum in qua jacebat transiret, lectos fratrum undique circumspiciebat, et alios jam surrexisse, alios se ad surgendum parare videbat. Sed cum domo transmissa in claustrum proximum devenisset, signi sonitus qui ex vicinitate multo magis audiri debuisset, omnino defecisse visus est. Suspicatus autem tarditate sua signum sonare desiisse, omnesque se ad ecclesiam anticipasse, festinantius gradiebatur. Cum vero in majus claustrum pervenisset, pro lu-

D minarium claritatem, quæ ex consuetudine hora surgendi omnia illustrant, tenebras offendit. Sed et cum ad ecclesiam appropinquasset, portas quas patentes invenire solebat, clausas reperit. Ibi quoque admota aure si forte psallentium voces audiret, summum ubique silentium advertit. Admirans itaque et quia ecclesiam ingredi non poterat, ad dormitorium suum regressus, quos prius surrexisse conspicerat, omnes jacentes et dormientes invenit. In se ergo reyersus, dæmoniacam fuisse illusionem agnovit, qui nullum tempus a malitia sua vacare patientes, cum divina dispositione a majori nocendi possibilitate arcentur, in minoribus quibuslibet exercentur. Nam toto nisu naturæ humanæ inimicantes, cum animabus nocere nequeunt, ipsis sal-

tem corporibus, prout possunt, molesti existunt. Unde plerumque ita monachos in somnis inquietant ut horis somno congruentibus amissis, cum vigilare debent dormiant, et sic sanctorum lucra vigiliarum amittant. Harum inquietudinum multorum multoties querelas accepi, quorum alii operaria sua noctibus, dum dormirent, subrepta sibi atque longius projecta a dæmonibus dicebant, alii subripere voluntibus violenter eadem tegmina se extorsisse, nonnulli dum in remotioribus naturæ satisfacerent, eos sibi derisorie astitisse affirmabant. Præterea quosdam nocturnis horis, aliis quiescentibus sancta orationum fulta quærentes, et eadem causa claustrum et ecclesias peragrantes, multis aliquando terroribus appetebant, ita ut in eorum aliquos visibiliter irruerent, et ad terram verberando prosterrentur.

## CAPUT XVIII.

*De Armando novitio, quem diabolus in specie ursi perterruit.*

Vidi ipse quemdam fratrem, Armannum nomine, qui dum esset nobilis et dives miles in sæculo, tatus divino spiritu, ac mundo renuntiare disponens, prius equos ac vestes multi pretii, magnumque argenti pondus, et omnia pene sua Cluniacum direxit, et sic pauper atque peregrinus Hierosolymam petiit. Ibi Domini adorato sepulcro, et sanctissimerum locorum visione aliquanto tempore recreatus, cum vitæ terminum, quem ibi summopere adipisci, ut ipse mihi post retulit, desiderabat dif-  
ferri [al. deferri] videret, rediit, atque Cluniaco habitum religionis induit. Cum quo et animum ita ab omni mundano affectu mutavit, ut nec communia bona, nec privata diversarum exercitationum luera spirituali cordis ejus ardori satisfacere possent. Non ei dies ad orationem, non nox sufficere poterat; vix cibo aut sonno, eo studio indulgebat. Admonitus a me saepè, ut parcus in talibus se haberet, quoniam modum excedere videretur, nimio animi fervore non acquiescebat. Contigit igitur [al. ergo] post Domini Natalem, nocte quæ diem præcedit beati Joannis Evangelistæ, ut in supra memorata cella novitiorum, cum aliis novitiis ipse adhuc novitus jaceret. Et ecce clamare terribiliter cœpit, siue perseveranter, ut omnes de lectis suis surge-  
re, et ad se undique concurrere cogeret. Venerunt ergo, et eum aliena loquentem invenerunt. Inde ad me, ubi jacebam, multorum fit concursus. Qui quoniam propter regulare noctis silentium loqui non poterant, nutibus nescio quid mirum contigisse ostendebant. Surrexi et ad fratrem patientem cum ipsis perveni. Quem turbatum et vociferantem, et velut maniacum furentem inveni. Perseveravi cum fratribus ante illum usque ad exortum diei, in quo spatio aliqui pro eo Domino supplicabant, omnes autem non minimum pro ejus passione dolebant. Jam vero aurora instanti, paulatim clamare cessavit, et ita demum astantibus fratribus obdormivit. Post paululum autem expergesfactus, jam mecum modeste

A loqui cœpit. Cumque eum interrogarem utrum sciret quid passus esset, vel quæ causa tanti, et tam inconpositi clamoris fuisset, respondit: *Solitis orationibus fatigatus, cum me in lectum collocassem, et leví somno solitus essem, ursum tam terribilem mihi incubare persensi, ut omnem humanum terrorem ejus incomparabiliter tremendæ visionis horror excederet.* Jam autem eadem formidine a somno excitus, quasi somnium quod videram contemnere incipiebam. Sed rursus quem dormiens videram, integre vigilans supra me ursum conspexi, tanto in aere spatio sublevatum, ut manu si vellem eum contingere possem. Tunc vero eam quæ apparebat speciem, quis enarrare sufficiat? Rictus nefandi oris ultra omnem modum horrendi, ut de eo scriptum est: « *Per gyrum dentium ejus for-*  
**B** *mido (Job xiv). » *Ungues longissime recurvi, et se ad rapiendum avidissime exerentes; tota hirsuti corporis habitudo, quasi in prædam jamjamque rapientam durissime infremebat. Ego quid aliud, quam me continuo in frusta discerpendum, et devorandum suspicarer? Hoc me diu terrore diabolus fatigatum, a mente mea excedere, sicut vidistis, coegit. Jam misericordia Domini liberatus, et quid, vel a quo ista passus sim agnosco, et liberatori meo quas possum gratias ago.* Hæc frater ille mihi et omnibus qui astabant, ut dicta sunt, narravit. Et quia multam ex terrore illo contraxerat debilitatem, conventui per triduum interesse non potuit, sed, eo peracto, ad priora contra malignos spiritus certamina ex debilitate valentior insurrexit.*

## CAPUT XIX.

*Quod angelus Domini locum, ubi fratres defunguntur, cruce Christi signaverit.*

Quam [Quoniam] antiqui hostis aperta contra Christi milites prælia, in illo memorabili loco exacta, et ab eis subacta narravi, dignum est, ut ipsorum victoriarum palmas quibusdam etiam aperte collatas ostendam, ut quemadmodum adversus beatos homines malignorum spirituum monstravi invidiā, ita de ipsis sollicitam sanctorum angelorum demonstrem custodiam. Nam quos ab illis tentatos, ab ipsis saepè jussu Dei compertum est glorificatos. Igitur, sicut de innumeris hostium congressionibus quemdam retuli, sic de multis cœlestium visionum miraculis pauca narrabo. Teutonicus quidam, Eppo nomine, a saepè dicto beato Patre Hugone in monachum susceptus, toto quo postmodum vixit tempore, religiose conversatus est. Qui appropinquante hora vocationis suæ, infirmitate correptus, in domum infirmorum secundum morem delatus est. Erant ibi et alii fratres, morbis et ipsis diversis laborantes. Quorum quidam cæteris morti proximiores, ultimum pene spiritum natura succumbente trahebant. Inter ea frater jam dictus, valetudine ingravescente et ipse ad extrema perductus, inter vitæ mortisque discrimina agonizabat. Adhuc tamen sensu et verbo integer, conspexit infandam dæmonum turbam cum titillationibus igne fumigantibus irruentem, per domum illam infirmorum furioso ubique impetu discurrere.

Qui cum ita bacchantes luc illucque verterentur, ecce beati apostoli de cœlestibus advenientes, perterritos fratres ne timerent blande hortati sunt, et mox gloriosa sui adventus præsentia, latrunculos illos effugaverunt. Verba vero loquentium sanctorum ab astantibus audiebantur, sed personæ minime cernebantur. Sic domo Dei apostolica præsentia ab immundis spiritibus emundata, cœlestis visionis gloria augmentatur, et beatis apostolis sancti angeli conjunguntur. Habetur autem in domo media locus, unius corporis capax, ad hoc aptatus ut fratres ibidem in cinere et cilicio compositi, extremum Deo inde spiritum reddant. Hunc locum frater hujus visionis conspector, quodam inconsiderato timore ita abhorrebat, ut nullatenus ei se appropinquare pateretur. Dum ergo ea quæ dicta sunt contemplaretur, respexit viditque angelum Domini manum in sublime porrigitum, signo sanctæ crucis locum eumdem signasse. Quo facto, visio ab oculis ejus subtracta est. Jam omni a corde ejus stulto timore sublato, post paululum se in loco eodem reponi fecit, sieque animam suam sanctis qui apparuerant, alacriter tradidit.

## CAPUT XX.

*De fratre, nomine Benedicto, qui moriens multitudinem albatorum vidi.*

Fuit et aliis, ut de magno Benedicto legitur, gratia Benedictus et nomine, cui parem in sacris studiis nescio si unquam viderim. Hic priusquam ad monasteriale ordinem venisset, religiosus valde presbyter exstitit, in tantum ut vix ei aliquid ante monachum de monacho deesset. Sed, sicut sanctorum virorum mos est, ut bona quæ faciunt pro nihilo ducentes, ad majora toto desiderio consciente semper intendant, mutato apud Cluniacum habitu, verus factus est monachus. Jam, si ejus per singula vitam describere conarer, non transeunter de illo commemorandum, sed diutius esset immorandum. Nec capitulum breve illum explicaret, cuius sanctæ conversationi vix liber integer sufficere valeret. Quod, quia suscepti operis necessitas prohibet, sit hoc leve saltē beati viri monumentum, ne tam veri tamque perfecti monachi nostris temporibus exemplum ex toto cum eo videatur esse sepultum. Nam quis istis pessimis temporibus, quando, juxta Psalmistam, *defecit sanctus, et diminutæ sunt veritates à filiis hominum.* (*Psal. II*), cœlestibus adeo studiis intentus exstitit? Quis tam plene mundum, omniaque mundana calcavit? Quis ita generaliter universa a se gemina vitorum extirpans, agrum mentis suæ omnium virtutum suavibus atque odoriferis graminibus sevit? Nam quia, ut Apostolus ait, coram Deo in Christo loquimur (*II Cor. XII*), ipsum ante quem loquimur testem adhibeo, me non aliter loqui quam sentio, viro videlicet isti nullarum propemodum virtutum perfectionem defuisse. Quando enim humilitas ejus, qua se universis submittebat et quia se secundum regulæ præcepit omnibus inferiorem et viliorum credebat,

A explicabitur? quando ejus charitas, qua frater omnes ita amplectebatur, ut non sibi, sed omnibus pro mediocritate officii vivere videretur, alicujus sermonе declarabitur? Quando ejus patientia exponetur, qua singulariter præditus esse videbatur? Namque propter excellentem justitiæ zelum, quo cum cœteris bonis suis contra negligentium fratrum delicta accendebat, de illorum numero erat, quos propter majorem disciplinæ cautelam, circuitores monasterii beatus Benedictus esse præcepit. In quo ministerio cum nulli parceret, et majores minoribus quantum ad vitiorum reprehensionem spectat, absque ulla personarum discretione æquaret, multis a quibusdam, quia inferre verba non audebant. verborum injurias tolerabat. Recordor ego sæpius falsis aut quasi nullis accusationibus in communum fratrum conventu a talibus impeditum, innumeris vicibus quasi reus existeret in terram prostratum, cum nihil prorsus delinquisset, culpabilem se tantummodo respondisse. Hunc enim morem habebat, ut quæcumque culparetur, nunquam fere culpam diffiteretur. Silebat perpetuo, nisi cum eum certa et gravis causa loqui cogebat. Verba ejus brevissima, a nugis, jocis atque omni prorsus otiositate aliena. Si quando vero de spiritualibus sermo erat, nunquam is sine suspiriis, nunquam sine lacrymis fiebat. Psalmodia indeficiens, Scripturarum sanctorum nocte dieque in meditatione, propter quod et psalterium glossatum semper circumferebat, quoniam psalmos non perfundorie, ut quibusdam moris est, sed summa cum attentione atque devotione cantabat. Ubi, si quid quod non intelligeret offendisset, ad glossas statim oculum convertebat. Diem totam psallendo, meditando, noctem vigilando et orando peragebat. Nam vix brevissimo spatio, etiam hiemalium noctium prolixitatibus, in lecto quiescebat. Quando enim ad altaria occulte confugere poterat, quiescendi necessitate vix aliquando lecto retinebatur. Quando vero propter communis observantium ordinis lecto deesse non audebat, magis eo ad sedendum quam ad jacendum utebatur. Sed erat etiam ipsa sessio non otiosa, quando raro oculi a lacrymis, nunquam vero lingua a psalmodia cessabat. Innumeris confessum suppliciis corpus, toto pene vitæ suæ tempore ciliciis aspergimis exasperare consueverat. Habebat idem beatus vir pro cella domum orationis in turri altissima atque remotissima, in honorem sancti Michaelis archangeli consecratam, qui devotioni ejus præ cunctis monasterii locis specialius famulabatur. In hac divinæ theoriæ totus nocte dieque intentus, mente cuncta mortalia transcendebat, et cum beatissimis angelis internæ Conditoris visioni pene jugiter assistebat. Hæc indeficientium orationum, hæc assidue inundantium lacrymarum, hæc durissimorum flagellorum, hæc quotidianorum sacrificiorum, sola quidem testis tunc affuit; sed ea tamen nobis prorsus celare non potuit. Nam sancti inter abdita latibulorum opera sua semper celare laborant, sed ea, si homines,

taceant, lapides clamant. Jam si ad habitum corporis ejus stylus convertatur, solus ipse sufficientia loqui judicabitur. Corpus quippe attenuatum, facies macilenta, capilli incompti ipsaque canitie venerandi, vultus demissus, oculi vix unquam patentes, os sine requie sacra verba ruminans, non in terra, sed in coelo positum hominem indicabant. Huic plane non surdo auditori Apostolus loquebatur: *Quæ sursum sunt quærite, ubi Christus est in dextera Dei sedens: quæ sursum sunt sapite, non quæ super terram* (*Coloss.* iii). Poterat et ipse cum eo dicere: *Nostra autem conversatio in cœlis est* (*Philipp.* ii). Sed, quia ut supra dixi, propositum meum suit, non omnia, quod mihi impossibile fuisse, sed quædam de ipsius sancta conversatione narrare, ne omnino beati viri memoria sopiretur, his breviter præmissis, ad gloriosum finem ejus sermo convertatur.

Is igitur in omni virtutum exercitatione vitæ suæ cursu peracto, corporis incommoditate, brevi ad extrema deductus est. Fuit autem tempus illud Paschale, quo, transacta jejuniorum quadragesima, purgatiorem gregem suum et velut matuoriem segetem Christus inveniens, multos ex hac luce subtraxit, et sicut electa grana horreis cœlestibus recondidit. Multi namque illo tempore levi morbo pulsati, quasi nutum vocantis Domini illico sequabantur. Inter quos iste vir Domini, ut dictum est, ægritudine decumbens, postquam et sacri olei unctione, et salutari Christi corporis perceptione, atque communi fratrum absolutione, ad iter cœleste scandendum idoneus factus est, advenit dies laboris ultima, mercedis prima. Jacebat vero in lecto, et lampadem plenam oleo, id est conscientiam plenam virtutum testimentiis habens, Sponsum exspectabat, et, ut arbitror, cum Apostolo dicebat: *Gloria nostra habere testimonium conscientiae nostræ* (*II Cor.* i). Respiciens ergo, vidit infinitam multitudinem albatorum advenire, et paulatim omne domus illius spatiū completere. Cumque domum præclarissimis illis spiritibus repletam vidisset, fratrum conventum esse suspicatus, custodem infirmorum bonæ religionis virum, Otgerium nomine, vocavit, eique dixit: *Frater Otgeri, hincine ordo noster est, ut conventus albis induitus, in infirmary veniat? Crede mihi, hodie video quod nunquam retro contigisse audi. Vere, licet corpus beati viri suis viribus destitutum fuisse, mentis tamen vigor, et zelus domus Dei, sicut semper fuerat, adhuc in eo vigebat. Sed, cum frater ille nullum albatorum in infirmary illa esse affirmaret, adhuc in eadem opinione persistens, adjecit: Miror valde quomodo hoc dicere potes, cum non pars domus, sed tota eisdem albatis viris plena sit, et te ipsum, ubi nunc loqueris, ex omni parte iidem circumdent.* Tunc tandem intellexit cui hoc dicebat, non hominum illum conventum, sed beatorum esse angelorum. Qui ad hoc absque dubio de supernis descenderant ad concivem suum, qui sem-

A per mente cum eis conversatus fuerat in terris, ut per ipsam spiritus sui præsentiam, eis sempiterne cohabitaret in cœlis; et qui per speculum et in ænigmate (*I Cor.* xiii), secundum Apostolum, hic Dei desiderabilem vehementer esurierat speciem, manifestata ipsius gloria satiatus, videret eum facie ad faciem (*ibid.*). Parum intervalli successerat, et servus Domini ab illis quos viderat albatis et gloriis spiritibus accitus obiit, beatamque animam eis tradens, ad regna cœlestia, ut dignum est credere, cum ipsis pervenit. Sed, ne quis temere me hoc affirmare suscipietur, quod quasi absque purgatoriis poenis ejus animam ad cœlos evectam dixerim, intelligat nulla eos purgatione indigere, in quibus nihil purgandum constat remanere. Quod quia nemo negare potest utrum iste sic purgatus fuerit, fortassis inquirere festinabit. Ego vero, quantum hominibus cognoscere datur, dico istum sic in hac vita per gratiam Dei animum suum diversis sanctorum operum exercitiis emundasse, ut nihil in eo mundandum crediderim remansisse. Nam si hoc de multis etiam sine martyrio conceditur, quare non et de isto concedatur? Cujus enim crimina nulla, cujus veniales etiam culpæ vix aliquando apprehendi poterant, tot cruciatibus corporis sui, tanta sacrorum studiorum instantia, ne ignibus futuri sæculi torqueretur, expiari non potuit? Potuit plane. Nequaquam enim ultrices scelerum flamas experiri debuit, qui in se omnium concupiscentiarum fervorem compescuit. Nec poenalis in eo ignis, quod decoqueret invenit, quem ignis divinus ad purum usque purgavit.

#### CAPUT XXI.

*De Turquillo, (220) priore Marciacensis sororum.*

Alter etiam frater, Turquillus nomine, vir nihilo minus in omni virtutum sinceritate et veritate probatus, ab adolescentia usque ad ultimam senectutem jugum monastici ordinis mansuetissime portans, ipsa miti et humili corporis et vultus sui specie, quiddam cœleste prætendens, curam sororum Marciacensium a me sibi injunctam agebat. Quam, cum per aliquantum temporis religiosissime administrasset, carnis ingruente incommode, ad solvendum commune mortis debitum appropinquare cœpit. Cumque illum in cinere et cilicio positum, fratres undique circumstarent, repente ab eis spiritu raptus obmutuit. Qua de causa frater quidam ex his qui astabant, Unfredus nomine, honestæ vir conversationis, ausu familiaritatis qua præ cæteris ei semper adhæserat, ad eum se inclinavit, et si aliquid spiritualium rerum vidisset, quæsivit. Ad quem ille his verbis: *Vidi, ait, Dominum, et dulce consortium ejus.* Hoc cum non vulgaribus, sed ita, ut expressi, verbis Latinis dixisset, parvo interveniente temporis spatio, defunctus, est. Et quia de Marciaco mentionem feci, miraculum quod ibi di-

#### ANDREÆ CHESNII NOTÆ.

(220) In ms. S. V. *De quodam, qui raptus e corpore gloriam Dei vidi.*

vinā virtute aliquando contigit, nullo modo tacen-  
dum est.

## CAPUT XXII.

*Miraculum (221) quod in eodem Marciaciensi  
monasterio contigit.*

Est idem locus inter alia sanctimonialium sancta loca singularem gratiam obtinens et velut inter fulgentia cœli sidera quodam suo proprio fulgore præfulgens. Ibi nobilium mulierum multitudo, et quæ de ipsius regii sanguinis sublimitate descendunt, spernunt divitias, honores contemnunt, calcant superbiam, luxuriam subigunt; Christique sequentes pauperiem, proprio mundum cum principe vincunt; de quarum numero plurimæ virorum morte destitutæ, secundas iterare nuptias refugerunt, aliæ in columnes maritos deseruerunt, quædam ab omni carnis corruptione immunes, angelicum virginitatis honorem carnalibus voluptatibus prætulerunt. Omnes tamen in commune, viri constantia semi-neam mollitiensi supergressæ, non solum mundana omnia, sed et seipsas sibi subjugant, opere manuum, psalmodia, oratione assidua sicutque indeficiente aut præteritæ vitæ nævos abluunt, aut meritorum cumulos augere contendunt, cunctaque prorsus visibilia contemnentes, ad amorem invisibilium certatim semetipsas accendunt. Inter quæ universa bona sua, singulari pene et ante inaudita gratia, perpetuo se carcere damnant, ita ut, postquam semel facta secundum regulam professione, corpori monasterii sociatæ fuerint, nunquam qualibet necessitate non dico septa murorum, sed nec ipsas in quibus commorantur regulares domos, transgrediantur. Hanc ipsæ sibi idcirco more aliârum sanctimonialium equitandi vel deambulandi licentiam præcepto abbatis sui interdixerunt, ne aliqua occasione vel mundus in eis videat quod concupiscat, vel ipsas aliquid noxiū saltem in excursu videre seu audire compellat. Nam eum quem a mentis suæ intuitu prorsus abegerunt, ipsis quoque corporalibus oculis videre contemnunt (222). Sic enim juxta Apostolum, mundus eis mortuus est, et ipsæ mundo (*Gal. vi*) quod nunquam qualibet occasione ab aliquo videri possunt, quia ab ipso ingressu quo ad religionem suscipiuntur, velo quod eis ex more imponitur oculos habent velatos, et facies circumiectas, ipsum velum quasi pro sudario usque ad diem obitus in memoriam et præparationem exitus sui circumferentes. Eapropter claustro salutari conclusæ, et, ut sic dicam, vitali obrutæ sepultura, pro præsentí coarctatione, sempiternam latitudinem, pro sepulcro, beatam resurrectionem exspectant. Unde prius mori quam egredi, ante occumbere quam limen designati ostii transgredi elegerunt. Quod tunc apparuit, quando in circumpositis villæ domibus, easu, quodam tempore ignis exarsit. Fe-

A rebantur in sublime globi flammarum, et exustis circumquaque omnibus [domibus], sanctarum illarum habitaculis appropinquabant. Tollitur in altum clamor populi, ne sacræ domus comburerentur, magis quam de propriis damnis solliciti. Fit concursus omnium ad muri eas ambientis propugnacula, et super domorum tecta ronscentes, totis viribus obviam ire ignibus parant. Arentem materiam quam super inveniunt longe projiciunt, convectam certatim aquam flammis injiciunt, nihil quod ad igneam vim repellendam possit valere, intentatum dimittunt. Sed nequidquam. Aer enim vento commotus, multiplicatas vires ignibus dabat, et fumum flammeo vaporis admistum, vultibus atque oculis defensantium inferens, ne defendere prohibebat. Cumque aliquandiu restitissent, victi tandem violento elementorum confictu, tecta relinquunt, et se passim ad terram præcipitantes, non jam demos, sed propria corpora salvare contendunt. At ignis obstaculo remoto libere omnia per vagatur, et partem ædificiorum sibi propinquiorum invadens, horrisono strepitu, maximas lignorum moles consumit. Cum [al. tum] vero luctuosa universorum vox confuso clamore omnia replet, et totius ignari consilii, nil nisi extremum ancillarum Dei exitium præstolantur. Erat tunc forte in loco Lugdunensis Ecclesiæ archiepiscopus venerabilis Hugo (223), multa morum probitate et religiosa conversatione a domino papa Urbano cunctarum ferme Galliarum constitutus legatus. Ad quæ velut ad patrem omnes consugiunt, et, ut in perturbatis rebus fieri solet, anxie ab eo consilium exposcunt. Precantur præcipue, ut inclusis sanctis mulieribus exitum persuadeat, neque tantum ovium Christi gregem ignibus pastor perire permittat. Motus archiepiscopus, cursim claustrum ingreditur, omnesque sub celeritate congregans, summa instantia ut periculo cedant, horriatur. Cumque illæ omniō renuerent, et prius se posse mori quam propositum infringere constantes affirmarent, ait episcopus: *Auctoritate beati Petri et domini papæ, cuius vice fungor, atque ex abbatis nostri [vestri] obedientiā vobis præcipio ut ad præsens hinc exeat neque vos cum habitaculis vestris hic incendio concremari sinatis.* Ad hæc quædam maximæ [magnæ] nobilitatis et singularis conversationis soror, Gisla nomine, quam et ipse multoties vidi, spiritu et fide succensa, respondit: *Nos, Pater, timor Dei et præceptum abbatis nostri, ut ignem aeternum evadere possemus infra hos quos cernis limites usque ad mortem permansurus inclusit. Unde nullo pacto fieri potest ut aliqua necessitate præfixos nobis penitentiæ terminos saltem pedis passu transgrediamur, nisi ab illo qui in nomine Domini in hoc nos inclusit loco solvamus.* Noli ergo, domine, si placet, hoc

## ANDREÆ CHESNII NOTÆ.

(221) In eodem ms. *Quomodo ignis divina virtute extincitus sit in Marciaciaco cœnobio.*

(222) Hanc integrum clausulam ex ms. addidimus.

(223) *Lugd. Eccl. archiepiscopus Hugo.* De quo et Yvo epist. 18 et S. Anselmus ep. 11 lib. II, et epist. 24 et 123 lib. III.

*injungere, quod nobis agere non licet, sed sicut nos ignem præcipis fugere, ita magis igni ut a nobis fugiat virtute Christi Domini nostri armatus injunge.* Ad quam mulieris fidem stupefactus archiepiscopus, ac subito et ipse fide repletus, foras exiit, et coram cunctis qui aderant flamas intuens, ac lacrymis ora persus, ait: *In nomini Domini, et per virtutem fidei hujus, quæ nunc locuta est, mulieris, recede, ignis pestifer, ab ancillarum Dei habitaculis, nec damna aliqua ultra inferre præsumas.* His a pontifice verbis prolatis, sicut mihi testificati sunt qui viderunt, repente immensitas flammarum invisibili virtute repressa, velut ferreo muro obstante ultra procedere non potuit, et absque ullo humano subsidio, absque aliqua pluviae gutta incredibili celeritate semetipsam extinxit. Sic magnifico atque insperato miraculo, sanctorum propositum mulierum sibi bene acceptum esse, divina pietas comprobavit; et veræ fidei merito, omnia possibilia credenti, sicut in Evangelio promiserat, demonstravit.

## CAPUT XXIII.

*De defuncto milite, qui ter apparuit cuidam presbytero.*

Memini me superius promisisse quod visiones sive revelationes defunctorum, quas in Cluniaco vel circa contigisse audieram, primo ad medium deferrem; et sic illis, quæ de proximo cognoveram præmissis, pedentim ad remotiora stylum transferrem. Quod quidem ut institueram agere cœpi, sed aliis de eodem loco narrandis miraculis invitatus, aliqua non minoris, ut credo utilitatis interserere volui. Quibus explicitis, jam ad ea quæ proposuerat stylus ordinatae recurrat. Superest adhuc in Viennensi pago presbyter, Stephanus nomine, vir inter multos sui ordinis viros honestatis et religiosi fama præcellens qui mihi ea quæ dicturus sum vera esse fide interposita coram multis, qui mecum erant fratribus, retulit. Quæ quia se vidisse dicebat, ipsum introduco loquentem, ut non ad me, sed quasi ab ipso qui mihi primo retulit, audiatur. Miles, ait, *quidam de castello Moras, Guido nomine, in prælio vulneratus, indeque domum reportatus, ad extrema pervenit. Ad quem cum lecto decumberet, proprius ejus episcopus, Viennensis scilicet archiepiscopus Guido, qui postmodum Romanæ sedi præfuit (224), visitandi gratia venit, atque pastorali sollicitudine, ut peccata sua confiteretur, admonuit. Aderam et ego, ad quem cura illius post archiepiscopum spectabat, et quem secum ad illam confessionem audiendam retinuerat. Confessus est æger fideliter peccata sua, quantum ei ad confitendum memoria suffragari potuit, atque a domino archiepiscopo solemniter absolvi meruit. Qui paucis*

A interpositis diebus defunctus est, et juxta quamdam Cluniacensis juris ecclesiam, Mantulam nomine (225), tumulatus. Contigit post hæc non multo tempore elapsso juxta silvam, quæ supra dicto castro de Moras adjacèt, meridianis horis me iter agere, cum ecce subito quasi immensi exercitus strepitum post terga mea audio. Cujus timore perterritus, contiguam silvam occultandus ingredior. Cumque in condensa illius me immergens, tali, ut putabam, in loco reseedisse, unde videre transeuntes, nec videri a transuentibus possem, multo armatorum agmine prætereunte, astitit repente coram me miles quem supra defunctum commemoravi equo insidens, scuto pectori anteposito, hastæ militari innixus. Quem ut vidi primo, exhorrii. At ille me perterritum intuens: B Noli, ait, metuere, quia non ad incutiendum tibi timorem, sed ad rogandam misericordiam huc veni. Pro peccatis meis dira tormenta patior, et maxime pro duobus quæ, dum cætera confiterer, oblitus sum. Horum unum hoc est, quod olim cum quibusdam aliis militibus cæmeterium quoddam, in quo quamplurimi vulgarium ob majorem securitatem se a sua contulerant, infregi, ac bovem unum rustico cuidam violenter abstuli. Item, terræ quæ mei juris non erat, injustas exactiones imposui, quas ab inhabitibus multo tempore mihi reddi coegi. Rogo ergo ut fratrem meum Anselmum adeas, eumque ex me depreceris quatenus ablata vice mea restituat, eisque quibus injurias intuli pro me satisfaciat. Quod si fecerit, a poenis quas patior absque dubio liberabor. Sed novi ego fratris duriliam, et quod tibi ista referenti nullatenus acquiesceret. Sit ergo quod dicturus sum tam tibi quam illi in signum, ut de rei certitudine nulli vestrum liceat dubitare. Scis ipse pecuniam, quam in arca repositam habebas, et qua ad Sanctum Jacobum ire disponebas, hanc cum domum redieris, invenies furto sublatam. Apparui insuper antequam ad te venirem, Guillelmo noto tibi militi de castello Moras in ipsa domo sua, a quo universa quæ tibi nunc a me dicta sunt, postquam requisieris, audiens.

Dixit hæc, et statim ab oculis meis evanuit. At ego timore cumulatus, et quia cum mortuo verba contuleram de vita dissidens, inde quam citius potui, recessi. Domum ut veni, arcam meam fractam, et pecuniam, quam dixerat, sublatam inveni. Miliitem cui se locutum indicaverat adii, et ab eo cuncta quæ dicta fuerant, vera esse cognovi. Fratrem autem defuncti adire facultas non fuit, quia per dies aliquot absens exstinctus. Interea dum, quadam die re familiari urgente, iter agerem, diverti in amœnum locum seclusa viam, ubi salicu magna multitudo quasi eujusdam silvæ secretum æmula-

## ANDREÆ CHESNII NOTÆ.

(224) Vienn. archiep. Guido, qui postmodum Rom. sedi præfuit. Sub nomine nimirum Calixti II, anno 1118.

(225) Quamdam Clun. juris ecclesiam Mantulam.

In Viennensi diœcesi, quam et prioratum S. Petri de Mentula vocat Catalogus beneficiorum Clun. ordinis, vulgo Menthe.

batur. Ibi ergo paululum requiescere volens, consedi. Nec mora conspicio jam dictum militem arma solita præferentem, mihi astare. Cumque ego duplato timore turbatus, in verba prosilire tentarem, prior ille : *Ha!* inquit, *domine Stephane, quam bonum nuntium quem pro salute mea fratri dirigere, vos elegi!* Putabam eçuidem vos mihi compati, sed ut video, quomodolibet me habeam vos non curatis. At ego, multo magis aducto timore, ut potui respondi : *Non, inquam, dissimulando quæ rogaveras distuli, sed quia fratrem cui me direxeras non inveni. Jam vero, ut discesseris absque mora aliqua ad eum ibo, et quæ primo rogaveras indicabo. Obsecro tantum, ut celeriter discedas, quia valde cor meum tui visione turbatur, neque me tecum diutius confabulari patitur.* Nihil, ait, *tibi formidandum est, quia, ut jam dixi, non ut ego tibi noceam, sed ut tu mei miserearis ad te venire permisus sum.* His dictis, disparuit. Ego autem multa formidine compulsus, et nequaquam ultra legationem injunctam differre audens, ad sæpe nominatum fratrem defuncti cum milite, cui se revelaverat accessi, ei que cuncta per ordinem quæ frater mandaverat narravi. Ille vero ut homo, totus mundo deditus, aut non credens aut parvipendens quæ a me audiebat, respondit : *Quid ad me de anima fratris mei? habuit ille sua quandiu vixit. Quare non pro se his quibus injuriis intulerit, salisfecit?* Videat sibi. Ego peccatorum ejus pœnitentiam agere nolo. Hoc ab illo accepto responso, discessimus. Pauci dies transierant, et ego in domo mea solus residens, ea quæ videbam mecum mente versabam, cum ecce subito sæpe nominatus defunctus non jam in equo, sed pedes, non armatus, sed inermis mihi assistere visus est. At ego nimio terrore fere in amentiam versus, in hæc verba prorupi : *Ex parte omnipotentis Dei et omnium sanctorum ejus, adjuro te, quicunque es spiritus, ut discedas, meque tantis terroribus exagitare desistas.* Et ille : *Quia, inquit, taliter de adventu meo turbaris, scito quia me ulterius in hoc sæculo non videbis. Adhuc tamen tertio me tibi Deus apparere voluit, ut quod per fratrem nequeo, per te consequi merear. Debes et tu, si bene perpendas, plus fratre mei misereri.* Ille enim frater carnalis, tu Pater in Deo fuisti spiritualis. Et ego : *Faciam, inquam, et ipse pro te quod potero, festinato tantum, oro, discede.* Post quæ verba, statim ab aspectu meo subtractus est. Mox ego inde discedens, ad rusticum, cuius se bovem abstulisse dixerat, ivi, eique boyis ipsius pretium reddidi. Nam, et quis esset dixerat, et ubi maneret indicaverat. De sequenti autem negotio, quoniam vires meas excedebat, nihil agere prævaluui. Collecta tamen presbyterorum multitudine, in dicta die, solemnia Dei offerri sacrificia feci, eleemosynasque pauperibus pro posse distribui, multosque tam clericalis quam monastici

A ordinis viros, ut pro eo Domino supplicarent oravi.

## CAPUT XXIV.

*De Guidone [Vvidone] Gebennensi episcopo (226).*

Post hanc quam præfatus sum visionem, Gebennensis episcopus Guido in medium adducatur, et quid huic miraculo simile de eo contigerit, exponatur. Fuit hic magnæ secundum sæculum nobilitatis, et ideo multo plus quam episcopum decuisse, vitæ dissolutionis. Nam, cum esset frater Aimonis ejusdem urbis comitis, tam sæculari generositate quam ecclesiastica dignitate consitus, potentia atque divitiis undique circumfluus, plus mundo quam Deo, magis carnalibus quam spiritualibus actionibus inserviebat. Cumque multa agendā negliceret, nec facienda ficeret, misericordiæ tamē operibus toto adp̄isu instabat eleemosynam largiter egentibus distribuens, esurientes reficiens, nudos vestiens, querelas afflictorum patienter audiens, et multis, pro posse, benigne subveniens. Ecclesiasticas personas, et maxime quos religiosiores esse audiebat, magnifice honorabat, monachis præcipue totum cordis sui affectum impendebat. Quibus non solum venerationis obsequium, sed multa et de rebus propriis conferebat. Inter quos singulari amore fratres Cluniacenses amplectebatur, et eis ob spem æternæ mercedis plurima largiebatur. Nam, ut reliqua taceam, quæ eis vir nobilis liberaliter contulit, sexaginta et eo amplius ecclesiarum redditus, diversis ad Cluniacum pertinentibus monasteriis in perpetuum dedit. Hoc modo temporalis vitæ cursu transacto, in bona confessione, cum peccatorum pœnititudinè ac cordis contritione, sicut mihi testati sunt qui adsuerunt, ab hac luce recessit. Hunc post mortem diverso modo plurimis apparuisse quidam referunt. Quarum visionum quia certum auctorem invenire non valui idcirco dubia scribere recusavi. Unam tantum de omnibus elegi, quam propter rei probatæ fidem, dignam hic inseri judicavi.

Successor ipsius episcopus synodum Gebennis vix anno post ejus decessum exacto celebrabat. Veniebant ad eamdem synodum presbyteri more ecclesiastico, inter quos quidam boni testimonii presbyter properabat. Hic in itinere casu, imo divina voluntate a sociis aliquanto spatio separatus, obvium habuit jam nominatum defunctum episcopum. Qui cum insolito occursu turbatus aliquandiu hæsisset, tandem utrum esset qui videretur defunctus episcopus, ab eo quæsivit. Quo se vere esse respondente, presbyter adjecit : *Et quid est, ait, domine, vel quæ causa te mihi cum sis mortuus visibilem fecit?* Ad quem episcopus : *Clementia, inquit, divina, ut meæ necessitatibus subvenias, me tibi apparere permisit.* Novi enim te ad synodum properare. Oro ergo ut sacrum conventum adeas, eorumque me orationibus studiosè commendes. Laboravi enim, et multa a tempore mor-

## ANDREÆ CHESNII NOTÆ.

(226) Ms. add. quomodo post obitum suum apparuerit.

*tis meæ tormenta sustinui. A quibus in proximo erui potero, si eorum orationibus merear adjuvari. Dic ergo episcopo et cum eo congregatis, ut omni die concilii psalmum, « Miserere mei Deus, mihi simul omnes decantent, et communi absolutione universi animam meam Deo commendent. Sacrificiis insuper salutaribus atque eleemosynis, divinam majestatem pro requie mea propitiare contendant. Noverint autem me ad agendam pœnitentiam Cluniacum iturum, et inde ad eamdem peragendam Hierosolymam transiturum. Hæc omnia cum eis dixeris, nomen tantum meum ultimo die synodi dicendum reservabis.* Quæ postquam dixit, ab oculis colloquentis evanuit. Presbyter vero cui hæc commissa fuerant gressum accelerans, ad synodum venit, et universa episcopo fideliter coram omnibus exposuit. Cumque multos credere, quosdam autem dubitare videret, Evangelii codicem afferri rogavit, et ut cunctis fidem faceret, jurejurando quæ dixerat confimaturus, manum constanter super sacrum volumen extendit. Quem omnes ad ea probanda absque dubio paratum videntes, eum ne juraret compescuerunt, et qui ante dubitaverant, omnem a corde suo dubietatis scrupulum abjecerunt. Sed et alter ex insperato testis surrexit, qui hæc eadem omnia a defuncto episcopo sibi dicta universis admirantibus confirmavit. Unde et bonæ oves mandata olim pastoris sui benigne suscipientes, cuncta quæ mandaverat devote impleverunt, et plurima ex abundante cordis sui charitate, spontanei addiderunt. Hoc ab illis mihi personis dictum est qui omni fide digni synodo memoratæ interfuerunt, et ea quæ dixi, referentibus eisdem relatoribus audierunt.

## CAPUT XXV.

*De quodam presbytero terribiliter mortuo (227).*

Jam nunc subjungenda est, non ante mortui, sed morientis presbyteri terribilis et multis nota visio, quæ audientium mentes digno timore concutiat, et ad cavenda æternæ mortis mala, velut vehementi sollicitudinis igne accendat. Apud castrum Liziniacum, quod in Pictavensi pago situm est, nuper quidam presbyter erat, qui sacerdotalis ordinis supercœlestem dignitatem, miserrimæ vitæ conversatione deturpans, non ad animarum quibus præerrat curam, sed ad carnis suæ voluptatem explendam, sacro ministerio utebatur. Qui, juxta prophetam, lac gregis sui comedens, et ejus se lanis operiens (*Ezech. xxxiv*), absque ulla spe æternorum, mercedibus mercenarii avidissime pascebatur. Mundissimam atque omnia mundantem Christi carnem et sanguinem in altaris sacramento frequenter officio non devotione sumebat, nec ab immundis tamen carnis operibus sese cohíebat. Cumque ut sus immunda multo tempore in cœno luxuriæ versaretur, et sui ipsius fœtoribus delectaretur, territus conscientiae malo, sicut aliquando et mali ad

A horam compunguntur, familiaritatem quorumdam honorum virorum expetiit, et abbati Bonæ Vallis ac fratribus ejusdem monasterii se in amicitia specie tenuis copulavit. Qui longo tempore eum de vitæ emendatione commonentes, et ut sæculo renuntiaret assidue exhortantes, nihil ab eo impetrare præter inanem spem aliquando potuerunt. Nam libenter quæ dicebant audire se fingens, et semper eos de conversione suspendens, de societate sanctorum illorum gloriabatur, nec admonitione vel exemplis eorum a malis retrahebatur. In his itaque aliis perditæ atque perdendæ vitæ suæ actibus perdurans, et obstinatione impia iram sibi in die iræ thesaurizans, in morbum incidit, quo post aliquot dies ingravescente, ad extrema pervenit. Adierat eum visitationis gratia prior jam dicti monasterii, atque cum eo per aliquantum diei spatium, ipso quoque rogante permanserat. Et ecce nocte superveniente, cum cunctis discedentibus solus lecto ejus assideret, clamare terribiliter æger ille ad priorem cœpit : *Succurre, ait, succurre. Ecce duo supra omnem feritatem expavescendi leones in me impetum faciunt, hianti ore ac rictu feroci per frusta discerpunt, me totum consumere volunt. Deprecare cito Dominum, ut ab his eripiar, antequam morsibus eorum consumar.* Dicebat hic et tremebat, ac velut devoratores fugiens, timore defecto corpori vires addente, retro cedebat. Prior vero vocis illius ac gestus terrore turbatus, non sine multo et ipse timore erat. Ad preces tamen ipsa necessitate impellente conversus, pro misero illo, ut poterat, Dominum exorabat. Quo orante mutata voce æger : *Bene, inquit, bene. Recesserunt cruceles bestiæ, et per orationes tuas jam ultra nusquam apparent.* Et quia usque ad ultimum spiritum semper compos sui exstilit, nec ut quidam morientium solent vel in modico sensu imminutus fuit, conversus ad priorem, loqui cum eo de quibuslibet veluti sanissimus cœpit. Cumque tam de his quam de aliis multæ inter se verba conferrent, horæ fere unius spatio elapso, rursum in clamare longe terribilius quam primo exorsus est : *En, inquit, en ignis de cœlo ut torrens inundans descendit, et super hunc lectum meum veniens, jam jamque me in favillam usque comburet.* D *Festina, adjuva, ora, si forte et ab hac morte eripi valeam.*

Et hæc dicens, manibus et brachiis opertoria sublevabat, eaque velut aliquid juvare possent, invisibilibus ignibus turbatus opponebat. Sed nequidquam. Non enim corporalia tegmina a spiritualibus incendiis tegere poterant, quem cœlestis vindictæ impia opera exponebant. Prior ad aueto timore, de nūo ad orationem convertitur, et quantum in tali casu possibile erat, Domini misericordiam deprecatur. Illo ut supra orationi instantे, post paululum, patiens gratulationis vocibus preces ejus interrupit di-

## ANDREÆ CHESNII NOTÆ.

(227) Al. in ms. *qui peccata sua celans terribiliter mortuus est.*

cens : *Quiesce, jam ab igne tutus sum. Nam dum super me, ut dixi, cum impetu descendenter, interpositus est linteus, usque ad quem ignis pervenit, sed eum transire non potuit. Jam et ab isto periculo ereptus, ero ne a me discedas quousque quis istorum finis futurus sit agnoscas.* Tunc prior qui tam timore quam hospitandi necessitate recedere volebat, substitut, et ab oratione surgens, rursum ei assedit. Cumque eum tantis terroribus anxium consolaretur, et uterque ad invicem ut prius colloqueretur, subito segregatus ad invisibilia raptus obmutuit. Prior eum raptum ab humanis intelligens, rei exitum præstolabatur, cum ecce post multum noctis spatium, homo ad se rediit, et miserabiliter ingemiscens, ait : *Ha! ha! ad judicium æternum raptus sum, et heu miser! æterna morte damnatus sum. Traditus sum horrendis tortoribus igne inextingibili cum diabolo et angelis ejus perpetuo cruciandus. Ecce, ecce, ignita sartago plena bullienti adipe, quam coram me tormentorum ministri detulerunt, eamque ad me frigendum undique succenderunt.* Et cum prior orationi sicut jam bis fecerat, tertio quoque incubuisset, ille ait : *Cessa, cessa pro me orare, nec pro illo ultra fatigeris, pro quo nullatenus exaudieris.* Priore vero dicente : *Frater, redi ad cor, et misericordiam, dum adhuc vivis a Deo require,* ille adjecit : *Putas, ait, me ut insanum loqui? Non insania, sed sana mente quæ dixi confirmo.* Et cucullam prioris manu tenens, eum interrogavit : *Nonne hoc quod manu teneo cuculla tua est?* Quo respondent : *Est, adjunxit : Sicut hæc vestis cuculla est, et sicut hoc quod substratum mihi est palea est, sic et hoc quod coram cerno ignita sartago est.* Et dum hæc loqueretur, gutta invisibilis ignis de illa quam dicebat sartagine exiens, in manum ejus priore vidente cecidit, et (mirabile dictu!) cutem et carnem usque ad intima ossis consumpsit. Tunc ille acris cum gemitu : *En, inquit, indubia rei probatio.* Nam sicut ista quam vides de sartagine prolapsa gutta, carnis partem consumpsit, sic confessim totum me ignea vorago consumet. Priore ad ista stupente, iterum dixit : *Ecce sartaginem ipsam ministri infernales proprius afferunt, et ut me in illam injiciant, jamjamque manus adaptant.* Et post modicum : *Ecce linteum in quo jaceo undique concurrentes accipiunt, et me in ignitam sartaginem, æternum frixeram projiciunt.*

Hoc velut ultimum vale, mox ut priori, atque his qui ad hoc horrendum spectaculum convenerant, dixit, subtracta voce ac reflexa cervice, puniendum spiritum condemnatis spiritibus tradidit. Tantus vero terror omnes invasit, ut illico universi aufugarent, neque aliqui in domo ubi cadaver mortis [mortui] remanserat, remanere auderent. Facto mane miserum cadaver sepulturæ mandatum est. Post aliquot autem dies, cum ad universos circa posi-

## ANDREÆ CHESNII NOTÆ.

(228) Al. *De apparitione nobilis viri Gaufrede de Sinemure.* Et in ms. S. V. *De priore Marciacen-*

A tos hæc tam terribilis fama pervenisset, rei veritatem probare volentes, tumulum aperuerunt, atque fossam illam quam in manu adhuc viventis presbyteri gutta prænuntia damnationis fecerat, in mortui cadavere invenerunt. Quæ omnia, secundum quod beatus Gregorius dicit, nullomodo propter se infelix presbyter vidit, cui nihil visio ipsa profecit; sed quanta cautela sacerdotale officium administrandum, quam reverenter divina mysteria tractanda superna per eum dispositio demonstravit. Quis enim ad ista non obstupescat? quis tam metuendam divinæ animadversionis sententiam non contremiscat? Quis jam in istis non fidem invisibilium concepisse, sed ipsa invisibilia corporis sensibus ex multa parte subjecta esse non cognoscat? Facit hoc pia Conditoris miseratio, qui cernens corporalium rerum objectu, interiorum mentis humanæ oculum excæcatum, quædam de spiritualibus rebus etiam per carnem quibusdam innotescere præstat, ut ad amanda sive timenda invisibilia hoc saltem remedio vel admoneat, vel compellat. Quid enim apertius ad fidem fidelium instruendam, quam hominem in carne viventem, et hic integra mente colloqui cum hominibus, et ibi spiritualia cernere cum spiritibus? Quid sane leones tremendi, quid flammeus torrens, quid ignita sartago aliud quam de veritate rerum invisibilium nullatenus dubitare, et horrendum esse in manus Dei viventis incidere, malesecuros admonebant? Neque enim credendum est alibi quam in præsenti sæculo quarumlibet ferarum genera commorari, aut, ubi nulla metallorum materia est, ferreas sartaginiæ fabricari. Sed, quia terror supplicii futuri, non nisi per verba usitata vel per expertarum rerum imagines, hominibus adhuc in carne viventibus potest ostendi, placuit Deo per tales corporum similitudines ostendere quid exutæ corporibus animæ, pravis exigentibus meritis, cogantur tolerare. Quæ licet antiquioribus miraculis Patrum temporibus demonstrata sint, voluit tamen etiam nunc divina miseratio nobis revelationibus priora confidere, et eos qui vetera despiciunt, velut negligentiæ somno torpentes, recentibus impulsionibus excitare. Cujus supernæ admonitionis contemptores, tanto se majore in Dei judicio cumulo damnationis operiunt, quanto graviore reatu non solum antiqua, sed et ante oculos posita contemnunt. Et, quia ad fidei et morum ædificationem, varia a diversis auditæ et probata nostrorum maxime temporum miracula scribere cordi insedit, nolui aliqua negligere quæcumque auditoribus meo judicio posse videbantur prodesse.

## CAPUT XXVI.

*De Gaufrido Sinemurensi domino (228).*

Gaufredus vir nobilis, dominus castri quod Sinemurum vocatur, postquam per multum tempus ma-

sium sororum, quod post obitum suum cuidam sorori apparuerit.

gnifice in sæculo conversatus est, tactus divino Spiri-  
tu, mundo renuntiavit, atque cum filio et tribus  
filiabus apud Cluniacum habitum religionis induit.  
Ubi sancte ac sine querela diu conversatus, merito  
religionis atque prudentiae Marciacensem, qua-  
rum superius mentionem feci, prior effectus est.  
Quarum curam dum per aliquot annos humiliter et  
benigne administrasset, more mortalium molestia  
corporis tactus, defunctus est. Cujus simplicis et  
beatæ conversationis dulcem retinentes memoriam  
sorores multis lacrymis ejus funus prosecutæ sunt,  
eumque in ecclesia sepelientes, longe melius in cor-  
dium suorum abditis condiderunt. Qui non post  
multos obitus sui dics, cuidam sororum multæ mor-  
tificationis, quæ Alberea dicebatur, in somnis appa-  
ravit, eique dixit : *Agnoscis me?* Quæ cum trepida  
voce, ut post ipsa referebat, respondisset, dominum  
Gaufredum priorem suum sibi videri, adjunxit ille :  
*B Sum equidem quem dicas, et, ut ea quæ circa me sunt  
tibi nota faciam, ad te directus sum. In hora exitus  
mei, maligni spiritus cum horrifico sonitu irruerunt,  
et me velut agmine facto undique circumdederunt.*  
*Cumque ad eorum aspectum territus, jamjamque me  
ab eis rapiendum suspicarer, subito beatus Petrus appa-  
ravit, et illud dæmonum collegium præsentia sua  
proturbans, ait : Quid huc ad istum, nequam spiritus,  
advenistis ? — Noster est, inquit, et nostra dum  
in sæculo vixit, opera fecit. — Sed pro his, inquit,  
omnibus ex corde pœnituit, et quod majus est sæculo  
renuntiavit. Et dum plurima hostis opponeret, et  
*D apostolus universù quæ dicebantur vera ratione pur-  
garet, ad hoc tandem victus inimicus prorupit : Unum,* ait, *superest quod nullo cassari argumento  
potest. Vestibus ac telis, quæ undecunque abluendæ  
ad castrum de Sinemuro deferuntur, novas exactiones  
imposuit, quas nec ipse nec aliquis post eum removit.*  
*Manente ergo peccato, necesse est manere et pœnam  
peccati. Ad quod apostolus : Nihil, inquit, excipiens,  
pro omnibus peccatis suis monachus factus est, et id  
circo absque dubio in partem salutis vocandus est.*  
*Hoc dicto, hostibus in fugam coactis, me ab eorum  
terroribus liberavit. Superest ut filio meo Gaufrido,  
qui mihi in sacerulari hæreditate successit, hæc nota  
facias, et ut pravam exactiō ad priorem reducas  
consuetudinem; ei ex mea parte dicas. His dictis abs-  
cessit. At nominata soror, dominam Adelam regis  
Anglici sororem, prius Blesensem comitissam, nunc  
humilem Christi ancillam adiens, ei universa nar-  
ravit. Quæ jam dictum Gaufridum accersiens, utrum  
aliquid novæ consuetudinis telis ac vestibus  
quæ sub castro abliebantur pater ejus imposuerit,  
requisivit. Quod cum vere, ut defunctus dixerat, ab  
eo cognovisset, non illusoriam, sed veram fuisse  
visionem agnovit quam a veraci et hic ante ne-  
sciente relatrice audivit, et quam subsequentis, qui  
rem noverat, testimonium confirmavit. Et hæc ea-**

*A dem mihi fuit causa istud scribendi, ut licet inter  
miracula solas vigilantium revelationes scribere  
proposuerim, illas tantum dormientium visiones  
stylus iste non abhorreat, quas circumstantium re-  
rum ratio certa confirmat. Rogavit certe, et ex de-  
functi patris mandato filium admonuit, ut nocivum  
exactionis usum removeret; et ne sibi quoque in  
peccatum reputaretur sollicitus provideret. Quod  
utrum fecerit, non satis mihi cognitum fuit. Quid  
vero illis qui dormientium visiones despiciunt, re-  
spondendum sit, non multo labore opus est. Facile  
enim occurrit unde et risus illudentium repriman-  
tur, et non omnino hujusmodi revelationes con-  
temnendas esse tardis etiam intellectibus spe-  
riatur.*

#### CAPUT XXVII.

*De milite mortuo qui apparuit Humberto Belio-  
censi (229).*

Adjungatur supradictis visionibus recentior, et  
pene sub ipsis oculis nostris facta revelatio, de qua  
si quis dubitaverit, nescio cui jam miraculo credere  
possit. In tanta enim claritate acta est, tam sole-  
niter a fidissimis testibus propalata, ut qui hoc ob-  
scurum putaverit, nihil de reliquo clarum reperire  
in consimilibus valeat. Anno quo in Hispaniam pro-  
fectus sum res contigerat, quam tanta celeritate  
stylus prosecutus est, ut cum ipsa in Lugdunensi  
diœcesi post Natalem Domini provenerit, ego hanc  
eodem anno in Hispaniis ante Pentecosten memo-  
riæ scribendo mandaverim. Hoc eadem causa præ-  
misi, ne vetustate temporis corrupta rei fama pute-  
tur, cuius certitudinem Cluniaci suscipiens, quia  
ante non potui, in Hispaniis, ut dictum est, scriptu-  
ræ mandavi. Est in Matisconensi episcopatu ca-  
strum quod Beliocus dicitur : quod tam sui nobil-  
itate quam prudenti dominorum strenuitate, pene  
omnia adjacentia castra præcellit. Hujus dominium  
Guicardus hæreditario jure suscipiens, eos quibus  
successerat patres, licet strenuos viros, sacerulari  
potentia famaque excessit. Qua magis ad mundanum  
fastum quam ad divinum obsequium utens, ut de talibus sæpe videmus, dies vitæ suæ ex ma-  
xima parte vanitati et mundanæ superbiæ impe-  
dendo, multoque labore velut aranearum telas te-  
xendo, consumpsit. Tandem, diurno morbo a  
Deo correptus ipsaque diurnitate de vita diffidens,  
Cluniaci meo tempore monachus factus est. Ubi  
corde humiliato, poenitentia et confessione Chri-  
stiana, quantum datum fuerat, Deo satisfaciens,  
orationibus se sanctorum fratrum committens,  
paucis diebus advixit, atque ad ultimum peregrini-  
tineris viatico, hoc est sacro Christi corpore su-  
cepto, diem vitæ ultimum clausit. Huic in paterna  
hæreditate filius ejus Humbertus succedens, adole-  
scentia et divitiis velut fortibus catenis mundo  
astrictus, spatiosas sæculi vias damnosa libertate

#### ANDREÆ CHESNII NOTÆ.

(229) Al. *De Gaufrido milite occiso qui nobili viro Humberto de Bello-loco non dormienti, sed vigilanti post mortem visibiliter apparuit.*

aliquandiu effrenis incessit. Quem corrigere, atque ad rectum salutis iter. bonitas divina reducere volens, ostendit ei unde et ipse salvari, atque alii a consimilibus possent actibus deterreri. Nam quodam tempore contra quosdam qui in Forensi pago (230) ei adversabantur armis commotis, cum exercitu contra eos processit, atque in conflictu constitutus, unum ex strenuis militibus suis Gaufredum de Iden, ictu lanceæ confossum amisit. Prælio dirempto, ad sua quisque vel fugiens vel persequens recessit. Necdum plene duo menses transierant, et ecce jam dictus miles, quem intersectum retuli, cuidam alteri militi de Ansa, qui Milo vocabatur, per silvam eidem castro contiguam sine socio equitanti, se obvium obtulit. Ad cujus subitum conspectum dum miles obstupuisse, et timore non modo turbatus, utrum fugere an subsistere sibi satius esset, meditaretur, mortuus qui apparuerat, prior in verba prorupit :

*Noli, ait, timere, neque effugere mediteris, quia non ut ego tibi nocte am, sed ut tu mihi prodesse studias, ad te venire permisus sum. Ad te enim præ omnibus veniendi licentiam accepi, quoniam tum amore quam fideliter mihi nuper in sæculo astrictus, injuncta tibi a me aliis fidelius executurus videris. Rogo igitur ut legationem meam Humberto de Belioco deseras, atque vice mea, quæ tibi dixero ei denunties. Mortalem ego vitam levitate ejus invitatus, gladio ut nosti amisi, et ne ad beatam vitam transire merear, negligentia ejus etiam nunc promerente retardor. Nam ad prælrium ubi vivendi finem feci, non satis justa de causa cum eo veneram, nec a diris cruciatus quos pro peccato illo et aliis innumeris malis meis patior, aliquod beneficiorum spiritualium levamen accipio. Sed quid mirum si obsequiis meis et morti meæ sibi impensa ingratus appareat, cum nec de requie patris sui qui suam æternam pro ejus temporali quodammodo neglexit salutem, semel vel in modico curare demonstret? Nam, cum ille pro multis quæ ei injuste acquisivit, pro innumeris malis quæ diversis ecclesiis et maxime Cluniacensi intulit, specialiter vero pro castello et terra de Aia, crudelia patiatur tormenta, ipse absque aliqua pœnarum ejus contemplatione lætatur, et his pro quibus ille nunc miserrime ingemiscit, ipse quotidie splendide epulatur. Misereatur ergo mei, misereatur et patris, ne forte, si modo nobis miseris misereri noluerit, miserorum et ipse numero celerius adjungatur. Nam, si missarum celebratione, eleemosynarum largitione, bonorum virorum apud Deum intercessione nos juvare studuerit, et celeriorem nobis salutem parabit, et se ipsum debito quo nobis astringitur liberabit. Quod si tibi aut non crediderit, aut non obtemperaverit, ne-*

## ANDRÆ CHESNII NOTÆ.

(230) In Forensi pago. Forenses olim Segusiani erant, quos et Forinates aliqui dicere malunt, a Foro nimirum Segusianorum oppido, cuius et inscriptio vetus in muro templi juxta viam publicam posita meminit hoc modo :

A cesse jam mihi erit per memet ipsum eum adire, atque ei ut hæc adimpleat instare. Scias autem multum jam mihi profuisse, factam nuper Lugduni in synodali conventu publicam solutionem, unde talium et consimilium tam ardenter deprecor subventionem.

Dixit hæc, et statim a conspectu ejus evanuit. At miles sollicitus de injunctis, ac veritus ne, si dissimularet, aliquid infortunii eum consequeretur, Humbertum adit, et quæ audierat cuncta referens, nihil de mandatis abscondit. Humbertus vero, tantæ tamque apertæ visionis legatione audita, condigno timore perterritus, et ad audita pavebat, nec tamen auditis congruam diligentiam adhibebat. Verebatur magis more hujusmodi hominum promissum defuncti adventum, minorem de salute ejus animo gestabat affectum. Unde solus noctibus jacere formidans, familiares ne se casu aliquo solum relinquerent, admonebat. Et ecce parvo tempore emenso, jam dictus defunctus, quem tormenta invisibilia compellebant, nutu divino communicare verba mortalibus permisus, ei mane jam clara die in lecto jacenti, ac vigilanti, sese visibilem demonstrat. Nam lecto ejus assidens, et formam quam habuerat, vestitum quo usus fuerat, lethale vulnus quod die mortis suscepserat, velut adhuc recens pectore ac dorso prætendens, mirantem ac paventem Humbertum sic est allocutus : *Quia, inquit, nuntium a me tibi missum audire nolueristi, ad te ipse Dei permittente misericordia veni. Cum enim te mihi maximum debitorem vita mea tibi impensa fecerit, ac benignum in malis maximis subventorem misericordia facere debuerit, tu nec mihi subvenis, nec saltem parvo spiritualis beneficii adjuvento, crudelia quæ patior tormenta mitigare contendis. Super hæc, et patrem tuum miserandis pœnis atque ineffabili miseria subjectum, post tergum projecisti, et cum ille maxime tui causa torqueatur, nullis ei pietatis visceribus condescendis? Ingemiscit ille in tormentis crudelibus, nec curas: torquetur, et exultas; patitur, et lætaris. Displacent ista benigno Deo, et pene jam in necem tuam sententiam dictavit, ubi, quia his quibus maxime debitor es misereri dissimulas, qualiter misereri debueris, patiendo similia experieris. Sed distulit solita bonitate justitiam, et ne expeditioni comitis Amedei, ad quam ire festinas intersis, me tibi denuntiare permisit. Nam, si illuc abieris, possessa pariter et vitam amittes. Consule ergo tibi, miserere et nostri, nec ultra spiritualium bonorum levamen nobis impendere differas: ubi et tibi salutem et nobis requiem, Conditoris clementia mediante provideas.*

Dum ergo ita mortuus miles Humbertum alloqueretur, et ille longa confabulatione jam securior red-

NUMINI AUG.  
DEO SILVANO.  
FABRI TIGNUAR.  
QUI FORO SEGUS.  
CONSISTUNT  
D. S. P. P.

ditus, ad respondendum vel ad interrogandum verba pararet, ejus consiliarius Wichardus de Marziaco, strenuus in saecularibus miles, ab ecclesia matutino tempore rediens, supervenit. Qui mox ut limen domus ubi vivo mortuus colloquebatur attigit, mortuus qui apparuerat statim disparuit. At Humbertus condigno pavescens timore, mortui militis petitioni ei aliquatenus subveniendo ex parte satisfecit, sequente pœnitentiæ causa Hierosolymam iter aggressum, et sepulcrum Domini visitaturum professus est. Hæc ad ædificationem fidei et morum scribens, quibusdam hæreticis vel erroneis nostri temporis hominibus, beneficia ecclesiastica mortuis fidelibus posse prodesse vel negantibus vel dubitantibus, ad viam veritatis et Ecclesiæ doctrinam redditum persuadere volui; neque tamen spe talium subsidiorum vitam mortalem sub negligentia transigendam, talibus tamque lucidis exemplis admonere decrevi. Ecce enim superna pietas quæ miserum in inferno sepultum audire noluit, pro fratribus rogantem, si quis ex mortuis ierit ad eos pœnitiam agent, sed mentis eorum duritiam prænoscens respondit: *Si Moysen et prophetas non audiunt, neque si quis ex mortuis resurrexerit credent* (Luc. xvi) : eadem, inquam, divina, bonitas nostris diebus, non quidem corpus mortuum suscitavit, sed mortui corporis spiritum vel imaginem viventibus apparere, eosque ad pœnitentiam et ad sibi subveniendum admonere et deprecari permisit. Cesset igitur jam noxius error, spiritus fidelium precibus et bonis Ecclesiæ juvari non credens. Excitetur quoque ignava segnities, aliorum post mortem bonis dormitando salvari confidens, sciatque pro certo quia nisi quem opera condigna saluti præcesserint, eum post transitum aliorum subsequentia bona salvare non poterunt. Sed, si talia ejus opera fuerint ut gratia Dei comitante damnationem æternam merito evadere debeat, si quid de reliquo imperfectio- nis remanserit, tam sanctorum mortuorum meritis quam viventium fidelium beneficiis expiari poterit.

### CAPUT XXVIII.

*Item de alterius apparitione in Hispania* (231).

Et quia semel Hispanias ingressi sumus, quod in eisdem partibus de re simili contigisse ibidem constituti audivimus, prætereundum non est. Est in Hispanicis partibus nobile et famosum castellum, quod et propter congruum situm, et fertilitatem adjacentium terrarum, et multitudinem inhabitantium incolarum, quibus rebus, proxima castella ex-

A superat, ut aestimo, non incongrue Stella vocatur. In hoc castello quidam Burgensis fuit, qui Petrus Engelberti vocabatur. Hic strenuitate famosus, et saecularibus rebus abundans, totam usque ad senium fere vitam in saeculo duxit. Tandem tactus ab illo, qui spirat ubi vult, saeculo renunciavit, atque in monasterio quod apud Nazaram [Nazaram] (232) sub Cluniacensi jure et regula constructum est, habitum monasticæ professionis suscepit. Quo, cum ego post duos annos conversionis ejus pervenissem, audivi eum memorandam visionem narrasse, cujus quidem fama ad nos ante pervenerat, sed quis esset ejus relator non dixerat. Hoc cum accepissem, ubi esset tantæ visionis relator sollicitus inquisivi, atque eum in quadam cella Nazarensi monasterio B subdita satisque contigua, commorari audivi. Ad quem locum cum me itineris necessitas perduxisset, vidi hominem, cui et ætatis maturitas, et morum gravitas, et cunctorum attestatio, ipsaque nivea canities, fidem integrum constanter præbere suadebant. Omnem tamen dubietatis scrupulum tam a corde meo quam a cordibus omnium excludere volens coram venerandis episcopis, Olorensi et Oximensi, coram sociis nostris, multæ religionis et scientiæ personis, ac quibusdam aliis eum convenit, et quod Veritas perdat omnes qui loquuntur mendacium (Psal. v) ostendens, multaque similia ad eum ne mentiretur deterrendum adjungens, ut quod certum de visione illa sciebat narraret, non solum admonui, sed etiam in virtute obedientiæ, quam mihi ut monachus abbatii subditus debebat, injunxi. Ad quod ille quod adhuc prorsus nos omnes latebat adjiciens: *Ego, ait, istud quod a me quæritis ab alio non accepi, sed ipse propriis omnia oculis vidi.* Quo auditu, multo magis exhilarati sumus habentes jam non alienorum verborum relatorem, sed rei ipsius certissimum inspectorem. Unde magis magisque ad quærendum instigati, et ad audiendum intenti, monram pati ultra non potuimus, sed ut quod viderat enarraret, eum omnes compellere coepimus; volo autem eum loquentem introducere, ut quicunque hoc legit, vel audit, non solum sensum verborum, sed et ipsa verba ab ejus ore vos putelis audire:

D *Tempore, inquit, quo rex Aragonensis Alfonsus, regnum majoris Alfonsi Hispaniarum regis jam mortui obtinebat, contigit ut contra quosdam qui in regione, quæ Castella dicitur, ei repugnabant exercitum commoveret, et ut de singulis regni sui dominibus, singuli illuc pedites vel equites dirigerentur,*

### ANDREÆ CHESNII NOTÆ.

(231) Al. *De apparitione cuiusdam defuncti in Hispania.*

(232) *Apud Nazaram sub Clun. jure.* Monasterium hoc quinam Ecclesiæ Cluniacensi donaverit, Aldefonsus Hispauiarum rex, qui et ipse donationem confirmavit anno 1477 aperte demonstrat his verbis: « Ego Aldefonsus, Dei gratia rex Hispaniæ, pro æterna retributione et salute animæ meæ, nec non et parentis nostri illustrissimi regis Sancii, et matris meæ reginæ Blanchæ, et omnium parentum meorum

requie, concedo et confirmo Deo, et beatis apostolis Petro et Paulo, et Ecclesiæ Cluniacensi, atque omnibus abbatibus et monachis, ibi Deo sub Regula beati Benedicti in perpetuum servientibus, ecclesiam Beatæ Mariæ de Nazara, quam predecessoris mei reges, scilicet Aldefonsus felicis memorie rex, atque avus meus imperator bonæ recordationis Aldefonsus et pater meus rex Sancius vobis dederunt, et perpetuo jure atque regali sanctione duntaxat Ecclesiæ Cluniensi donaverunt et confirmaverunt.

edicto sanciret. *Eo præcepto coactus, unum ex mercenariis mercede mihi servientibus, Sancium nomine, ad exercitum destinavi. Paucis post diebus decursis, omnibusque qui expeditioni illi interfuerant, ad propria redeuntibus, ipse quoque domum reversus est. Non longo deinceps tempore elapso, more humano morbo correptus, nec diu cum morbo luctatus, defunctus est. Inde post quatuor sere menses ex quo evita recessit, dum apud Stellam in domo mea hiemali tempore juxta ignem in lecto jacerem, subito jam dictus Sancius circa mediam noctem mihi adhuc vigilanti apparuit. Qui igni assidens et carbones quasi ad calefaciendum vel ad clarificandum huc illucque reversans, multo magis se mihi cognoscibilem demonstrabat. Erat autem nudus et absque omni vestitu, excepto parvo vilique tegumento, quo velut in honestiora corporis obvelabat. Quem cum vidi sem : Quis, inquam, es tu ? At ille humili voce : Ego sum, inquit, Sancius famulus tuus. Quid, inquam, hic agis ? — Vado, inquit, Castellam, iterque meum multis exercitus comitatur, ut ubi delinquimus, ibi et delictis penas debitas exsolvamus. Et cur, inquam, huc divertisti ? Est, inquit, mihi spes veniae, et si misereri volueris, celeriorem mihi requiem comparare poteris. Quo, inquam ? Quando, inquit, nuper expeditioni, quam nosti, interfui hostili invitatius licentia, ecclesiam quamdam cum quibusdam sociis invasi, quæ intus inventa sunt diripi, vestimenta insuper sacerdotalia mecum rediens asportavi. Pro quo specialiter diris penitus subactus affligor, et remedium a te sicut a Domino meo, quantis possum precibus, imploro. Nam poteris mihi subvenire, si beneficiis spiritualibus me studueris adjuvare. Rogo insuper dominam meam uxorem tuam ex mea parte mea functus vice deprecessis, nec octo solidos, quos pro servitio meo, mercenario jure mihi debebat, reddere jam moretur, et quod necessitatibus carnis, si adviverem, reddidisset, animæ meæ longe amplius his egenti erogando eos pauperibus largiatur. Jam ego tali ejus collocutione multo magis animatus : Quid, inquam, de concive nostro Petro de Jaca nuper defuncto actum est ? Rogo ut, si quid de illo nosti, aperias. Illum, ait, opera misericordie, frequenter quidem, sed maxime præteritæ famis tempore pauperibus impensa, beatorum requiei adjunxerunt, et vitæ æternæ participem effecerunt. Cumque eum tam prompte et facile mihi respondere audissem, adjeci : Et de Bernerio alio concive nostro, ante parvum tempus similiter ut nosti defuncto, aliquid tibi notum est ? Illum, inquit, infernus possidet, quia ad dirimendas liites et judicio terminandas huic villæ prælatus, multa sœpe muneribus aut gratia illectus injuste judicavit, et quia quidam pauperi viduæ quodam tempore baconem unum qualecunque vitæ ejus subsidium crudeliter auferre non timuit. Tunc longe amplius ad majora querenda animi servore succensus, adjunxi : De rege nostro Alfonso ante paucos annos defuncto, tibi aliquid notum esse potuit ? Ad haec quidam aliis in fenestrâ capiti meo proxime superposita residens : Noli, ait,*

*A hoc ab isto querere quod ignorat, quoniam recens ejus ad partes nostras adventus hoc ei notum fieri nondum permisit. Mihi vero, cui a die obitus mei quinquennalis cum hujusmodi spiritibus mora, plura quam isti noviter nota fecit, quod de rege quæris, ignotum esse non potuit. At ego rursus novæ vocis auditu attonitus, ac videre cupiens auctorem, converti oculos ad fenestram, adjutusque lunæ splendore, quæ lumine suo omne tunc domus spatiū clare illustrabat, conspicio hominem in inferiori fenestræ margine residentem. Quem in eodem habitu, quo alium videram, cernens : Et tu, inquam, quis es ? Ego, inquit, hujus quem aspicis socius sum, et Castellam cum isto et multis aliis proficiscor. Et tu, inquam, de rege Alfonso, ut dicebas, aliquid nosti ? Novi, inquit, ubi fuerit, sed ubi modo sit nescio. Nam aliquandiu tormentis acribus inter reos exeraciatus postmodum a Cluniacensibus monachis inde sublatus est. Exinde vero quid de eo factum sit, prorsus ignoro. His dictis ad socium qui igni assidebat verbo convertens ait : Surge, et jam iter incœptum perageré incipiamus. Ecce enim jam omnes vias, quæ intus vel extra castellum sunt, subsequens nos exercitus sociorum implevit, et jam multis velocissime prætergressis, ubi festinanter eos sequi debeamus, urgemur. Ad hanc vocem Sancius surrexit, et flebili voce quod prius regaverat ingeminans : Rogo, inquit, domine, ne mei obliviscaris, et ut dominam meam conjugem tuam, quatenus quod corpori debebat miseræ animæ meæ restituat, oro sollicitus exhorteris.*

*His dictis, statim uterque disparuit. At ego mīx conjugem juxta me in lecto dormientem, citata voce exsuscitans, priusquam ei quod videram vel audieram narrarem, interrogavi utrum aliquid Sancio communi nostro mercenario pro mercede deberet. Qua respondentem quod ego nondum ab aliquo nisi a mortuo audieram, se videlicet eidem Sancio adhuc octo solidos debere, nequaquam ultra dubitare potui, cui fidem omnimodam et mortui relatio, et mulieris confirmatio conserebant. Facto mane, octo illos solidos a conjuge accipiens, et de mīo quod congruum visum est addens, pro ejus qui apparuerat salute, pauperibus distribui, et sacrarum missarum adjutoria, ei a sacerdotibus mea prece et studio impensa, ad pleniorum peccatorum ejus remissionem adauxi, hanc tam claram et commendabilem visionem, velat verbum e verbo exprimens, ad ædificationem fidei et morum tam modernis quam posteris fidelis scripto transmisi, et quanta cautela mortali bus necessaria mortuorum ipsorum testimonio declaravi. Non parum autem, imo maxime veritati hujus visionis attestatur, quod a mortuo dictum est Alfonsum regem a Cluniacensibus monachis sublatum, et a tormentis consimilium reorum ereptum. Nam quod omnibus penè Hispanis et Gallis populis notum est, idem rex Cluniacensis Ecclesiæ magnus amicus et benefactor existit. Ut enim innumera alia pietatis opera eidem monasterio ab eo impensa*

taceam, magnificentissimus et famosus rex censu-  
lem se regnumque suum Christi pauperibus ejusdem  
Christi amore fecerat, et tam a se quam a patre suo  
Fredelanno constitutum censem, ducentas quadra-  
ginta scilicet vini [al. ivri, sed melius, auri] uncias  
(253) singulis annis Cluniacensi Ecclesiæ persolve-  
bat. Præter hæc duo monasteria in Hispaniis ex  
proprio construxit (254), alia a quibusdam aliis  
personis construi permisit, et ubi construerentur  
adjuvit: in quibus Cluniacenses monachos ponens,  
et unde omnipotenti Deo regulariter servire possent,  
regia liberalitate affluenter largiens. Et penè mor-  
tuum monasticæ religionis servorem ex parte in  
Hispaniis reparavit, et sibi hoc studio post regnum  
temporale, regnum etiam sempiternum, ut dignum  
est credere, comparavit. Obtemperavit benignus Re-

A gis æterni præcepto faciens sibi amicos de mammo-  
na iniquitatis, a quibus amicis finita regni villica-  
tione, secundum jam dictæ visionis tenorem, et a  
pœnis crepus, et in æterna tabernacula susceptus  
est (*Luc. xvi*). Quid enim magis illi misericordi  
justitiæ congruere potuit, quæ reddit unicuique  
juxta opera sua, quam ut ab his eripi videretur qui-  
bus subvenerat, ab illis ei misericordia impendere-  
tur quibus misertus fuerat, ab his beatæ vitæ resti-  
tueretur quorum in miseriis præsentibus vitam lar-  
gis subsidiis sustentaverat? Vere nou fallax vox de  
cœlis a Joanne audita: *Opera mortuorum sequuntur illos* (*Apoc. xiv*), quod in isto non rege apparuit,  
quem per opera misericordiæ velut per eos quibus  
impensa est, à tormentis eripuit, et requie beatorum  
spirituum sociavit.

#### ANDRÆ CHESNI NOTÆ.

(253) *A patre suo Fredelanno ducentus quadra-  
ginta scilicet auri uncias.* Huic loco lucem affert  
Hildebertus in Vita sancti Hugonis ubi ait: « Hilde-  
fonsus Hispaniarum rex a Sancio fratre suo  
captus in vinculis tenebatur. Quo auditio abbas ora-  
tioni pro rege præcepit instare, memor dilectionis  
ejus patris Fredeleidi, qui Cluniacense monasterium  
invito sibi astrinxerat beneficio. » Et post pauca:  
« Sic Hildefonsus in regno restitutus, ne interces-  
so:ibus suis ingratus aliquando videatur, duplicitate  
censu paterno, ducentas auri uncias Cluniacensi  
cœnobio quotannis disposuit assignari. »

(254) *Duo monasteria in Hispaniis ex proprio con-  
struxit, in quibus Clun. monachos posuit.* Horum  
monasteriorum unum Sancta Agatha, de qua tale

reperitur in Chartulario Cluniacensi præceptum:  
« Fredelannus Dei gratia Hispanorum rex, dilecto  
consilio civitatis Roderici, salutem et plurimam di-  
lectionem. Noscat dilectio vestra quod ecclesiam  
Sanctæ Agathæ dedi et concedo monasterio de Clu-  
niaco, et isti monacho ejusdem monasterii, nomine  
Ato, ut de monasterio et pro monasterio Clun. eam  
obtineat, et illi monasterio et non alii de illa obe-  
diat et obedientiam faciat. Volo et mando etenim  
annuatim pro censu tribuat octo morabitmos mo-  
nasterio Clun. et totum terminum suum cum aldea  
Sancti Felicis cum toto suo termino prædicta ecclæ-  
sia Sanctæ Agathæ habeat in pace, et sine omni  
adversatione. Val. »

## LIBER SECUNDUS.

#### PROLOGUS.

Quoniam ad roborandam fidem et mores instruen-  
dos miracula nostro tempore gesta, quorum indubia  
cognitio datur, scribere proposui, post ea quæ præ-  
nuissa sunt, alia quoque legentibus, vel audientibus non  
minus, ut credo, utilia, adjungenda sunt. In quibus,  
ut supra jam dixi, nullum temporis ordinem servo,  
nullius generis miracula vito, sed sicut eu, vel olim  
didici, vel quotidie a diversis et fide dignis discere  
possum, scripturæ commendo. Doleo enim, et supra  
quam multis forte credibile sit, torpori multorum iras-  
cor; qui cum scientia, litteris, atque eloquio abun-  
dant, miranda omnipotentis Dei opera, quæ sæpe in  
diversis terrarum partibus ad instructionem Ecclesiæ  
fiunt, memoriae posteriorum mandare scribendo pig-  
itantur. Et cum antiquus mos fuerit, non solum apud  
primos Christianæ fidei Patres, sed etiam apud genti-  
tes, ut quæque digna memoria litteris tradarent, isti  
nec Christianorum, nec paganorum studia imitantes,  
universa suis temporibus accidentia, quæ succedenti-  
bus non parum possent esse utilia, languentes animo  
perire permittunt. Cumque dicat Deo divinus psalmus:

B « Confiteantur tibi, Domine, omnia opera tua (*Psai. cxliv*); » hoc est laudare de omnibus operibus tuis,  
quomodo de illis operibus Deus laudabitur quæ ne-  
sciuntur? Quomodo ab his, qui ea non viderunt, sci-  
entur, nisi dicantur? Quomodo in memoria recentium  
et succendentium temporum permanere poterunt, nisi  
scribantur? et cum omnia sive bona, sive mala, quæ  
vel volente vel permittente Deo in mundo fiunt, ipsius  
glorificationi, et Ecclesiæ ædificationi inservire de-  
beant, si ea homines latuerunt, quomodo de his aut  
Deus glorificabitur, aut Ecclesia ædificabitur? Ad  
tantum autem jam infructuosa hujus silentii segnities  
pervenit, ut quæcumque in Ecclesia Dei, sive in regnis  
Christianis, a quadringentis, vel quingentis ferme  
annis facta sunt, universa pene nobis et omnibus  
ignota sunt. Tanta enim appetit distantia nostrorum  
temporum et priorum, ut quæ ante quingentos, et mille  
annos gesta sunt nobis notissima, quæ vero exinde ip-  
sis quoque diebus nostris acta sunt, prorsus ignota  
sint. Inde est quod historiis antiquis, ecclesiasticis  
gestis, libris multiplicis doctrinæ Patrum instruc-  
tiones et exempla continentibus, abundamus; eorum au-

*tem quæ temporibus nobis contiguis contigerunt, ne-  
scio si vel unum habemus. Scrutabuntur priores illi  
rerum utilium diligentissimi, etiam apud remotas  
gentes et ignotas linguas, si quid inde dignum et hu-  
manis commodis inserviens, possint eruere. Unde  
Ægyptii Græcorum, Græci Latinorum, Latini Græ-  
corum et Hebræorum sive aliarum gentium linguas et  
scientiam studiose indagantes, invicem sibi, quæ ne-  
cessaria cognoscebant, variis scriptis diversisque  
translationibus communicabant. At e converso, Latini  
nostrí non solum nulla peregrina rimantur, sed nec  
sibi proxima cognoscere vel aliis ea scripto vel verbo  
commendare dignantur. Sed redeat sermo ad propo-  
sita, et secundum vires a Deo datas; si quid dignum  
vel utile invenire potuerit, ad Dei laudem vel profe-  
cium legentium modernis vel posteris manifestet.*

#### CAPUT PRIMUM.

*De oppressore ecclesiarum, qui visibiliter raptus a  
diabolo et per aera subvectus est, stupentibus qui  
aderant universis.*

Primum igitur ad terrorem et correctionem malorum principum, quod Matisconi gestum est profératur. Insolita quippe res, et præter quam tunc omnibus, ut puto, sæculis inaudita, ibidem contigisse, omnium pene indigenarum celebri, et publica relatione narratur. Est autem eadem Matiscus in finibus regni Francorum, quod a Teutonicorum vel Romanorum imperio Arar fluvius a Lotharingia sumens initium, Rhodanusque in mare Mediterraneum habens profluxum disterminat. Quæ Matiscus a quibusdam oppidum vocata, a quibusdam urbis nomine honorata, in primatu Lugdunensi, quintæ sedis obtinet locum. Hæc, quantum ad jus ecclesiasticum, Lugdunensi primati, quantum ad jus sæculare, Francorum regi subditur. Hujus urbis principatum quodam tempore sub nomine comitis (255) quidam obtinens super personas et res ecclesiasticas exscrudam tyrannidem exercebat. Longe enim exsuperans aliorum prædonum inequitiam, non solum ex parte ecclesiarum substantias diripiebat, sed redditus earum omnes cum suis possessionibus sibi tyrannica violentia subjugabat. Nam canonicos de ecclesiis, ipsos etiam monachos de monasteriis suis ejiciens, terras omnes, redditus omnes et quæcumque eis ad hujus vitæ subsidium a majoribus data fuerant, inimiceriditer abstulit, jurique proprio mancipavit. Ostenduntur adhuc ab incolis antiquarum ecclesiarum ruinae, ex quibus ipse sacræ religionis cultores ejiciens, venerabilia loca, omnipotenti Deo religiose servientium multitudine referta,

A in eremi solitudinem redegit. Ita se totum Deo subtrahens, mundo dedicans, gehennæ et tremendorum Dei judiciorum oblitus, ut evangelicus ille iudex, nec Deum timebat, nec hominem verebatur (*Luc. xviii*). Cumque diu concessa potestate abusus, quotidie seipso deterior fieret, nullaque jam spes correctionis ejus existeret, iram adversum se omnipotentis Dei jam non revocandam commovit, atque in se dirissime expertus est Scripturæ sacræ sententiam dicentis: *Horrendum est incidere in manus Dei viventis* (*Hebr. x*). Et quia inequia ejus non occulta, sed publica, non cum timore, sed cum audacia Deum provocaverat, non latenter, sed publice; non tantum inyisibiliter, sed etiam visibiliter, terribile factus est tyrannis principibus in exemplum. Nam cum solemní die Matisconi in proprio palatio resedisset, eumque multitudo tam militum quam diversi ordinis circumstaret, repeente ignotus homo equo insidens per ostium palatii ingressus, omnibus conspicientibus et admirantibus, usque ad ipsum equitando pervenit. Cumque ei astaret, se ei velle colloqui dicens, ut surgeret ac se sequeretur, non tam monuit quam imperavit. At ille invisibili potentia constrictus, nec jam resistere valens, surrexit atque usque ad ostium domus processit. Ubi equum param inveniens, eumque ab eo descendere jussus, ascendit. Cujus statim habenas ille arripiens; statim cum velocissimo cursu per aera ferri, cunctis conscientibus, cœpit. Cumque immenso ejus clamore ac miserabili ejulatu tota civitas commota ad tam invisum spectaculum concurrisset, tandem cum per aera currentem attoniti conspicerunt, quandiu naturali oculorum acie eum subsequi potuerunt. Qui cum eum diu: *Succurrite, cives, succurrite, vociferantem* audirent, nec juvare valerent, subtractus tandem visibus hominum, æternus (quod meruerat) factus est socius dæmonum. Ab hoc tam horrendo spectaculo universi ad propria recedentes, sicut supra dixi, horrendum esse incidere in manus Dei viventis, exemplo inaudito et miserabili didicerunt. Hoc ita fuisse post communem, ut dixi, omnium famam, quiddam non quidem tam mirabile, sed tamen mirum nostris diebus accidens attestatur. Nam ille, de quo supra scripsi, traditus diabolo comes, D dum cum socio maligno de palatio, uti dictum est, egredieretur, post ostium muri palatio illi proximi transitum habuit. Quod ostium cives, ob tantæ rei horrorem et memoriam posteris commendandam, lapidibus obturaverunt. Quod nuper Otgerius Wilhelmi comitis præpositus, renovare cupiens, et pro-

#### ANDREÆ CHESNII NOTÆ.

(255) *Hujus urbis principatum quidam obtinens sub nomine comitis. Guillelmus scilicet, Matisconensis comes, Alamandus a quibusdam cognominatus, de quo narrat hic Petrus Venerabilis illum tragediam, quod a dæmone fuerit in æthera sublatus, nec unquam postea comparuerit, eo quod ecclesiastorum, et maxime Cluniacensium, bonis infestus esset. Et hoc quidem, licet fabulam ab ipsis Cluniacensibus monachis actam confictamque Ludovici*

Grossi tempore Bugnonius et Paradinus arbitrati sunt, attamen et aliquid non absimile jam anteā contigisse Guillelmo vel alteri vel eidem, Matisconensi comiti, narrat Ademarus in Chronic. Aquitanorum his verbis: « Willelmus cognomento Buccaneta comes Masticonensis, quoniam monachos Cluniacensis cœnobii vexabat, censura ab abbate percussus, gressum movere cum ambulare vellit non potuit. »

pter quædam quæ publico, vel privato usui necessaria videbantur, pervium facere volens, conductis quodam die operariis, obicem lapidum ab ostio removebat. Erat autem et ipse, pro posse suo, acer ecclesiarum persecutor, et, ubi parva occasio occurrebat, res earum nisibus diversis vexabat. Dum igitur hic operi jam dicto instaret, ecce invisibiliter a diabolo raptus, ac videntibus qui aderant multo in aera spatio sublevatus, sed confestim dimissus, corruit, ejusque corpore graviter colliso, brachium quoque illius subita illa ruina confregit. Quod videntes socii, rursus foramen ostii, quod aperire cœperant, lapidibus obturaverunt, et ad perennem utriusque prodigii memoriam clausura perpetua damnaverunt.

## CAPUT II.

*De illo qui terra obrutus, per sacrificia et orationes Ecclesiæ ab angelo pascebatur.*

Illud quoque quod salvatrici hostiæ, hoc est sacrosancti corporis et sanguinis Christi sacramento, non parvum nostris diebus testimonium dat, præcedentibus adjungendum est. Est in Gratianopolitano episcopatu locus in venis subterraneis plurimum ferri habens, quod multo incolarum et rusticorum sudore assidue eruitur, ac fornacibus coctum et expurgatum, per circumiacentes terras fabris ferrariis, vel quibuslibet pro lucro venditur. Inde et villa, quam iidem homines incolunt, Ferraria nuncupatur. Solut autem hujusmodi homines, dum terræ abdita sodiendo perscrutantur, spe majoris lucri longius procedere, et per subterraneos specus pertinaciter majorem ferri materiam perscrutari. Huic operi dum quodam tempore quidam rusticus indefessus instaret, et intima terræ viscera sodiendo acriter rimaretur, repente maxima moles terræ delapsa, aditum per quem ingressus fuerat, obturavit. Quia tamen sodiendo longius processerat, et multum post se spatii exhausta terra inane reliquerat, mortem evasit, et velut in domo clausa ac validis munitionibus undique circumsepta, egredi quidem non potuit, incolmis tamen permanxit. Sed tenebris tam tenebrosi carceris circumseptus spe omni evadendi sublata, ac velut in ampio sepulcro sepultus, mortem ipsam adhuc vivens jam se cernere aestimabat. Quem jam per aliquot dies non apparentem, uxor sua mortuum credens, ad animam ejus spiritualibus beneficiis adjuvandam conversa est. Unde per annum integrum omni hebdomada unam ei missam celebrari a sacerdotibus faciens, et pro eo panem et candelam offerens, salutari sacramento, ut mos est Ecclesiæ, animæ, ut putabat, defuncti mariti subvenire satagebat. Una tamen in anno hebdomada exstitit, qua mulier aliis intenta negotiis, missam ut proposuerat, marito providere neglexit. Et ecce totius anni pene emenso tempore, rursum fossores metalli officio assueto irrequieti instantes, ad locum, in quo jam dictus rusticus adhuc vivens latebat, paulatim sodiendo pervenient. Quorum dum voces et mallorum sonitus jam ap-

A propinquantium rusticus inclusus audisset, quantis potuit nisibus vociferari cœpit. Cujus illi vocem audiētes, et, utpote artis illius periti, hominis subterranei esse cognoscentes, sese invicem cohortati sunt, et ad eum tandem post multum fissionis laborem pervenerant. Quem accensis luminaribus curiose circumspicientes, illum esse quem anno jam præterito ibidem obrutum esse sciebant, agnoverunt. Admirati, et pene (ut dignum erat) tantæ rei novitate stupefacti, quomodo illic tantum vivere potuisset instantissime inquirebant. At ille respondit: *Isto quem non removistis terræ obice foramni per quod intraveram objecto, cum hoc carcere quem videtis retentus fuisse, atque aliquantis diebus sine cibo et lumine permansisse, subito mihi jam pene deficiēti cum pane simul et lumine quiaam astitit, qui me confortans, et ad cibum capiendum admonens, tetras tenebras illas candela quam ferebat clarissime illustravit. Eo pane per spatium septem aut octo, ut mihi videbatur, dierum refectus, totidem diebus ea candela illustratus, et famis periculum evadebam, et hujus fossæ tenebras evitabam. Post septem vero vel octo dies, rursus ille qui prius cum recenti pane et renovato lumine adveniebat, eaque mihi dimittens, confestim recedebat. Hoc per unius, ut mihi videbatur, anni excusum, a quo pene temporis intervallo nurquam facere destitit, excepto unius hebdomadæ spatio, quo mihi præsentiam suam munusque solitum, nescio qua de causa, subtraxit. Quo tempore same, et tenebris valde excruciatus sum, quo usque rursum benignus ille vitæ meæ conservator rediit, et simili subventione vitam meam jam morti proximam reparavit.* Hoc illi ab eo audiētes, et quid pro illo uxor ejus per totum illum annum fecerat ad mentem revocantes, cuncta ei protinus exposuerunt. Deinde hominem de cavernis illis subterraneis eduentes, uxori propriæ, vicinis omnibus et populo ad tantum spectaculum undique concurrenti (mirum dictu!) post annuam sepulturam incolumem reddiderunt. Qui simul congregati, et quod ille de se narrabat subtilius examinantes, eisdem diebus panem, quo reficiebatur, candelam qua illustrabatur, ei in illo specu oblata fuisse invenerunt, quibus mulier pro ejus requie et missam celebrari faciebat, et sacerdoti missam celebranti, panem simul et candelam offerebat. Glorificantes ergo Dominum, et non minus quam pro mortuo suscitato, ut vere dignum erat, gratias agentes, quantum recta fides Deo placet; quantum fidelium oblationes, vel sibi, vel aliis prosint, quantum super omnia salutem salutaris hostia Deo oblata dignis operetur, luce clarius agnoverunt.

## CAPUT III.

*Excusatio quare scriptor horum in narratione rerum gestarum non potuerit tempus et ordinem observare.*

Quod sœpe supra fassus sum me in relatione horum miraculorum nullum temporis ordinem servare, nullius generis miracula vitare, fixum ac stabile apud lectorum memoriam esse desidero. Tunc enim nulla temporum, quæ forte videlicet posset con-

fusione, vel permistione turbari poterunt, quando A giosus ac prudens juvenis prosequens aliquandiu me non temporum seriem, sed rerum quolibet tempore gestarum veritatem observare cognoverint. Servassem tamen tempora ipsa cum rebus gestis, si eo ordine, utrumque simul a relatoribus accepissem. Sed quia quandoque quæ prius facta fuerant, ultima didici, quæ posterius acta, in primis accepi, necessitas mihi facta est, non eo tempore quo res gestæ sunt, sed eo tempore eas scribere quo relatæ sunt. Inde est quod superius quorundam bonorum monachorum bonos actus describens, cujusdam boni et magnificæ vitæ monachi gesta præterii. Nam post aggressum illud opus, aliquantis jam transactis annis, ea ex parte a quibusdam dignis fide audivi, et quæ de illo per meipsum ipse agnoveram, illum ejus finem exspectans, quia adhuc in carne vivebat, in quo omnis laus secure canitur, scribere distuli. Jam vero illo feliciter humanis rebus exempto, et Deo, cui semper devotus adhæserat, (ut dignum est credere) conjuncto, tempus est aliqua de eo scribendi, et posteris sanctam benedicti hominis memoriam commendandi.

## CAPUT IV.

*De ortu et adolescentia bona domini Matthæi episcopi Albanensis (256).*

Fuit autem hic non obscuri secundum carnem generis, ortus ex Remensi provincia, utroque parente et nobilitate, ut dictum est, insignito, et mundanis opibus locuplete. Hic in pueritia litteris traditus est, et postquam adolevit, in Laudunensi Ecclesia clericale officium adeptus fuit. Hic statim a primis annis contra multorum clericorum depravatum morem, cum ætate coepit, et honestate invalescere, et levitatem vel lasciviam consodalium fugiens et exsecrans, quod perrarum est in hujusmodi hominum genere, famosis honestate ac religione clericis adhærebat.

## CAPUT V.

*Qualiter venerabili Radulpho Remorum postea archiepiscopo adhæserit.*

Inter quos, quemdam probatoris vitæ clericum, Remensis Ecclesiæ tunc thesaurarium eligens, qui Radulphus nomine, Viridis cognomine dicebatur, ei se specialius religiosa familiaritate devovit. Dehinc rapto eodem Radulpho, et in Remensem archiepiscopum assumpto (257), non deseruit quem elegerat, sed probatum vita ac prudentia hominem, reli-

A giosus ac prudens juvenis prosequens aliquandiu sub ipso Remensis jam Ecclesiæ canonicus perseveravit. Gaudebat ejus societate religiosus episcopus, nec inferiorem ei amoris vicem rependebat. Cernebat in eo quod in se cognoscebat, et velut imaginem virtutum suarum in ipso amplectebatur. Ut enim quidam sapiens ait: *Similitudo morum concordiam efficit animorum.* Et vere, nunquam enim dissimilia sibi convenire potuerunt, nec in una sede diversa morari. Nam dissimilitudine discohærentia, si quis sine aliquo simili adjungere tentat, frustra laborem insumit. Statim enim ab invicem resiliunt, nec nisi per aliquod simile ac medium, ut dictum est, conjungi possunt. Hoc enim in elementis, hoc in corporibus, hoc in moribus, hoc prorsus in rebus omnibus constat, et luce clarus est. Sic bono episcopo bonus canonicus, bonorum morum vitæque honestæ congruentia conjunctus, paulatim per quotidiana incrementa, ad majorem religionis ac sanctæ conversationis amorem promovebatur.

## CAPUT VI.

*Quomoao ad monasticam vitam aspirans, ecclesiasticos honores dimiserit.*

Inde actum est ut divinus ignis, pectoris ejus de scintilla exortus, in flamas prorumpere gestiret, et non jam sub illo canonicali, imo pene sacerdotali ac fallaci tegmine, sed sub vero ac sincero monachorum ordine Deo servire proponeret. Videbat institutis illis clericorum nihil prope religionis inesse, multa ibi simulari, pauca in veritate geri, ambitione, cupiditate, æmulatione cuncta interturbari, et sub tonsura vel habitu clericali, rectius mercenarios quam canonicos posse vocari. Hæc et his similia mortis genera in eis abhorrens, et velut de medio Babylonis, juxta vocem prophetæ (*Isa. XLVIII*), fugere querens adit episcopum, et familiare sibi colloquium ab eo indulgeri rogat. Quo impetrato denudat quidem ex parte animi secreta, sed ex majore sub silentio tecta reservat. Timebat enim ne si cuncta episcopo se diligenti proderet, dilectione qua ei tenebatur obstrictus, ejus conatus idem episcopus contrairet. Et noverat quidem episcopum omnino virtutum suarum desiderare profectum, sed velut membra alicujus a corpore divulsionem, ejus a se timere discessum. Hac ergo de causa quidquid de sæculi abrenuntiatione proposuerat reticens, reliqua pandit, et se canonicales reddi-

## ANDREÆ CHESNII NOTÆ.

(256) Ms. add. monachi Cluniacensis.

(257) *Radulpho in Remensem archiep. assumpto.* Robertus de Monte in Chronic. ad annum 1114: « In Remensi, inquit, metropoli post Manassem illustrem virum, exturbato Gerursio Radulphus successit, qui Viridis cognomen habuit. » Et Yvo epist. 190, ad Paschalem II, papam: « Notum esse volumus excellentiæ vestræ, quia ego et dominus Theobaldus Beati Martini monasterii Paris, prior, audientes miserabilem et misericordiam Remensis Ecclesiæ desolationem ausu familiaritatis opportune et importune regem Francorum interpellavimus, quatenus prædictæ Ecclesiæ expulso invasore Gevasio pacem resti-

tueret, et dominum Radulphum ejusdem Ecclesiæ metropolitanum in gratiam suam receptum eidem Ecclesiæ præesse concederet. » Sugerius in Vita Ludovici Grossi, et Aymoini continuator lib. v, c. 50, Rodulphum appellant, adduntque gravissimas cum Ludovico rege inimicitias incurrisse, quod absque ejus assensu electus et intronisatus fuerat in sede Remensi. Lisiardus quoque cap. 36 Vitæ sancti Arnulfi meminit ejusdem sub nomine Radulphi Viridis: quo nomine scribitur adhuc et a Nicolao monacho in Vita Godefridi Suessionensis episcopi lib. iii, cap. 24.

tus minus canonice accepisse confirmat. Timere se ne a patre divite, et sacerulari homine, pretio vel prece indicenti, redditus ecclesiastici, qui gratis dari et accipi debent, sibi provisi fuerint, atque cum subsidio corporali æternus interitus comparatus. Et nescisse quidem se tales contractus, neque accessitum fuisse ad hujus modi commercia. Formidare se tamen sola fama ad se perlata, ne solo nomine Christianus dicatur, et rerum veritate Simonis discipulus approbetur. Debere Patrem saluti filii providere, et ne casu aliquo ovis de numero gregis sibi crediti pereat, satagere *Et ut, inquit, finem dicendi faciam, et quod hucusque in corde meo latuit, retegam, præbendas omnes, redditus ecclesiasticos omnes quocunque modo mihi datos in manum vestram refundo, et omnibus prorsus ecclesiasticis, non spirituallibus, sed corporalibus, mihi hucusque collatis beneficiis, abrenuntio.* Hæc episcopus a juvne audiens, et innumeros senes ac decrepitos multa animi devotione eum exsuperasse gaudens, in lacrymas est resolutus, eumque ne id ficeret, et ne pro culpa incerta ecclesiasticis beneficiis renuntiaret, hortatus est. Non acquievit ille, sed in incepto proposito constanter perseverans, quod cœperat, perfecit. Renuntians ergo tali occasione ecclesiasticis negotiis, imo cunctis sacerularibus causis, ab episcopo ei valedicente, eumque ad alia sua negotia mittente, recessit. Nec diu moratus est, sed quod de sua æterna salute conceperat, adimplere celeriter properavit.

#### CAPUT VII.

*Quod propter celebrem religionis famam Cluniacum eligens, apud Sanctum Martinum de Campis monachi habitum suscepit.*

Cogitans vero quo diverteret, vel ubi conceptum religiose vivendi propositum adimpleret, Cluniacum elegit. Audierat namque, ab illo suo Remensi archiepiscopo, et ante episcopatus officium et post, Cluniacense monasterium prædicari. Audierat eum Cluniacensis ordinis modum et morem multis laudibus extollentem; adverterat eum Cluniacenses institutiones multis ac diversis religiosorum institutionibus præferentem. Conjecerat non leviter in his posse falli hominem doctum in divinis, expertum in humanis, qui pene nihil divinorum longo usu subtili meditatione ignorare poterat, qui pene nihil mundanæ scientiæ, ne dicam sapientiæ intentatum reli-

#### ANDREÆ CHESNII NOTÆ.

(238) *Ad Cluniensem filiam,... S. Martinum de Campis.* Monasterium hoc ab Henrico primo Francorum rege conditum, Philippus et ipse primus ejus filius Hugoni Cluniensem abbati concessit ad reformandum. Quod et fecit, et pro canonicis monachos institutionis ac ordinis Clun. in eo posuit, uti post regales etiam chartas in hac Bibliotheca jam transcriptas adnotat Aymoini continuator, lib. v. Histor. cap. 48, his verbis : « Illo in tempore rex Philippus, admonitus divina inspiratione ab ecclesia Beati Martini de Campis clericos Deo et altari minus honeste ibi servientes removit, et eundem locum jurisdictioni monasterii Sancti Petri Cluniensis tribuens, ibidem monachos in-

A querat. Hujus ergo credulus verbis, religioni, quam eum maxime approbare audierat, se consociare decrevit. Sed quid ficeret, inquam, fervens et devota anima, quæ adeo divino igne incanduerat, ut conceptam rem diu differre, mortem putaret? urgebat eum ut celerriter vota compleret spiritus, sed longe aherat Cluniacus, longe aberat, longum iter intererat. Timebat ne tanto temporis spatio tentatori indulto, a nequam hoste vinceretur, et conceptus spiritus casu aliquo extingueretur. Unde quia vel ideo timebat, vel quia secundum quemdam cupienti animo nihil satis festinatur, Cluniacum quidem matrem, quia remotior erat, tunc non adiit, ad Cluniensem tamen filiam, quæ propior erat, hoc est, Sanctum Martinum de Campis (238), gressum convertit. Et congrue, est enim idem S. Martini monasterium, suo Cluniensi monasterio in ordinis, religionis ac servoris proposito, pro modo suo ita consimile et in totum conforme, ut velut simulacrum ceræ impressum, multis aliis ad Cluniacum pertinentibus monasteriis, originalis sigilli imaginem familiarius repræsentet, et exceptis locorum distantiis, quæ simul esse non possunt, non diversa, sed prorsus unum sint. Ad hoc ergo Cluniensem monasterium Matthæus, non quidem de telonio, sed de gradu, imo casu canonico a Christo vocatus venit, et se a domino Theobaldo priore (239) in monachum suscipi rogavit. Gavisus est prior, et, ut solet in desperatis rebus fieri, præ gaudio serio eum C hoc dicere non credebat. Persuasit tandem ei ut crederet se ad hoc venisse, et ut cito susciperetur cœpit instare. Hora erat secundum ordinem Cluniensem incompetens, nec in illa aliquem pro monacho venientem suscipi fas erat. Monuit prior Theobaldus Matthæum ut sustineret, et horam congruam, qua id pro more in crastino fieri posset, præstolaretur. Respondit ille se pati non posse dilationem, habere se socios, quibus si res quoquomodo innotesceret, jam deinceps quod volebat effectui mancipare non posset. Victus prior ratione, victus juvenis devotione, victus maxime tanti lucri, si ei non cederet, amissione, libens cessit quod rogabatur. Ingressus capitulum convocat omnes, reserat causam. Lætantur universi, rogant id cito fieri: F D stinanter adducitur, conspectibus omnium præsuntur. Voto et petitione propria, exiit veteri homine, induit novo, regulæ monasticæ subditur,

stituit, sancto Hugone præfatum monasterium, Cluniensem videlicet, regente. Unde et Joannes Parisiensis ad annum 1507: « Circa hoc tempus, inquit, fundatus est Parisius prioratus Sancti Martini de Campis ab Hugone Cluniensi abate, quem rex Philippus, et post eum Ludovicus Grossus filius ejus, et alii principes Franciæ multis et magnis possessionibus ditaverunt. » Et Historicus alter anonymous, qui Philippo Ludovici Pii filio rege vixit: « Iste Philippus rex ab ecclesia Sancti Martini de Campis clericos removit, et Clunienses monachos ibi ad Deo serviendum instituit. »

(239) *A Domino Theobaldo priore.* Primo nomine, de quo Yvo epist. 190.

corpori monasterii, quantum tunc fieri potuit vel debuit, associatur. Parvo temporis spatio emenso, Cluniacum venit, quod ei de professione scripta, vel de monachi usitat<sup>a</sup> benedictione defuerat, a Cluniaciensi abate eo ibi benedictio suppletur, et jam integer corde, ore, habitu ac vita monachus, sibi jam pene de monacho nihil deesse, in Domino gloriatur.

## CAPUT VIII.

*Qualem se in prioratu erga Dominum [Deum] exhibuit.*

Remissus præcepto abbatis sui ad monasterium S. Martini cum per annos septem claustrum ordinem ferventissime tenuisset, jussione ejusdem abbatis successit in prioratum, priore suo jam defuncto, et sicut de bono viro spes certa suadet credere, ad beatæ vitæ statum translato. Ubi qualem quantumque se Deo, subditis et quibusque proximis ac remotis exhibuerit, vix a me explicatur. Ut quando [tamen] hæc tria quæ proposui, sigillatum exsequar, exhibeat se Deo ac substernebat vera cordis ac corporis contritione, præteriorum actuum vel negligentiarum pœnitudine, mundi contemptu, plenissimo ac pene singulari, inter multa millia monachorum, in Deum devotionis affectu. Morabatur in claustro assidue cum fratribus, et post plurimos mundi discursus, pene velut ea cui adhærebat claustrum columnam, sacræ lectionis intentus studio immobilis perdurabat. Vix poterat eum commissi prioratus cura, saltem ad horam a fratribus collegio segregare, vel ab intentione semel in Deum desixa, quolibet mundus occupationis suæ unco retrahere. Cumque sub ducatu ejus fere trecenti fratres, tam intra quam extra monasterium Domino militarent, eisque corporalia subsidia providere, vel per se, vel per alios ex officii debito cogeretur Marthæ quidem importunas exactiones ex toto effugere non valebat, sed tamen toto animi desiderio Mariæ otio inhiabat (*Luc. x.*). Hinc commune claustrum ut dictum est commune oratorium, communes fratrum domos elegerat in quibus velut Moyses in tabernaculo a Judæorum lapidibus, sic ipse a mundi tumultibus, tutior permaneret (*Exod. xxxiii.*). Et quia cum Propheta hanc unam a Domino petierat, ut non tantum in cœlis, sed etiam in terris habitaret in domo Domini omnibus diebus vitæ suæ (*Psal. xxvi.*), quia maluerat abjectus esse in eadem domo Dei quam habitare in tabernaculis peccatorum (*Psal. lxxxiii.*), libens morabatur in illa. Ibi frequenti lectione, assidua meditatione, ferventissima oratione Deo se commendans et uniens, si qui fuerant, præteritæ vitæ nævos, fortasse non multos, expiabat, et piorum studiorum in cœlis thesauros quotidianis virtutum incrementis in dies recondebat. Non relinquebat partem aliquam theoriæ intactam, sed jejuniis, vigiliis ciliciisque asperis corpus edomans, silentio, psalmodia et his quæ dicta sunt studiis, de veteri in novum hominem totus mutari, et sic a vetustate mundi in novitatem Christi ple-

A num prope modum transitum facere satagebat. Sacrificiis super omnia divinis et sacris cœlestibus totus intentus erat: quæ non frequenter solum, sed quotidie Deo offerens, omnes quidem dignos, sed congregationis propriæ fratres specialiter, sibi vero commissos specialius, illo salutari et ineffabili sacramento, divinæ clementiæ per dies singulos commendabat. Imitabatur sicut in quibusdam aliis, sic et in hac divini sacrificii quotidiana oblatione justum Job. De quo, cum dictum esset: *Consurgens diluculo offerebat holocausta per singulos (Job 1)*, subauditur filios, post modicum additur: *Hoc faciebat Job cunctis diebus (ibid.).* Sic iste cœleste sacrificium, et ea hora qua Job, hoc est manu quando poterat, et quotidie sicut Job, pro se, pro subditis, pro universis ad Christi corpus pertinentibus, et hoc remedio indigentibus offerebat. Quis jam explicet bonam illam animam omnium affectuum terrenorum oblitam, carnem ipsam fere excedentem, ad cœlos multa in specie raptam? quis suspiria? quis gemitus? quis non lacrymas, sed lacrymarum imbres usque ad imum quidem terræ descendentes, sed usque ad summum Deitatis fastigium condescendentes? qui plane animam illam Esther vocare beatam, cujus a prima die monachatus usque ad ultimum vitæ exitum crimina nullā, bona multiplicia et continua, oblatio Agni immaculati, qui tollit peccata mundi, per viginti fere annos quotidiana? Talem quidem se Deo exhibebat. Sed qualem subditis?

## CAPUT IX.

*Qualis erga subditos fuit.*

Talem se plane subditis exhibuit, talem usque ad vitæ terminum conservavit, ut non solū quantum ad Dominum, sed etiam quantum ad se, misericordiam et judicium eidem Deo secure cantaret. Ut enim mihi boni, et veraces fratres testati sunt, qui ei multo tempore convixerunt, et ipse ex plurima parte expertus sum, et misericors in subditos, et justus super omnes pene sui temporis Cluniensis congregationis priores exstitit, et hujus misericordiæ vel justitiæ multa diebus suis et post, exempla reliquit. Misericors in eos erat, necessaria eis pro viribus præparando, et unicuique secundum apostolicam et Patris Benedicti Regulam, prout opus erat, multa labore quæsita largiendo. Pauper erat domus sibi commissa rebus, licet vere multis dives esset virtutibus. Quæ necessitas, quia saepè graviter instabat, et cor ejus angore et corpus multo semper labore fatigabat: hac de causa aliquando proximos, aliquando remotos reges et principes adibat, et eorum donis et muneribus, servorum Dei frequenter indigentiam recreabat. Mos ei erat quandiu doni morabatur, ex præcepto quidem regulæ, sed maxime ex dono Dei derivatus, infirmorum, pauperum, hospitum, inquantum prioratus officium patiebatur, per scipsum potiorem curam gerere. Cumque eum recedere instans aliquod negotium urgeret, fratres vel in capitulo vel extra convocans,

præmissa inde multa exhortatione, hanc eis curam, A hoc velut proprium officium curiosissime commendabat. Nec solum circa hæc tria hominum genera misericors ejus animus occupatur. Incolumes ipsi, et hi maxime qui labori conventus devote instabant, misericordis pastoris curam frequenter experiebantur. Nihil eis fere deerat ad victimum, nihil fatigatis ad requiem, nihil pusillanimitate succumbentibus ad consolationem. Omnibus et absque exceptione, et cum congruenti discretione pater erat. Jam vero discreto rigori justitiae ejus, et multi alii, et nos cum illis qui hæc vidimus, verax testimonium serimus. In tantum enim negligentibus de maxime damnabiliter peccantibus indignabatur, ut corde, verbis et vultu interiore zeli Dei flamma urgente inflammatus, in eorum prorsus interitum, si nesciretur, insurgere crederetur. Si attenderes, nihil Phineas insolito vulnere libidinosos percellens, nihil Elias igne cœlesti idololatras consumens irrevrerenter peccantibus plus eo irasci viderentur. Unde et delinquentes, Cluniacensi more, prout justum videbatur, sanguinolentis verberibus castigabat, ferro, compedibus, et diversi generis vinculis coercet, tenebroso plerosque carceri mancipabat; fame valida et siti carnis ac spiritus superbiam conterebat: aliquando quoque, quod semel tantum, quia sic oportuit, fecisse dicitur, sepultura perpetua cohíebat. Hoc tunc fuit, quando cuidam spiritualiter mortuo, caveam subterraneam velut sepulcrum paravit. In quo eum concludens, arte illa sua, qua fratrem viventem spe vitæ immortalis quasi mortuum sepelierat, ad hoc pervenit, ut qui super terram vivere non poterat, jam sepultus vivere disseret. Hoc factum est, quando frater ille velut sepultus ad vitam rediit, ipsa sepulcri sui corporalis imagine pavescens, ad vitam spiritualem et æternam, a qua peccando alienus factus fuerat, pœnitendo rediit. Nam licet obstinatus valde ante fuisse, frequenti tamen patris et fratrum admonitione, ac sui simul sepulcri cohortatione, ut dictum est, malis omnibus, et maxime illis pro quibus inclusionem meruerat, ex corde renuntiavit, et in humilitate ac contritione spiritus perseverans, diem ultimum clausit. Tale fratri spiritualiter mortui et resuscitati sepulcrum, a sepulcro Lazari corporaliter fortassis, imo prorsus non dissentit, quia Lazarus hunc de quo sermo est designans, vocatus de sepulcro suo, vitam rursus morituram; iste de suo ab eo Domino per Matthæum suscitatus, vitam meruit sempiternam. Hoc justitiae zelo fervens, et totus, ut sic dicam, ignitus famam hujus sui fervoris ubique sparserat, et negligentes vel fluxos non solum subditos, sed etiam quoslibet alios proximos vel remotos solo Matthæi nomine deterrebat. Exertum semper, ut olim cherubim (*Gen. iii*), in necem scelerum flammeum gladium præferebat, nec eum a scelerorum sanguine aliquando prohibebat. In hac virtute ita præcelluit, ut et domum sibi commissam ad longe majorem solitæ

A religionis statum perduceret, et multa circumposita monasteria, vel abbatias, quæ a totius monastici ordinis servore languerant, adjutus quorumdam bonorum virorum auxilio in optimum religiose conversationis propositum reformaret. Talem se, ut dictum est, Matthæus habuit ad subjectos. Sed qualem se exhibuit ad alios proximos vel remotos?

## CAPUT X.

*Qualis erga omnes proximos vel remotos existiterit.*

B Exhibebat omnibus communem tam corde quam verbis dilectionis affectum, et, in quantum salva propositi gravitate poterat, jucundum se et hilarem quibusque alloquentibus offerebat. Ad omnes quidem, juxta Patris Augustini verba, congruum charitas habebat affectum, ad eos vero quos poterat ejusdem effectum. Fecerat ea charitatis virtute monasterium suum, præ cunctis totius Franciæ monasteriis, commune universorum hospitiū, et velut generale, absque alicujus personæ exceptione, cunctorum asylum. Episcoporum, abbatum, nobilium etiam laicorum quotidianus concursus, monachorum et clericorum agmina, pauperum quæ nunquam deesse poterat turba, domos universas, hospitia cuncta assidue pene replebat. Suscipiebantur alacriter, nec in suspicente boni vultus hilaritatem, tanta advenientium importunitas turbare poterat; cuius cor virtus illa, quæ nescit querere quæ sua sunt, sed quæ aliorum, plenarie possidebat. Expendebat in his pietatis sumptibus, non solum omnia sua, sed et quæ mutuo accipere poterat, multo saep cum fœnore aliena. Nam ut omnibus ad monasterium confluentibus obsequi, ut omnes procurare, ut omnibus satisfacere posset, extendebat se supra se: nec vires proprias vel quantitatem facultatis attendens, pene ad impossibilia semetipsum cogebat. Cunque plerique abbatum vel episcoporum, quorum ego nonnullos agnosco, marsupiis plenis, imo, ut sic dicam, exundantibus gazophylaciis, vix vel buccellam pauperi præbeant, vel raro hospiti ostium aperiant, hic e converso juxta Apostolum, velut nihil habens et omnia possidens (*II Cor. vi*), negare cuilibet, etiam quæ deerant, nesciebat. Inde attenuata domo, exhaustis omnibus, ipsis etiam, ut hospitibus satisficeret, saep monachis esurientibus, multo animi angore sollicitabatur. Sed rursus recolens illud propheticum: *Inquirentes Dominum non deficient omni bono* (*Psal. xxxiii*), etiam de subsidiis corporalibus dictum et illud Domini: *Nolite solliciti esse, dicentes: Quid manducabimus aut quid bibemus* (*Matth. vi*)? et aliud: *Hæc omnia adiicientur vobis* (*ibid.*), reformabat animum ad spem, et totum in Domino jactans cogitatum, velut plenis horreis, vel cellariis exultabat. Nec frustrabatur diu spe sua, nec ille qui volatilibus cœli, quæ nec serunt, nec metunt (*ibid.*), providet servorum, suorum obliviscebat. Pròvidebat eis saep invisibilis provisor, per reges ac principes ministros suos, atque rerum suarum, non dominos, sed horaries dis-

pensatores; providebat, inquam, eis s<sup>æ</sup>pe necessaria, et multa frequenter mittebat. Aderat plerumque pauperie valida angustatis, ac multo ære alieno oppressis, ex improviso emergens pleno copia cornu et mœrem in gaudium, egestatem in abundantiam subito transferebat. Sic, sic magnificus retributor facere consuevit, ut quæ talibus officiis expenduntur, velut sibi credita plusquam fidelis in commisso, eadem non tantum duplicita, sed etiam centuplicata quandoque restituat. Hinc erat quod inter cæteros principes, qui eum harum et similium virtutum fama exciti diligebant, quique illi de suis multa largiebantur, Ludovicus rex Francorum, rēxque Anglorum Henricus, singulari ipsum amore amplectebantur. Adeuntem se gaudenter suscipiebant, multo susceptum honore colebant, ac discedentem nunquam fere vacuum remittebant. Hoc maxime jam nominatus magnus ille rex Henricus faciebat; qui sicut universo pene orbi terrarum notum est, cunctos sui temporis Christianos principes prudentia transcendit, operibus evicit, largitate superavit. Hujus Matthæus gratiam, gratia virtutum suarum familiariter meruerat. Nam eum s<sup>æ</sup>pe adiens, ab eo obsequiis honoratus, ac donis regiis oneratus, lætus ad fratres regrediebatur, eorumque de inopia patientiam, hujusmodi remediis consolabatur. Ita bonus vir prius Deo, deinde propter Deum omnibus complacens, omnibus gratus, et sibi omnes talibus vitæ vel virtutum studiis devinxerat, et, secundum Apostolum, pro modo suo omnibus omnia factus (*I Cor. ix*), omnibus complacebat. Sicut igitur in supra scripta divisione præmisi, Deo primum, deinde subditis, post etiam quibusque aliis proximis vel remotis talem se Matthæus exhibuit, tale sui exemplum et sui temporis, et post futuris monachis omnibus dereliquit.

#### CAPUT XI.

*Qualiter a domino Petro abbe Cluniacum evocatus, ordinem rigidissime retinuit.*

Eo tempore contigit nescio qua Dei voluntate vel permissione ad Cluniacensis congregationis regimen, quod non dupliciter, sed simpliciter profero, me indignissimum assumi, et tantarum numero, tantarum merito ovium Christi curam, inutilem et improvidum prorsus opilionem assumere. Et quia famam hujus de quo sermo est, ante hoc officium hauseram, et ea de causa eum jam ex parte notum et familiarem habebam, ad ordinis adjutorium, et ad impositæ curæ supportandam sarcinam, ipso statim primo vocationis meæ anno Cluniacum evocavi. Astrinxì eum mihi fortiore nec unquam dissolvendo amoris vinculo, eique statim ordinis et claustrum, cuius, ut jam dictum est, ferventissimus erat amator, curam imposui. Succreverant paulo ante in magnò illo et nobili monastici ordinis agro, resecanda vel potius evellenda, utilibus satis contraria, et quorundam quos nominare nolo, culpa vel desidia, nam ex majori parte jam vita excesserunt, plurima extirpanda exorta fuerant. Ad hujus rei

A adjutorium magnum hunc et vineæ Christi non segnem operarium, ut jam dixi, accersens, insignem vere eum adjutorem expertus sum. Nam noxia vel superflua quæque in cibis, in potibus, in moribus quam maxime persequens, licet ea d<sup>e</sup> causa multi nunc reticenda passus fuerit, ea tamen ad congruum finem, etsi non statim, Deo præcipue, neque cum quibusdam aliis pro viribus-juvante, perduxit. Nec idecirco tamen curam monasterii jam dicti depositit, quoniam a me, quia sic res exigebat, et Cluniaci ordinem tenere, et demum jam dictæ providere coactus, non obedire non potuit. Erat quippe talis, qui non unius tantum virtute dexteræ, sed et ipsa sinistra, sicut de quibusdam Scriptura sacra refert, pro dextera uti nosset (*Judic. xx*). Et recte: justi enim hominis est, nunquam sinistram habere, sed semper ea quæ sinistra, hoc est adversæ partis sunt, in dexteram, hoc est rectam convertere. Sic expertam hominis virtutem, non uni tantum, sed gemino oneri portando sufficientem, utrumque ejus humerum supposui, atque ut secundum eam quam in ipso cognoscebam gratiam, fratribus suis aliquantulum ab invicem semotis, labore suo proficeret prævidi. In hoc statu, aliquanto tempore decurso, postquam certa et utilis causa exegit, dato ei apud Cluniacum ordinis successore, ad Sancti Martini monasterium, ut prius regendum, eum remisi.

#### CAPUT XII.

*De schismate Cluniacensi per Pontium, qui abbas fuerat, concitato.*

Dehinc non plenis, ut mihi videtur, duobus annis transactis, insurrexit nota illa contra Christi naviculari, hoc est Cluniacensem Ecclesiam, horrenda tempestas, et velut civile bellum in republica nostra ubique terrarum exarsit. Quod ne priorés carpere videar, quantum ad præsentem materiam pertinet, succincte describo. Dominus Pontius Cluniacensis post S. Patrem Hugonem nullo interjecto abbate successor ejusdem patris ultimo tempore, de monasterio Sancti Pontii Cluniacum veniens, nova facta professione, more talium de aliis, vel de alienis monasteriis venientium, Cluniacensis monachus factus est. Hic valde juvenis, a fratribus Cluniacensibus spe bonæ indolis ejus inductis, in abbatem electus, magno illi et famoso viro, jam dicto Patri Hugoni successit. Qui primis assumptionis suæ annis, satis modeste ac sobrie conversatus, procedente tempore mores mutavit, et multis ac diversis casibus vel causis, fratum pene universorum animos exasperando, eos paulatim contra se concitatit. Dissidentes illi ab eo, et quod multa mobilitate vel levitate animi, nullis bonorum consiliis acquiescendo, ut dicebant, res monasterii possundaret, inter se nunc pauci, nunc plurimi, tandem pene universi murmurabant. Mansit tamen res aliquandiu tecta inter eos, nec ad aures sacerdularium per decennium fere pervenit. Prorupit tandem eosque lis occultata diu, ut non solum ad circumpositos, sed insuper ad remolissimos quousque hujus dis-

sensionis malum pertingeret, et ipsas summi pontificis, ac Romanæ curiæ aures impleret. His rumoribus dominus Pontius provocatus, indignationis impetum, quem in alias fortassis derivare debuerat, in seipsum retorsit, et Romam velut præcipiti cursu adiens, ut curæ pastoralis sollicitudine solveretur, dominum papam instanter oravit. Præerat tunc Romanæ Ecclesiæ, regii sanguinis nobilitate insignis, sed moribus, probitate, ac liberalis animi magnificientia longe insignior, qui prius Viennensi Ecclesiæ præfuerat, Calixtus papa secundus. Is in primis, abbatis Pontii voluntati et petitioni, omnis exhortationis nisu resistens, postquam eum non posse deflecti a proposito vidi, ab omni cura Cluniacensis Ecclesiæ, ut postulabat absolvit. Absolutus inde, ejusdem papæ permissione Apuliam petiit, indeque mari transmisso Hierosolymam, semper, ut proposuerat, ibidem mansurus, pervenit. Papa fratribus Cluniacensibus quod factum est mandans, ut sibi Patrem eligerent, auctoritate apostolica præcepit. Illi post præceptum, accepto consilio totius religionis ac religiosæ opinionis, virum Marciacensem sororum priorem venerabilem Hugonem sibi pari assensu in abbatem eligunt. Suscepit sanctus ille, licet valde renitens, quod imponebatur, sed vix quinque elapsis mensibus, ex hac luce migravit, et (sic longa ejus in sancta conversatione vita meruerat, ut merito creditur,) ad meliora transivit. Fratres et isto ita subtracto, novæ electioni diem statuunt, proximis quibusque et remotis, ut ad diem statutum convenienter, indicunt. Congregatur cum quibusdam episcopis et abbatibus multus monachorum populus, et in octavis Assumptionis beatæ Virginis (utinam sibi melius consulentes!) in præsentium scriptorem convenienter. Mandant jam dicto papæ hujus suæ electionis assensum, et ab eo rescriptum, hoc quod fecerant confirmans, suscipiunt. Mansit deinde aliquot annis res Cluniacensis in pace, et velut sepultis prioribus malis, optimo quietis ac bonorum proventuum successu florebat. Tandem jam dictus Pontius transmarinæ habitationis peritæsus, rediens ab Oriente, Occidenti tenebras contra morem invexit. Qui ut Italianam attigit, divertere Romam nolens, in Ravennatum partibus, hoc est in episcopatu Tarvisiano, sedem sibi constituit. Dibi monasteriolo constructo, parvoque in eo tempore demoratus Gallias repetiit. Explorata demum absentia mea, nam forte tunc in secundæ Aquitaniæ partibus Cluniacensibus negotiis insistebam, singens se Cluniacum nolle venire, paulatim tamen appropin-

## ANDREÆ CHESNII NOTÆ.

(240) *Venerabili sene Bernardo priore.* Bernardus hic Pietavus natione, elegans moribus, opere strenuus, domui sibi commissæ prudenter providens, ut inquit idem Petrus noster Venerabilis infra cap. 52, qui et ipsi post mortem epitaphium scripsit.

(241) *Lugdunensi primate Hubaldo.* Gozeranni successore, quem aliqui Humbaldum, alii Humbernum, vel Umbertum appellant; estque ille ipse H. archiepiscopus Lugdunensis, cui scribens Inno-

A quabat. Dehinc quibusdam fugitivorum sibi adjunctis, armisque vulgarium quos sibi asciverat constitutus, Cluniacensibus portis improvisus advenit, quibus effractis et venerabili sene Bernardo priore (240), fratribusque aliis ubiubi dispersis, cum promiscua illa armatorum multitudine, ipsis quoque mulieribus irruentibus claustrum ingressus est. Ingressus occupat statim omnia, et eos quos reperit minis, terroribus, ac tormentis in suæ fidelitatis cogit sacramenta jurare. Nolentes aut expellit, aut duro carceri mancipat. Convertit statim manum ad sacra, et aureas cruces, aureas tabulas, aurea candelabra, aurea thuribula et quæque alia multa et multi ponderis vasa invasit. Rapit et ipsos calices maxime sacros, nec thecis vel scrinis aureis sive argenteis, multorum martyrum ac sanctorum ossa continentibus parcit. Conflat ex his et similibus auri pondus immensus, et eo circumpositos milites vel quoslibet auri cupidos ad bellum raptiores invitat. His protectus circumpositas monasterii villas et castra invadit, ac sibi barbarico more religiosa loca subdere moliens, ignibus, et ferro quæ potest cuncta consumit. Abstinet a nulla bellorum specie, rapinis rerum, cædibus hominum, per conductos sacro auro milites ubique desævit. Consumitur ab ipso initio Quadragesimæ usque ad Kalendas Octobris, tota in hujusmodi præliis æstas, nec saltem paucis diebus a tanta malorum calamitate respirat. Manebat jam dictus Bernardus prior, et nobiles religiosi ac magni viri extra Cluniacum, ubi poterant, et in locis tutioribus, a tantorum incursu hostium, sese pro viribus defensabant. Sic in sancta illa et famosissima Cluniacensi domo, occulto, sed justo Dei judicio, Satan ad tempus laxatus furebat. Sed juxta librum beati Job, qui fecit eum applicuit gladium ejus (*Job xl*), et congruum tantis malis finem, brevi imposuit.

## CAPUT XIII.

*De fine scanduli Cluniacensi, et sapientia domini Matthæi.*

Decesserat jam e vita suprascriptus venerandus papa Calixtus, nec se inferiorem papam Honorium acceperat successorem. Hic tantæ Ecclesiæ tantos tumultus audiens, misso de latere suo legato, domino scilicet Petro cardinali, Pontium et Pontianos, qui tunc sic vocabantur, omnes, adjuncto sibi Lugdunensi primate Hubaldo (241), terribili anathemate condemnavit. Data tamen postmodum die, utramque partem ad subeundum in præsentia sua tanti dissidii judicium litteris apostolicis evocavit.

centius II, papa, pro sanctimonialibus Marciaci, testatur et illas ab eo soveri et diligi. Litterarum initium est : « Innocentius servus servorum Dei, venerabili H. Lugdunensi archiepiscopo, salutem et apostolicam dilectionem. Fraternitati tuæ litteras pro sanctimonialibus de Marciacu a nobis transmissas, » etc. Et statim postea sequitur : « Quod autem præfasas sorores, sicut accepimus, foves et diligis, gratum habemus, et nos quidem earum jura ipsis volumus illibata servare. »

Obtemperat statim pars cuncta nostrorum, et inter innumeros monasteriorum priores causa cuius hæc interjecta sunt jam dictus venerandus Matthæus advenit. Adest et Pontius, licet invitus, cum suis, et denominata die, ut judicium subeat, advocatur. Præcipitur tamen, ut quia excommunicatus nec agere, nec judicium canonice subire potest, prius satisfaciat, et satisfaciendo, se vinculo quo jure vinctus fuerat, solvat. Mittuntur a papa nuntii, et ex parte mittentis, ut de tantis malis satisfaciat, jubent. Respuit ille, nec se ab aliquo viventium anathematis vinculo vinciri posse affirmat. Solum esse Petrum in cœlis, præter quem nulli hoc licere fatetur. Commoto multo magis tali ejus responso domino papa, totaque simul inde urbe turbata, non solum excommunicatum, sed et schismaticum cuncti proclamant. Et quia, ut dictum est, nisi solutus ad judicium admitti non poterat, a suis qui cum eo venerant, utrum quod ille nolebat, ipsi saltem satisfacere vellent, responsum missis dominus papa nuntiis querit. Qui statim pro ejus imperio paratos se esse respondent. Intrant ergo palatium nudis pedibus cuncti, et reos se in conspectu universorum fatentes, protinus absolvuntur. Absoluti, causam ingrediuntur, nihil quod vel sibi, vel illi pro quo agebant, suffragari posset, intactum relinquunt. Assumit sibi ex parte alia vocem universorum venerandus Matthæus, et sapienter de tota causa perorat. Surgit statim auditis partibus papa, et tota Romana curia sibi adjuncta, ad rem examinandam in partem secedit. Moratur diu, redit cum cunctis post aliquas horas ad sedem, ut inventam ex consilio sententiam ferat, Portuensi episcopo jubet. Fert ille jussus sententiam, et ut ipsa ejus verba referam : *Pontium, inquit, invasorem, sacrilegum, schismaticum, excommunicatum, ab omni ecclesiastico honore vel officio, sancta Romana et apostolica Ecclesia in perpetuum deponit, et Cluniacum, monachos vel cuncta ad idem monasterium pertinentia, abbati qui in præsentiarum est, cui injuste subtracta fuerant, restituit.* Data sententia, uniuntur qui divisi fuerant, et velut in momento, redintegrato Cluniensi corpore tantus tamque diutius malorum tarbo sedatur. Irruit post paucos dies, tam in victos quam in victores, Romanus ille pestifer morbus, et pene omnes tam monachos quam famulos in brevi prosternit. Invadit vix elapso mense et dominum Pontium, paucisque diebus interjectis extinguit. De cuius fine epistolam mihi a supradicto beatæ memoriae papa Honorio directam, si forte ejus notitia utilis judicatur, adjungo : *Honorius episcopus, servus servorum Dei, dilecto filio Petro Cluniacensi abbati, salutem et apostolicam benedictionem.* Præ-

A terito mense Decembri, Pontius viam universæ carnis ingressus est. Qui quamvis de malis Cluniaco illatis, saepe commonitus pœnitentiam agere noluerit, nos tamen pro reverentia ejusdem monasterii, cuius monachus fuerat, eum honeste sepeliri secimus. Data Laterani. Ille quidem morbo Romano aliquandiu satigatus sic moritur. Non parcit idem morbus et mihi, et plusquam per dimidium annum, igne vix tolerando adurit. Non evasissem, ut credo, sociorum casum, nisi et fratrum oratio, et medicinæ cura a quodam sapiente clero, multo mihi studio impensa, juvisset. Evasi tandem, Deo propitio, ac per ipsius gratiam maximus ille religionis locus, a sui generis pessimo turbationis et schismatis morbo mira celeritate convaluit, atque ad pristinum et fortassis ex parte meliorem religionis, famæ vel rerum statum pervenit. Digressus videor a proposito. Sed quia rem, ut mihi videtur, non reticendam, et pro futurorum cautela perutilem, a subsequenti memoria perire timebam, occasione domini Matthæi inventa, cuius maxime præ cæteris studio tantum malum sopitum est, dicenda silendo præterire timui. Redeat ergo stylus ad ipsum, et quæ de ipso restant, ut cooperat, exsequatur.

## CAPUT XIV.

*Quomodo in episcopum Albanensem assumptus sit, et quam sancte in eo sese habuerit.*

Causa jam dicta tractus ad urbem, ea sic diffinita, redire cum sociis ad propria festinabat (242). Sed qui nescientem vocaverat Deus, redditum impeditivit, et quia super pauca fideliis fuerat, eum super multa, ut expertum dispensatorem promovit (Matth. xxv). Injungit ei cum honore nominandus papa Honorius, majoris honoris et onoris pastoralem curam, et eum labori suo socium adhibens, in episcopum Albanum consecrat. Proiectus ergo ad sublimem pontificalis ordinis gradum, et super Ecclesiæ candelabrum, ad lucendum omnibus qui in domo Dei erant magnifice exaltatus, nihil de monacho quorumdam more dimisit, sed sicut de magno Martino legitur, eadem in corde ejus humilitas, eadem in vestitu ejus vilitas mansit. Nihil de officiis, nihil de cantibus, nihil de prolixa Cluniensi psalmodia, quarumlibet curarum prætextu reliquit. Servabat in palatio instituta claustrum, et mundo expositus, firmo et longo usu, velut innato religionis proposito a secularium vanitatibus se quasi septo firmissimo secernebat. Cohibebat se intra se nunquam magis negotiosus quam cum solus erat. Præferebat cunctis operibus suis omnibusque sanctis studiis, sacrificandi Deo illum suum quotidianum usum, a quo nec rei familiaris cura, nec multiplex occupatio, nec ipsa continua post sum-

## ANDREÆ CHESNII NOTÆ.

(242) Hoc capitinis initium longe prolixius in ms. sic : *Dehinc contigit ut quibusdam causis contra Christi naviculam, hoc est Cluniensem Ecclesiam, insurgentibus jamdictus venerandus Matth. inter inumeros monasteriorum Cluniensium priores ad*

*Urbem tractus, et tandem per Dei gratiam et ejus Matthæi maximo præ cæteris studio, causis ad honorem Dei et Ecclesiæ Cluniensis diffinitis redire cum sociis ad propria festinabat.*

mum pontificem, omnium Ecclesiarum sibi imposta sollicitudo eum retrahere poterant. Conquerebatur inde saepius papa, et alii ad curiam mane ex more convenientibus, ipsi ad horam tertiam vix occurrenti, quod plus nimio esset monachus, velut improporabat. Nec hoc tantum Romae, sed etiam ubique terrarum studiose servabat. Utetur sacerdotis aestivis diebus acriore Italici solis ardore, quod matutinas in his sacris studiis occupans horas extrahi ab Ecclesia circa sextam quandoque horam vix poterat. Et quia non solum simplex religiosa innocentia, sed et prudens erat singulari sapientia, mittebatur saepè a magistro, ad diversas partes orbis terrarum, et vices apostolicas in partem ab eo vocatus sollicitudinis prudenter administrabat. Nec juxta modum gratiae a Deo sibi collatae, inferior in hac parte erat David, de quo Scriptura sacra loquitur, quod ad imperium regis ingrediens et egrediens, in toto illo regno fidelis existiterit, cum ille in illo Iudeice, hic in longe sublimiore Christianae reipublicae regno, totas animi et corporis vires consumendo, fidelis fuerit.

#### CAPUT XV.

*Quod cum adhuc prior esset, pecunias a Iudeis mutuari prohibuit.*

Et quia fidelitatis vel fidei ejus extollendae causa de Iudeico regno mentio facta est, quod mente exciderat ad hoc probandum pertinens, referatur. Hoc enim in ipsis et de ipsis Iudeis probari contigit. Accesserat, ut supradictum est, noviter ad prioratum Sancti Martini curam administrandam, et inter cetera negotia debita monasterii ipsi a fratribus proponebantur. Requirens ille creditores, quosdam ex ipsis Iudeos esse cognovit. Statimque ad fratres ista sibi referentes conversus : *Et unde, inquit, hoc vobis quod Christiani et monachi a Iudeis et impiis mutuas accipere pecunias voluistis? Quæ enim conventio Christi ad Belial, aut quæ societas luci ad tenebras? vel fideli cum infidele?* (II Cor. VI.) *Ite, ait, ite, et hujus improbandæ societatis vinculum, pecunias illas solventes, festinanter dirumpite, et Iudeis ulterius in ratione dati et accepti, mutui vel depositi, vel cuiuslibet commercii communicare nolite vel cavete.* Ad haec cum illi responderent, non posse se, monasterii paupertate cogente, a mutuandis Iudeorum pecuniis abstinere : *Absit, inquit, absit, nec unquam deinceps sermo iste de ore vestro procedat!* *Quo enim vultu, qua conscientia, ad altare Salvatoris Christi accedere, qua fronte ad colloquium piæ matris ipsius venire tentabo, cum blasphemis hostibus ejus, blanditus fuero?* *Quomodo pessimiis inimicis ipsorum amicus effectus, ipsis placere valebo?* *Quomodo illo ore, quo pecuniarum vel cuiuslibet rei causa, eis blanditus fuero, ipsos invocare vel deprecari audebo?* *Videte igitur ne de his ulterius quæstio fiat.* *Solvite cito quidquid eis debetis, et velut æterna lege præfixa, ab universis eorum commerciis deinceps abstinet.* Sic fidei zelo devotus homo repletus, et contractus illos inhibuit, et quid

A amoris in intimis cordis sui, Christo Domino suo servaret, ostendit.

#### CAPUT XVI.

*De schismate Romanæ Ecclesiæ, et quam viriliter catholicam partem defenderit.*

Hanc suam erga Christum et ejus Ecclesiam fidem, maxime illo tempore probavit, quando schismaticus furor, contra unius columbae, hoc est, ejusdem Ecclesiæ unitatem altare profanum erexit. Divisa erat, imo discissa, Romana prius, dehinc tota Latina Ecclesia, et primo ex magna sui parte, vi et pecunia intrusum Leonis filium sequebatur. Restitit ille cum quibusdam sociis fortiter, et quod non plantaverat Pater coelestis, eradicare totis viribus contendebat. Ea de causa cum pontifice suo, B imo cum communi papa Innocentio, urbe expulsus, multaque justitiae causa perpessus est. Inde per Tiberim mare ingressus, ad Gallias venit. Ubi primum ab eodem domino papa Innocentio, Cluniacensi nova et majore consecrata ecclesia, ac gemino concilio, alio Claromonti, alio Remis celebrato, totam (excepta parte Aquitaniæ) Galliam, Hispaniam, Angliam, Germaniam, sibi imo Christo, studio præcipue Matthæi papa jam dictus univit. In quibus partibus diu Matthæus cum ipso commoratus, per Alpes ad Italiæ Pisas usque, ubi et prius aliquandiu manserat, cum eodem regressus est. Occupabat adhuc sedem apostolicam Leonis filius Petrus, et Leonini catuli contra partem catholicam sæviebant. Permittebat hoc Christus, et qui Antichristum, schismaticorum omnium caput in templo Dei sedere permissurus est, et suos exsulare, et sedem Petri a non suis occupari sinebat. Eapropter mansit reliquo vitæ suæ tempore Pisis cum Innocentio papa Matthæus, nec ei urbem vel sedem propriam revisere facultas data est. Quo toto tempore, in nullo retrocedens, semper seipso melior virtutum profectu siebat, et sacris semper studiis occupatus, quanto fini propinquior, tanto virtutibus exercitatiore apparebat.

#### CAPUT XVII.

*De fine ipsius miris insignibus glorioso.*

De quo ejus fine aliqua subdere, quia jam rei series vel processus admonet, differre ultra non debeo. Possent quidem adhuc plura de ipso digna memoria litteris tradi, sed quia hoc occupatio prohibet, illud saltem. in quo suis vel nostris diebus parem non habuit, tacendum non est. Non ignoro equidem, suis illis nostrisque diebus bonæ vitæ multorum bonorum finem optimum successisse, sed quantum ad aures meas pervenire potuit, nullius jam dicto tempore transitum miris insignibus sic contigit clariusse. Missus fuerat Benedictus vir a domino papa pro pace reformanda Mediolanum, et maximam post Romanam Italiæ urbem, unitati Ecclesiæ, a qua per Anselmum schismaticum defecerat, reddere festinabat. Dedit cito Deus optimum successum ejus labori, et multos Liguriæ populos, a pace catholica aversos, matri Ecclesiæ

mira celeritate restituit. Consummato dehinc, ut olim Martinus, ecclesiasticæ pacis negotio, nutum statim in se advertit vocantis, et fluxu ventris interioribus dissolutis, viribus corporis paulatim destituebatur. Passus ante fuerat hujusmodi incommoditatem Cluniaci per annum, et gravi dyssenteria liquefactus, multis fratum pro eo fusis Deo precibus, vix mortem evaserat. Correptus est itaque, ut dixi, eodem morbo, et tam labore itineris quam ardore solis (nam tempus tunc æstivum instabat) eo invalescente, ad defectum naturæ cœpit urgeri. Reversus est tandem Pisas, et per aliquot menses, vir animosus cum hac in valetudine luctabatur, Nolebat, licet ægritudine valde cogeretur, lecto decumbere, nolebat de labore solito quidquam intermittere, nolebat corpori suo vel in modico parcere. Tolerabat constanter apostolicæ curiæ labores, causis ecclesiasticis nunquam deerat, fratum se subtrahere utilitatibus nesciebat. Divina obsequia, quibus, ut supradictum est, se totum a puero dedicaverat, irrequietus frequentabat. His totum more suo se impendebat, ut, quantum ad illa, sic æger esse nesciretur, sospes et alacer putaretur. Orationes continuæ, oculi assidue in lacrymas defluentes, psalmodia ultiote Cluniacensis, totum pene diei noctisque tempus occupans, cui cor, cui lingua, cui opera, cui tandem se totum devovisset, id monstrabant. Illud autem, illud, inquam, singulare suum refugium, quod omni fere vitæ suæ tempore, insatiabili desiderio perpetuaverat, altaris Ægo sacrificium, nulla vis morbi, nulla debilitas, ut vel una die intermitteret, cogere poterat. Pugnabat cum morbo, singulari devotione pertinaciter, et, ut de jam dicto suo Martino legitur, pro modo vel posse suo, invictum ab oratione spiritum non relaxabat. Productum est hoc ejus salubre certamen, ab idibus Julii usque ad Kalen. Decembris: quo toto tempore, artus languore solutos, violenter spiritui servire coegit, nec alicujus suasu, ab his divinis vel similibus sacris operibus revocari potuit. Tandem prima Adventus Domini hebdomada, omnimodum jam naturæ defectum ferre non valens lecto decubuit. Et cum jam non valde remotum mortalis vitæ suæ finem instare sensisset, advocat fratres sibi obsequentes, vocat et famulos, et benigne illos alloquens et consolans, adjungit: *Oro vos, inquit, fratres et filii, ut quia me in proximo recessurum a rebus humanis intelligo, valedicatis ex parte mea, et affectuose salutetis, in primis dominum meum et patrem Cluniacensem abbatem, priorem et subpriorum, Hugonem camerarium, et Arberum sacristam, totumque simul fratum nostrorum Cluniacensium conventum, abbatem Vizeliacensem Albericum, et priorem de Charitate. Specialiter autem intimos et præcordiales filios meos, apud Sanctum Martinum de Campis Deo servientes, quos ego prout melius potui, in Dei servitio educavi.* Hæc benedictus vir dicens, non solum quantum in Deum,

## CAPUT XVIII.

*De visione quam vidit de ipso prior Sancti Zenonis.*

Non multos vero ante dies, prior monasterii Saucti Zenonis, quod Pisis constitutum est, videbat in somnis eum, de quo agitur, habitu monachali indutum, eique puerum venustæ formæ, qui etiam regis filius dicebatur, adstare. Præferebat autem idem puer manibus librū, aureis litteris scriptum. Quem cum aperuisset, venerabili illum Matthæo offerens, ut legeret, suadebat. Cumque ille responderet quid sibi lacri de lectione illa proventurum esset, adjecit puer : *Percipies, inquit, hujus libri lectione, omnium linguarum notitiam.* Qui postquam legit, interrogatus a puero, Hebreaica lingua, Hebraice respondit. Sciscitatus et Græca respondit eadem. Et puer : *Sicut, inquit, in his duabus te peritum probasti, sic universarum diversitatem linguarum te noveris assecutum.* Dixit hoc, et statim ei regale palatium, mirabili pulcherrimaque structura insigne, monstravit, et ut ingredetur præcepit. Cumque ille se quia imparatus esset, ingredi non posse respondisset, adjecit puer : *Vade, inquit, et ut ingredi possis, cito te parare festina.* Cessit ille in partem, et universis tam sacerdotalibus quam pontificalibus indumentis se cito compónens et ornans, ad puerum statim reversus est. Cum quo et alios innumerabiles angelici decoris pueros inveniens, ad designatum palatium accessit, et omnibus læta ac sublimi voce cantantibus : *Alleluia, Benedicamus Patrem et Filium cum sancto Spiritu;* in illud ingressus est.

## CAPUT XIX.

*De visione alterius fratris.*

Advenerat penultima Adventus Domini hebdomada, et frater aliquis de alio Sancti Michaelis monasterio, quod itidem Pisis est, conspexit similiter in somnis venerabilis vitae Joannem prius Camaldulensem priorem, deinde episcopum Ostiensem, velut ad se venire. A quo cum quæsisset dicens : *Quo vadis, domine ?* ille respondit : *Pisas venio, ut fratrem meum Albanum episcopum assumam, et numero nostrorum adjungam. Scias autem, quod octavo Kalendarum Januarii, ad nos venturus et nobiscum perpetuo mansurus est.* Has visiones, imo ad meritum hominis declarandum revelationes, earum inspectores sicut ante ejus obitum viderunt, sic et ante quibusdam, et insuper illi qui haec mihi retulit, bono et fidè digno viro retulerunt.

## CAPUT XX.

*Quomodo dæmones signo crucis a se fugaverit, et de  
infatibili ejus ad Deum intentione.*

Successerat jam nox Dominicæ proxime præcedentis nativitatem Domini, et benedictus vir morbo diutino fatigatus, quiescentibus sociis in lecto decumbebat. Et ecce subito velut in perturbatam vocem prorumpens, circumiacentes vocavit. Quibus astantibus, horribilem malignorum spirituum turbam

sibi apparuisse, seque valde terruisse, narravit. *Ita, A* inquit, *mihi conspicui fuerunt, ut mirum mihi sit, si vos latere potuerunt. Qui signo quidem crucis a me facto, pavesasti, statim disparuerunt, pessimas tamen intolerandi setoris reliquias recedentes reliquerunt. Festinanter ergo cancellarium domini papæ accersite, et ut ad me venire festinet, rogate.* Factum est : et cancellario religioso et sapienti viro post paululum venienti, rursum quod viderat narrat. Qui sapienter eum ne timeret hortatus, et communem omnium etiam valde honorum de sæculo migrantium, hunc esse transitum dicens, simulque rei congruentia adjungens, bonum virum benigne in Domino confortavit, et ad exspectandum bona spe exitum suum, religiosis sermonibus animavit. Urgebatur ille magis morbi gravedine ad extrema, nec, ut jam dictum est; suspenso prorsus in cœlum corde, a divinis officiis vel operibus avocari poterat. Non noverat, juxta Psalmum, os ejus jam loqui opera hominum (*Psal. xvi*), nec aures ejus humana audire patiebantur. Si quis ei sermonem de rebus transitoriis asserebat, cum nullum prorsus responsum redderet, non audisse putabatur. Si vero quis de spiritualibus sermonem coram eo proferret, statim illue convertebat auditum, et velut nihil patiens, paratissime respondebat. Quotiescumque ad eum episcopi, quoties monachi, quoties religiosi clerici, quoties ipsi socii accedebant, toties et unicuique suum *Confiteor Deo*, quod in monachatu pro more didicerat, proferebat. Consitebatur sic omnibus, absolvi postulabat ab omnibus, commendabat se omnibus, sive licet sancta anima, juxta quod scriptum est, ut sanctus sanctificetur adhuc (*Apoc. xxii*), confessione, oratione, fratrum absolutione magis sanctificari contendebat. Protraxit ista usque ad ultimum vitæ spiritum, nec optimus diuque protractus devoti animi usus, eo vel parum spirante, desicere potuit.

## CAPUT XXI.

*De revelationibus ante mortem illi ostensis, et de gloria quam sibi præparatam vidit.*

Ostendit benignus Salvator antequam ille ex toto deficeret, hæc ejus opera, hæc ejus studia sibi placuisse, et quo pro his post mortem demigraturus esset, ex parte monstravit. Jacebat ille in lecto, nocte jam secundain feriam præcedente, et nocturnas laudes parum ante tempus, quia sic ipse jusserrat, socii decantabant. Et ecce circumsonante undique psalmodia, subito ille rapitur, et a sensibus humanis alienatus, ipsa vultus immutatione cognoscitur. Instant fratres acrius divinis officiis, et velut tunc defungi deberet, exspectant. Arripit frater Pontius multa ei diu propter honestos mores familiaritate conjunctus ; arripit, inquam, Evangelium, et ei assidens Passionem Domini secundum Matthæum, secundum Marcum, secundum Lucam devote recitat. Cumque his perfectis, finem legendi fecisset : *Et ubi est, inquit ille beatus vir, Passio Domini secundum Joannem ? Si placet, fili, lege et*

*A illam.* Vere beatus vir, totusque ut supra dixi, spiritu et mente divinis intentus, qui nec raptus ad invisibilia, et corporeis sensibus pene emortuis sacrarum rerum oblivisci poterat. Perfecta igitur et illa quarta secundum Jeannem Passionis Domini lectione : *Retribuat, inquit, tibi omnipotens Deus, fili, cuncta quidem a te mihi semper impensa beneficia, sed specialiter hoc in aeterna retributione servitum.* Noveris autem pro certo me mortuum fuisse, atque ad invisibilia et cœlestia raptum. Esto ergo securus, me amodo hac nocte minime moriturum. Vade igitur interim, et quiesce. Redibis autem mane facto ad me, et tunc miranda quæ vidi narrabo. Indicto tempore, rediit ad eum jam dictus frater cum sociis. Cumque, psalmis primæ diei horæ decantatis, *B* tempus jam loquendi adesset, ait ad socios (verba autem ejus ab eo Latine prolata, nihil addens, mutans, vel minuens dicturus sum) : *Ite, inquit, ad dominum cancellarium, et dicite ei, ut dicat domino papæ quatenus huc veniat, et ejiciat me de sepulcro isto, in quo jaceo.* Et certe ipse libenter hoc faceret, si sciret lectulum qui mihi præparatus est. Non sicut enim lectulus tantæ pulchritudinis, tam miræ suavitatis, sicut ille qui mihi præparatus est. Ego autem mortuus in ista nocte fui, et fui ante Dominum meum Jesum Christum, vidique beatam Mariam matrem ejus, et ipsum, qui concessit mihi locum ad pedes suos, ibique sedebo. Cumque fratres, quibus ista narrabat, eum rogarent, ut rerum quas viderat, statum, modum, vel beatitudinem indicaret. *Et quis,* ait, *o fratres, hoc posset ? quis certe posset bonum illud, felicitatem illam, illa ineffabilia, et mortalibus incognita bona narrare ? Non est, non est plane aliquis mortalium, qui hoc posset.* Servatur, inquam, inter innumera, quæ ibi conspexi, disciplinæ reverentia singularis, cunctaque ibi ad unguem ordinata subsistunt. Et cum post ista paululum conticuisset : *Pœnitel, inquit, me, non quæsisse a Domino quid de illa sua Cluniacensi domo facere decreverit, vel quid de statu illius penes ipsum sit.* Respondente vero fratre supradicto ad hæc non esse curandum, si hoc tunc a mente ejus exciderit, quia ipse Deo astans, pro eadem domo eum precaturus esset, ille adjecit : *Ei vere, inquit, ac libenter hoc facturus sum, ipsumque pro illa, totis animi affectibus deprecabor.* Ecce vere mens hominis, semper quidem, sed nunc maxime dedita Deo, a qua post summum illum et præcipuum divinitatis affectum amor fratrum suorum et cura nec in ultimis excidere poterat. Eadem die ad vesperum vel vesperam, adiit eum visitationis gratia, magnæ et probatæ religionis vir, Guilelmus Prænestinus episcopus, et more bonorum infirmitati ejus compatiens, eum consolabatur. Cui venerabilis Matthæus inter cætera retulit : *Venit, inquit, hac nocte ad me vir reverendi vultus, multa, ac venusta tam capitis quam vestium albedine decorus.* Videbatur autem mihi esse de incolis eremi. *Qui me de hac domo educens, pratum insigne tradidit, indeque ante Dominum adduxit.* Vernabat autem

pratum illud, per quod traductus sum, amoenitate singulari, nec aliqui ei jucunditatis deesse videbatur. Ibi arbores omnigenis fructibus gravidæ, ibi rura graminibus viridissimis ac floribus super omnem decorum pulcherrimis depicta, ibi quidquid visu delectabile, quidquid olfactui odoriferum, quidquid sensibus universis jucundum. De quo si quis vel florem unum obtainere mereretur, omnibus vitæ suæ diebus senior, omnibus alacrior, omnibus felicior existeret. Recedente ergo ab ipso jam dicto episcopo, venit eadem visitandi causa et Joannes Cluniacensis monachus tunc domini papæ capellanus, post vero Perusinus episcopus, et cum eo similiter colloqui cœpit. Cui cum diceret videri sibi quod in proximo moriturus esset, respondit ille: *Non hac certe, non hac nocte moriar. Datum enim mihi est a Domino ut ea die qua ipse de Virgine natus ad homines venit, eadem ego ab hominibus recedens, ad ipsum ejus prævia misericordia pergam.* Vere misericors Dominus, vere servorum benignissimus consolator, vere, juxta canticum Moysi, servorum suorum miseretur (*Deut. xxxii*). Non obliviscitur consolari eorum diurnos labores, nec eorum obsequia sibi devote impensa contemnit. Vere secundum quod ipse ait; quemadmodum mater consolatur filios suos, sic et ipse non solum in futura vita, sed etiam quandoque in ista consolatur, delinit, lætificat servos suos, ut hic gaudia sequentia prægustantes, ineffabili dulcedine trahantur, et adhuc in corpore positi, toto illuc animi desiderio rapiantur. Noluit enim magnam illam multitudinem dulcedinis suæ quam abscondere solet timentibus se (*Psal. xxx*), a Matthæo nondum a corpore mortis liberato ex toto abscondere, nec ea quæ daturus erat, omnino post mortem differre. Præmisit inde signa aliqua etiam ante mortem, ut ipse ad ea speranda vel amanda, multo magis animaretur, et quale illius apud ipsum meritum esset, ignorantibus proderetur. Mansit ergo beatus vir, tam præclaris revelationibus recreatus, alacrior usque ad extrema, et in Domino confortatus, suam illam horam ultimam exspectabat.

## CAPUT XXII.

*Quomodo [Quam] sancte et gloriose, natalis Domini die, prima lucecente aurora, de hoc mundo transierit.*

Jam vero ipsa natalis Domini vigilia, transcursis more suo devote tam nocturnis quam diurnis officiis, jamque vespertina hora instantे, Dominicum corpus sibi rogat afferri. Quo allato, *Audite*, inquit fratribus, *confessionem meam, et fidei meæ hic et in æternum testes adestote. Confiteor*, ait, *hoc sacrum Salvatoris mei corpus, illud vere et essentialiter esse, quod de sancta Virgine ab ipso sumptum est, quod pro mundi salute in cruce pependit, quod in sepulcro positum est, quod tertia die a mortuis resurrexit, quod in cœlos ascendit, quod venturum est judicare vivos et mortuos et sæculum per ignem. Per ipsum credo incorporari ei, et fieri unum cum ipso, et habere vitam æternam.* Hoc dicens, resectus eram

A fratribus, codem salutari Christi corpore, per carnem illam, quæ dat vitam in æternum, ad æternitatem futuram idoneus factus est. Cumque prima sacræ noctis vigilia advenisset, et signa totius urbis ad nocturnas laude pulsari audisset, statim tota mente ac voce, in vocem exultationis proumpens, qua poterat voce, quo poterat gestu lætitiae, *Christus natus est nobis, Gloria in excelsis Deo, sociis et omnibus in clamabat.* Angelico vero hymno, sicut ad missas canitur, ex integro decantato, reliqua circumstantibus ad quæ non sufficiebat dimisit. Animo tamen ad illas sacras Dominici Natalis laudes suspensus, quoties in cantibus, quoties in lectionibus, beatæ Virginis matris Domini nomen legi vel cantari advertebat, toties oculis sursum levatis, tot es manibus in cœlum extensis, ubi mens ejus conver saretur, quo sancta illa anima raperetur, monstrabat. Jamque nocturnis laudibus consummatis, dum sacerdos astans sacro altari, missam quæ dicitur de Nocte cantaret, erexit se nisu quo potuit, et juvante se quodam fratre, quia vires ad standum derant, in lecto resedit. Conversusque ad Dominicam crucem quæ coram erat, velut si in ipsa Salvatorem, ut olim crucifixum, conspiceret, ait: *Jam, o misericors Salvator, tempus est, ut quod promisis i adimpleas, et tuo instante Natali, a vita mortali migrandi, et ad te, qui vita es æterna, transmigrandi, licentiam concedas.* Hoc ultimo verbo postquam cunctis sermonibus suis finem dedit, in lectum reclinatus, indeque post modicum ad cilicium cinere conspersum, a fratribus translatus est. Sæpe autem eosdem fratres ante roga verat, ne se casu aliquo, nisi in cinere et cilicio. Christiano more mori permitterent. Timebat enim ne qualibet infirmitatis ejus compassionem ducti hoc prætermitterent, vel negligerent. In quo, sicut et in aliis, Martini sui exempla et verba sequi nitebatur, qui, sicut omnibus notum est, discipulis moriens prædicabat non debere Christianum nisi in cinere mori. Ubi et Matthæus a suis vel fratribus vel discipulis collocatus, horam vocationis suæ ultimam sustinebat. Qua jam instantē, dum noctis tenebræ in lucem verterentur, et a monachorum in eadem ecclesia constitutorum conventu ad secundam missam cantaretur, *Lux fulgebit hodie super nos,* Matthæus vere monachus et pontifex Dei, densas Ægyptiorum, hoc est mundi hujus, tenebras deseruit, et per mortem carnis ad sempiternam lucem et vitam pervenit.

## CAPUT XXIII.

*De exequiis ejus celeberrimis, et tumulatione honarabili in basilica S. Frigdiani [Frigdiani].*

Fertur statim justi corpus a devotis viris in claustrum monachorum, et Cluniacensi more psalmodia undique decantatur. Abluitur, ut se habet communis mos, et, secundum quod ipse jussérat, suo quo nunquam a monacho caruerat cilicio prius, dehinc monachali cuculla vestitur. Adduntur a fratribus sacerdotalia et pontificalia indumenta, et his sacerdos et pontifex Dei, ut dignus [dignum] ornatur.

Accurrit accepto nuntio et ipse summus pontifex Innocentius, atque cum ipso episcoporum et cardinalium totaque Romanæ Ecclesiae vel curiae plenitudo. Congregatur pene tota urbs Pisana; et illud cernere, illi obsequi, omnibus suis negotiationibus anteponunt. Osculantur plurimi manus vel pedes jacentis, et se sanctificari tali contactu vel osculis non irrita sive considerant. Consueverat urbs illa multo quæsita labore marina negotia auçupari, et a remotis Africæ vel Orientis partibus pretiosa quæque convehere. Impleverat sinum suum congestis undique multarum gentium mercibus, et inde cunctis pene Italiæ urbibus ditior effecta gaudebat. Suscipit tandem universis Ægyptiorum opibus præferendam missam sibi ab ultimis Galliæ finibus margaritam, eamque se longe quam prius ditiorem esse lætatur. Ostendit in isto mortuo quantum præponderent terrestribus thesauris cœlestes gazæ, quantumque opes Christi, etiam post mortem, opes viventium antecedant. Jacebat ille exstinctus, neque aliquid in mundo vel possidebat, vel sentiebat. Venerabantur tamen eum viventes, reverebantur potentes, efferebant laudibus locupletes. Discernunt etiam amatores mundi, et ipsis obsequiis quæ sanctis impendunt dijudicant, quantum subjaceant terrena cœlestibus, humana divinis, fugitiva sempiternis. Servatum est corpus venerandi hominis toto illo die Natalis Domini, et psalmis ac Deo fusis precibus frequentatum. Sequenti die, hoc est in festo magni illius martyris Stephani, obtulit pro ejus æterna requie jam dictus papa Innocentius solemne Deo sacrificium, et devote supernam pietatem pro pontificis laborum suorum participipis requie imploravit. Fecerunt idem et episcopi qui forte tunc aderant, et simul omnes fusis Deo precibus, cunctem ad peregrina coepiscopum deduxerunt. Tandem circa horam diei sextam, præmissis omnibus Christianæ sepulturæ cæremoniis, astante insuper clero et populo civitatis pene universo, in ecclesia Sancti Frigdiani olim Lucensis episcopi, quæ Pisi habetur, vir vita, morte, famaque venerabilis ad sepulcrum delatus, ac tumulatus est. Septem deinde annis exactis, cum ad Urbem proficerer, causa reformatæ pacis inter Pisanos et Lucenses, specialiter tamen ejus tractus pia recordatione, Pisas adii. Secunda dehinc adventus mei ad illam urbem die, cum sociis ad charissimi mei sepulcrum accessi sacros cineres, ut dignum erat, visitans et honorans, salutarem pro eo hostiam obtuli. Et licet ejus meritis multo magis me juvari posse considerem, omnipotenti tamen Creatori, ac benignissimo Redemptori, unanimi mihi, dum viveret, hominem, quantis tunc datum fuit precibus et fletibus commendavi. Requiescat ergo per immensam ipsius Omnipotentis misericordiam in perpetua pace fidelis, devota

A et accepta Deo anima, fruaturque perenniter fructu honorum operum suorum, nec obliviscatur apud Deum se diligentium fratrum et filiorum suorum. [Amen.]

## CAPUT XXIV.

*De quodam malo monacho pessime mortuo.*

Post illa miranda opera vel signa, quæ ad legentium vel audientium spiritualem ædificationem supra præmissa sunt, sequatur et istud, quod post universa illa me comperisse contigit. Nec solum me post illa omnia provenisse accidit. Fuit in monasterio Lehnensi Ecclesiae Cluniacensi subjecto (243), frater quidam, nomine et habitu monachus, sed vita et moribus monasticæ conversationi et sanctitati non parum adversus. Hic strenuus et perspicax in humanis, hebes et obcæcatus erat in omnibus fere divinis et ad monasticum propositum pertinentibus rebus. Corripiebatur saepe a priore suo et a religiosis fratribus in jam dicto monasterio cum eo simul morantibus, et multa propter excessus suos frequenter tam verborum quam verberum sponte vel invitus proba ac injurias tolerabat. Videbatur aliquando in eo proficere spiritualium cura medicorum, et specie tenus conversus a pravis studiis putabatur. Sed, parvo interjecto tempore, non solum in nullo melior, sed insuper, omni spreto cœlestis medicinæ labore, seipso deterior apparebat. Producta est hæc ejus pertinacia multo tempore, nec alicujus studio finiri potuit, quo usque, eo indurato, ille qui attingit a fine usque ad finem fortiter (*Sap. viii*) congruum tam diuturnis malis finem imposuit. Depositus erat ab exteriorum administratione merito culparum suarum, et invitus ac murmurans regularibus claustris septis retinebatur. Non potuit tandem pati tam odibilem sibi clausuram, et diabolico dolore stimulatus carceris sui injurias in priorem vel fratres suos casu aliquo refundere gestiebat. Erant prope ipsam ecclesiam horrea, ad recondendas fruges monasterii præparata. Concluserant intra eadem prior ac fratres suum pene totius anni victimum, et tam ad esum quam ad potum sibi ex ipsis frugibus necessaria præparaverant. Nam quia terra illa parum vini fertilis est, non solum panem ad edendum, sed et cervisiam ad bibendum, ex ipsarum frugum succo conficere soliti erant. In hæc fratrum victualia nequam ille exarsit. Et arbitratus mala quæ pro sceleribus suis a fratribus perpessus fuerat, damnis eorum se eis optime recompensaturum, igne horrea prædicta succendere parat. Unde claves claustris fur nocturnus furatus, de claustro egreditur, et, universorum absentia explorata, occulte ignem horreis injicit, sic quod ad claustrum nullo sciente regreditur. Jamque fratres, matutinis pro more finitis

## ANDREÆ CHESNII NOTÆ.

(243) *In monasterio Lehnensi Eccles. Clun. subiecto.* Monasterium hoc, Ambianensis diœcesis, est unus de tredecim decanatibus ordinis Clun. qui

dantur in beneficium, appellaturque vulgo decanus Sancti Petri de Lehn in sanguine terro, Gallice *Lihons-en-Santerre*.

laudibus, ad strata propria reversi fuerant, et ecce A narro miracula, quia fide dignum videtur, admisi. immissus a monacho ignis paulatim succrescens, in manifestas subito flamas erupit. Exclamat ille sacrilegus primus, et velut innocens et inscius facti, quasi ad extingueendum cum aliis accurrit. Laborantibus tamen cunctis, et ad flamas extinguendas pro posse occupatis, respicit ille nec adjuvat, et velut ultiōni congratulans, otiosus spectator assistit. Non tulit hoc in longum divina censura, nec, ut de similibus solet, tantum nefas in posterum punire distulit. Mox enim eum percutienti angelo tradens, invisibili gladio peremis, cunctisque qui aderant videntibus, morte praesenti pariter et aeterna frustravit. Fratres tam subita et horrenda ejus morte perterriti, elisum ad terram jamque exanimem in manus suscipiunt, atque ad abluendum pro more deferunt. Jamque illo ad lavandum nudato, clavem quam paulo ante furatus fuerat, eum nefanda manu adhuc tenentem reperiunt. Placuit ita Deo, et ad corrigendos pertinaces in malo homines, sic disposuit. Nam cum vitali spiritu recedente, mos sit universa corporis membra dissolvi, manum mortui hujus ad retinendam clavem, quam ad tantum scelus perpetrandum furata fuerat, tenacem reddidit. Fecit hoc ne vindicta tanti sceleris casui deputaretur; fecit, ut virus ejus notum fieret, ut majore miraculo seipsum nequam ille quod vivens noluerat, mortuus proderet, et ut omnes ad quos tam pessimi criminis fama perlingeret, a consimili opere deterreret. Jam dictae igitur clavis et aliarum, quas nunc reliceo, rerum indiciis de tanti mali auctore certificati fratres, cadaver illud, cuius animam jam inferus possidebat, utpote furis, sacrilegi, incendiarii, excommunicati a consortio sanctorum corporum expulerunt, et procul extra Christianum coemeterium projecerunt.

## CAPUT XXV.

*De visione quam ego Romæ positus vidi.*

Licet autem propositum meum sit, ut in narrandis hujusmodi miraculis, aut nunquam aut raro somnia admittam, quia frequenter aut falsa sunt aut dubia, quoddam tamen somnium inter haec quæ

C

A narro miracula, quia fide dignum videtur, admisi. Nam, ut sanctus Pater noster Odo in Vita sancti viri Geraldii scripsit, somniorum visiones non semper sunt inanes. Probat et ipsum, ut cunctis notum est Evangelium: *Audite ergo somnum meum quod vidi* (Gen. xxxvii). In primordiis pontificatus domini papæ Eugenii, ad visitandum tam ipsum quam communem matrem Romanam Ecclesiam, Romam adiit. Illuc perveniens, apud cardinalatum Sanctæ Mariæ Novæ, quod, juxta antiquum Romuli templum constructum est, hospitium suscepit. Ibi dum nocte quadam quiescerem, ecce vir venerandæ vitæ dominus Guillelmus, qui nuper de vita excesserat, mihi dormienti visus est in somnis astare. Et quia frequenti narrationi hoc necessarium est, quis B iste, vel cuius vitæ fuerit, quo insuper eventu ex hac vita migraverit, breviter inserendum est. Fuit hic juxta carnem nobilis, juxta spiritum longe nobilior, a primis adolescentiæ annis religionis amator, in quam, quandiu advixit, hoc est fere usque ad senectutem, bonis meliora semper addendo, profecit, angelicæ monachus munditiæ, singularis in pauperes et desolatos misericordiæ. Zelo Dei contra negligentes, et maxime contra graviter delinquentes totus igneus, exceptis nocturnis et occultis vigiliis, dimidiā partem diei quotidianis orationibus et lacrymis pene semper occupans. Et licet haec principaliter de eo scribam, quia in his hic specialius effulsit, non tamen sola haec de ipso vel in ipso commendo. Nam quantum facultatis et scientiæ in eo fuit, juxta morem et modum Cluniacensis ordinis ac propositi, sacris semper etiam aliarum virtutum exercitiis invigilavit. Hoc merito, et quia præter haec quæ dicta sunt in exterioribus administrandis multam a Deo sibi collatam gratiam obtinebat, multis eum et magnis monasteriis diverso tempore ut res exigebat, præfeci. Unde Ambertæ, Caroloco, Celsinaniis, Silviniaco, ipsi tandem Cluniaco, a me in priorem prælatus, indeque in abbatem Moysiensem assumptus (244), ubique jam dictarum virtutum signa impressa reliquit. Casu dehinc interveniente quem neminari nulla necessitas cogit, dans locum iræ, a loco illo recessit, et Clu-

## ANDREÆ CHESNII NOTÆ.

(244) *In abbatem Moysiensem assumptus.* Moysiensem Catureini pagi cœnobium, et ipsum quoque Cluniacensi cœnobio subjectum a Clodoveo rege quondam fundatum est, a Ludovico Pio Caroli Magni filio restauratum, ac tandem, anno 1180, in præsentia pontificum Auscensis provinciæ dedicatum, ut ex his antiqui lapidis in templo positi versibus apparet:

*Idibus octonis domus ista dicata Novembris,  
Gaudet pontifices hos convenisse celebres,  
Auxius Osiendum, Lactoræ dedit Raymundum,  
Convena Willelmum, direxit Aginna Willelmum  
Jussit et Eracium non deesse Beorra benignum,  
Elloreus Stephanum concessit, et Adura Petrum  
Te, Duranne, suum, nostrumque Tolosa patronum,  
Respuitur Fulco Simonis dans jura Cadurco:  
Miriadem lustris apponens ter duodenis,*

D *Virgineum partum dabat orbi tunc venerandum,  
Haec tibi, Christe, Deus, rex instituit Clodoveus  
Auxit munificus posthac dominus Ludovicus.*

Exstat autem et Innocentii papæ privilegium in Chartuario Clun. quo continetur ipsum abbati monasterii hujus Moysiensis Cluniac. ordinis, Catuicensis dicœsis beneficentia suæ manibus ampliatis, favore ordinis usum Pontificalium concessisse. Sed ne gratia impensa subditis, gravis esset eorum superioribus vel infesta, aut filii per honorem eis exhibitum superbirient contra matrem, precibus abbatis et conventus Clun. inclinatum, inhibuisse quoque, quod abbates qui eidem Moysiensi et aliis Clun. ordinis monasteriis de cætero præessent, donec abbati Clun. obedientiam fecissent, pontificibus non uterentur.

niacum rediit. Ubi aliquanto tempore, camerarii, ad hoc est fratrum procuratorio officio functus, ad ultimum, ad prioratus administrationem earum loco remissus est. Illic assuetis religionis et disciplinæ studiis toto conatu intentus, dum nulli prorsus in causa Dei parceret, zelo, ut jam dixi, justitiæ totus ignitus, a quodam nequissimo, qui sibi provenire timebat quod de aliis delinquentibus ab eo fieri cernebat, insidias passus venefica fraude extinguitur. Talem vitæ terminum sortitus bonus vir, regno cœlorum dignus factus est, conjunctus illis ut justum est credere, de quibus Christus veritas ait : *Beati qui persecutionem patiuntur propter justitiam, quoniam ipsorum est regnum cœlorum* (*Matth. v.*). Unde quia non solum propter justitiam jam persecutionem passus est, sed etiam (quod majus est) propter justitiam mortuus est, merito dignus judicatur regno cœlorum.

Fraus ergo qua tantus vir vitæ subtractus est, quibusdam indiciis antequam Romanum iter aggredierer, ad me delata, in quæstionem versabatur. Sed itineris acceleratio quæstionem impediens, ad finem rem perducere non permisit. Ita interim de tam nefanda re anxius et dubius, propositum iter incœpi, et Romam, ut suprascripsi, perveni. Ibi loco, tempore, modo, quo dictum est, venerabilem Guillelmum mihi astare conspicio : quem cum viderem valde gavisus surrexi, et multo cum affectu amplecti eum et osculari cœpi. Licet autem altus sopor exteriorem sensum officia occupasset, vigebat tamen velut in vigilante memoria, meque dormire dormiens non ignorabam. Nec illud mente exciderat illum qui videbatur in somnis videri, nec eram immemor ante non multum temporis mortuum, et dolo, quem supra scripsi, extinctum. Quodque imagis mirum est, et illud nescio qua vi occulta naturæ statim menti occurrit, non posse mortuum diu cum vivente morari, nec prolixum sermonem missere. Unde priusquam recedere virtute invisibili cogeretur, interrogare illum festinanter de quibusdam decrevi. Quæ tamen ut non fantastica, sed verax quæ apparebat visio videretur, nequaquam prius præmeditatus fueram, sed tunc ea dormiens nutu ut arbitror Dei noviter menti occurrentia, cogitare incipiebam. Quatuor ergo quædam, quæ nescio unde dormienti occurabant, interrogando ei proposui. *Quomodo, inquam, vobis est domine prior,* vocans eum non ex proprio nomine, sed ex officio ? Ad quod ille breviter, ut fuerat semper breviloquus, ac bis vel ter ex more verba replicans, respondit : *Multum, ait, mihi bene est, multum mihi bene est.* Huic primæ interrogationi secundam subjunxi : *V. distis adhuc Dominum ?* Et ille : *Assidue video, assidue video.* His duabus, et tertiam addo : *Estne, inquam, certum quod de Deo credimus, estne absque dubitatione, vera fides quam tenemus ?* — *Nihil, ait, ita verum, nihil ita certum.* Et quarto : *Verum est, aio, quod fama refert, verum est quod multi opinantur, quosdam quos ipse non ignoratis fraude sua*

*A ac beneficio vos occidisse ? — Verum est, inquit, verum est.*

His dictis, et ipse disparuit, et ego evigilans ea quæ videram recolere et admirari incipiebam. Interim dum hæc agerem, et visa memoriæ commendarem, rursum somno opprimor, et sicut in hiemalium noctium prolixitatibus nam dies Adventus Domini tunc instabant, iterum caput ad dormiendum compono. Nec mora adest qui supra, et se eodem modo quo prius ostendit. Occurro et ego ille non segnus quam ante, et visionis præmissæ omnino immemor, amplecti eum et osculari, ut prius cooperam. Quid multa ? Nihil plus minusve in animo meo, nihil plus vel minus in ore meo, in hac secunda visione fuit quam in prima fuerat. Eadem quæ supra interrogo, eadem quæ supra audio, de statu suo, de visione Dei, de certitudine Christianæ fidei, de morte sua, ordine quo præmisi a me interrogatus, eadem nec pauciora respondit. Huic tamen secundæ visioni, in fine aliquid additum est. Mox enim ut dixit se vere dolo falsorum fratrum extinctum, in fletus amarissimos, ut mihi in somnis videbatur, prorupi, et quia jam de facto non dubitabam, tantum nefas insatiabilibus lacrymis deplorabam. In fletibus istis evigilans, oculos humectos genasque meas recentibus lacrymis tepentes inveni. Ut vero hujus visionis vel somni indubia veritas commendaretur, regressus ab urbe, atque ad Galliam nostram rediens et Cluniacum perveniens, quæ de morte sancti viri suspicatus fueram, ipsius nefarii parricidæ publica confessione vera fuisse probavi. Quem gehenna dignissimum, quia gladio, laqueis, ignibus, vel extremis nefandorum suppliciis, ecclesiastica pietate prohibente, punire non poteram, exilio perpetuo quod pene solum licuit, infernalem proditorem damnavi. Nam sacrosanctis Evangelii adhibitis, compulsus est in publico Cluniacensi capitulo me præsente jurare quod, transactis tribus sibi a me præfixis mensibus, nunquam deinceps intra terminos universam Galliam concludentes maneret, sed extra illos locum saluti suæ aptum requireret, et in invento loco Deo pro peccatis suis digne satisfaceret. Hæc suprascripta visio licet in somnis apparuerit, D idecirco mihi fide digna videtur, quia et dormientis tam integra in tantis, ut dixi, memoria, et iterata ac per omnia primæ similis secundæ visionis, præter illud quod in ultimo exceptum est, forma, atque ipsius detestandi hominis publica confessio, non falsam, sed veram eam, ut arbitror, omnino demonstrant.

#### CAPUT XXV

##### *De visione fratris Enguizonis.*

Subiungatur et huic visioni altera, quæ quamvis in somnis ut illa apparuerit, veram tamen fuisse, ipse rei exitus comprobavit. Venerat Cluniacum meo tempore conversionis causa nobilis vir, Enguizo nomine, et ut in primordiis suis erga divina magis exerceri assuesceret, quiescendi ad serviendum

Ecclesiæ in ecclesia suscepit. Ubi dum quadam nocte dormiret, videt quemdam olim commilitonem suum, qui Petrus dicebatur de Rocha, quod castrum in Gebennensi diœcesi situm est. Desunctus vero fuerat jam dictus miles in Hierosolymitanæ itinere ante non multum tempus, sed ejus obitum supra nominatus frater penitus ignorabat. Nondum enim vel tenuis fama mortis ejus ad eum pervenerat. Visus est ergo ei, ut dixi, jam dormienti in specie illa, qua eum in sæculo videre consueverat. Gavisus est frater, et, ut optime notum ac familiarem, cum alloqui familiariter cœpit. *Quid est, inquit, quomodo te habes?* — *Ego*, ait ille, *in transmarino itinere quod te, ut nosci, concio cœpi, desunctus sum.* — *Et frater: Quid est ergo et de sociis qui illud iter tecum aggressi sunt?* — *Illi*, inquit, *et illi jam de vita excesserunt, illi vero et illi adhuc supersunt.* — *Quomodo*, inquit, *tibi est in statu illius vita, ad quam transisti?* Ad hæc ille: *Bene, ait, mihi est, quia misericordiam quam a Deo speraveram, jam consecutus sum.* — *Obest tamen adhuc multum, et obstat plenitudini salutis meæ, quod proximo tempore antequam Hierusalem pergerem, sacerdotem Ecclesiæ de Seconiaco, quādām a me decimam exgentem, per vineam quamdam fugavi, et in exitu vineæ irreverenter percussi.* His frater auditis: *Et quid, ait, de me tibi videtur? Potero consequi salutem quam spero?* — *Salvaberis, inquit, sed ante salutem multa et gravia patieris.* His dictis, is qui apparuerat miles disparuit. Frater a somno evigilans, cuncta quæ viderat vel quæ audierat, mihi statim mane retulit. Rogavit insuper, ut liceret ei partes illas de quibus miles ortus fuerat, et in quibus ea de presbytero acta fuerant adire, et utrum vera an falsa esset visio jam dicta probare. Nam sicut mortem militis nullus ei ante militem nuntiaverat, sic nec de sociorum ejus morte aut yita, sic nec de fuga presbyteri, seu militis percussione quidquam vel modicum prius audierat. Accepta ergo regulari more licentia, Gebennensis territorii partes adiit, ibique a notis et veracibus personis cuncta quæ a mortuo audierat, vera esse agnovit. Nam et quod de presbytero actum fuerat, tam ab illo quam ab aliis didicit, et paucos post dies, mortem militis et eorum quos mortuos ille nuntiaverat audivit. Quæ postquam parentibus defuncti innotuerunt, bono usi consilio quod in presbyterum ille deliquerat, ipsi pro eo digne satisfacientes presbytero, expiaverunt. Et quia tam certis indiciis verax fuisse præfata visio probata est, a me ut non dubia, sed ut certa, inter cætera miracula conscripta est.

## CAPUT XXV

*De cuiusdam pueri vigilantis visione mirabili.*

Et de mortuorum quidem apertis manifestationibus licet multa superius dicta sint, unum tamen adhuc addere volo, quod nuper compertum tacendum non esse videtur. Nam anno, quo hæc scripsi, illud contigerat. Vigilia Natalis Domini, nocte scilicet qua *Sanctificamini hodie* cantatur, jacebat

A apud Carumlocum puerulus quidam monachus ante sacros matutinos in fratrum dormitorio et nescio quid meditans dormire non poterat. Et ecce post aliquantum processum noctis aspergit et vidi venerabilis vitæ fratrem, Achardum nomine, qui ejusdem monasterii prior fuerat, et ante paucos annos vita excesserat, per gradus dormitorii ascendentem sibi appropinquare. Erat vero jam dictus puerulus fratris ejus filius. Venit ergo, et in scandio ante lectum pueri constituto resedit. Erat cum illo et venerandus ille dominus prior Guillelmus, et ipse similiter defunctus, quem mihi Romæ in somnis apparuisse supra retuli. Neutrum tamen illorum, dum viverent, puer viderat, sed ex his quæ ab eis audivit absque ulla eos ac si vidisset dubitatione cognovit. Morati sunt et collocuti adinvicem aliquandiu, puero audiente, quoisque domino Guillelmo recedente, solus frater Achardus ante illum, ut dictum est, sedens remansit. Qui ad puerum conversus, hortatus est eum ut surgeret, et ad mira quædam videnda, usque ad fratrum cœmeterium cum eo procederet. Respondit ille, timore qui eum invaserat, patrui sui familiari collocutione jam ex parte sedato, non posse fieri quod monebat, sub custode se esse, timere ne si eum aliquis præter morem egredientem videret, dira flagella subiret, nec ipse inter multiplices plagas sibi adesse valeret. Ad hæc illo dicente, nihil sibi esse timendum, credendum esse patruo, optime se ne quid mali ei inde contingeret provisurum, salvum et incolumem ducturum ac reducturum, adductus est puer in sententiam, et surgens, ac se regulari more induens, præcedentem secutus est. Duxit autem eum per claustrum majus, in claustrum infirmorum, indeque usque ad cœmeterii ostium. Quo aperto, statim ulterius processerunt. Et ecce conspicit puer totum cœmeterii ambitum sedibus innumeris refertum, ac supra sedes illas viros monastico schemate induitos sedere. Dixerat autem illi patruus et sibi inter alias sedem servari, in qua statim aliorum modo veniens resideret. Indicaverat etiam querelam in conventu illo de se futuram, propter quam necesse esset se exsurgere, et ad vocantis judicium properare. Monuerat insuper ut in illo examinis intervallo eamdem puer sedem occuparet, nihilque metuens sibi usque ad redditum conservaret. Quod et sic factum. Ingressus namque frater Achardus cum puero conventum illum, mox in sede sibi parata resedit. Oratus est statim clamor, et a quodam circumsedente quæla deposita, quod idem frater tardus illi suo couventui occurrisset. Surrexit ille confessim, et ad satisfaciendum more monastico in medium processit. Quo facto, puer, ut monitus fuerat, surgens constanter in sede eadem resedit. Obtinet autem medium cœmeterii locum, structura quædam lapidea, habens in summitate sui quantitatem unius lampadis capacem, quæ ob reverentiam fidelium ibi quiescentium totis noctibus fulgore suo locum illum sacratum illustrat. Sunt et gradus per quos illuc

ascenditur, supraque spatium duobus vel tribus ad standum vel sedendum hominibus sufficiens. Ibi sedem cuiusdam magni et reverendi judicis, supraque ipsum sedentem puer dum consiperet, vidit jam dictum fratrem Achardum ante ipsum velut pro satisfactione prostratum. Quid dixerit, quid ei responsum fuerit, intelligere licet multum nisus, non potuit. Clare autem idcirco cuncta videre poterat, quia quædam maxima claritas absque subsilio humanorum luminum, totum illud illius cœmeterii spatium illustrabat. Modico temporis intervallo transacto, sæpe nominatus frater ad locum proprium rediit, et puero sibi cedente, atque ad ejus pedes residente, sedem suam recipit. Parum intercesserat, et ecce puer conspicit totum conventum illum de sedibus suis exsurgere, et non ad illam, per quam ingressus fuerat, portam, sed ad aliam quamdam tendentem, ad exitum festinare. Antequam tamen egredierentur, conspexit multum ignem, proxime ante ipsam portam accensum. Per quem, ut referebant plurimi ex illo agmine transeuntes, alii diu in illo morabantur, alii cito transibant. Hæc tandem vidi, quoisque portam illam omnes excesserunt. Remansit autem post tantum spectaculum, solus puer cum patruo. Quem patruus, ut promiserat, per viam qua venerat reducens, cum eo fratum dormitorium ascendit, eumque usque ad lectum proprium prosecutus, statim disparuit. Hanc visionem quia auditam prius ab aliis, et postea ab ipso puero fallere nesciente, fide dignam judicavi, ad legentium utilitatem vel cautelam, sicut et præcedentia, ne mente exciderent, scribere volui.

#### CAPUT XXVIII.

##### *De institutis Carthusiensium (245) monachorum.*

Et quia propositum meum in narrandis miraculis, de quo jam frequenter lectorem instruxi, tale est, ut absque aliquo temporis præjudicio, non attendens quid quando factum sit, sed quando mihi relatum sit, ad Dei gloriam et legentium ædificationem, quæ pro certo vera esse comperi describam, trado legentibus quæ ante paucos dies didici. Sed antequam ea scribere exordiar, quædam ad rem pertinentia illis propono. Servatur in Burgundiae partibus inter omnes Europæ nostræ monastici ordinis professiones, professio quædam, multis aliis ejusdem monastici propositi sanctior et cautior, instituta nostro tempore a quibusdam Patribus, magnis, doctis et sanctis, magistro Brunone Coloniensi, magistro Landuino Italico, ac quibusdam aliis vere magnis, ut dixi, et Deum timentibus viris. Qui quorundam antiquorum monachorum tepiditate, negligentia ac desidia prædocti, sæculo abrenuntiare volentes, cautius sibi

A suisque in via Dei sectatoribus consuluerunt, et vigilanti oculo, ordinem contra omnes pene Satanæ insidias circumspectum instituerunt. Nam ut contra superbiam, quæ, juxta Scripturam, initium est omnis peccati (*Eccli. x*), et contra ejus nefandam sobolem, invidiam dico, ambitionem et vanam gloriam, ac si qua sunt alia, ordo ab eis institutus, quantum, juxta eorum scientiam, homini erat possibile, armaretur, vestes vilissimas (246), ac super omne religionis propositum abjectissimas, ipsoque visu horrendas assumpserunt. Quantitate enim breves et angustæ, qualitate ita ut vix aspici possint hirsutæ et sordidæ, nullum gloriandi vitium se posse admittere indicant. Et novi quidem quod etiam in sordido habitu diabolus quod suum est quærerit, et humilitatis vestibus quandoque texturam superbæ interserit. Sed tamen iam dicti justi et Deum quærentes viri, in quantum potuerunt, ne princeps mundi per superbiam aut superbæ familiam in se vel suis sibi locum invenire posset, summo studio providerunt. Cupiditatem insuper quæ radix malorum omnium dicitur (*I Tim. vi*), vel avaritiam quæ idolorum servitus vocatur (*Ephes. v*), ne mihi [nimis] venenosa virgulta quolibet tempore procedere [producere] posset, ita radicus avulserunt, ut certos terminos (247) juxta locorum suorum fertilitatem aut sterilitatem, in circuitu cellarum suarum majores minoresve præfigerent, extra quos etiam si totus eis offeretur mundus, nec saltem quantum pes humanus occupat, terræ spatium acciperent. Ea etiam de causa, animalibus vel pecoribus suis, certum quem transgredi fas non esset, terminum instituerunt, bobus scilicet, asinis, ovibus, capris, vel hircis. Et ut non esset eis quandoque necessarium, vel plus terræ, quam dictum est, possessioni suæ addere, aut numerum jumentorum suorum vel pecorum augere, duodecim tantum monachos (248) cum xiii, priore, ac decem et octo conversis, paucisque mercenariis, nullo prorsus superaddito in sui ordinis monasteriis esse perpetuo decreverunt. Præter ista ad edandum jumentum corporis sui, et ad subigendam juxta Apostolum, legem membrorum suorum, repugnantem legi mentis suæ (*Rom. vii*), duris carnem ciliciis semper exasperant, continuatis pene acribus jejuniis corpora affligunt, extenuant et desiccant. Inde est quod pane surfureo semper utuntur, vino adeo adaquato, ut mèrito magis villum quam vinum dicatur. Ab omni carnium esu, tam sani quam ægri, in perpetuum abstinent. Pisces nunquam emunt, sed forte ex charitate datos accipiunt. Die Dominico et quinta feria tantum, caseum vel ova ad vescendum admittunt. Tertia feria ac Sabbato, aut legumine aut olere cocto utun-

#### ANDREÆ CHESNII NOTÆ.

(245) *De institutis Carthusiensium.* Quæ sequuntur notulæ de scriptæ sunt ex impresso Codice V. C. Nic. Fabri, cuius in obitu litterati omnes summam se jacturam passos in perpetuum testabuntur.

(246) *Vestes vilissimas.* At nunc Carthusianis am-

plæ et mundissimæ sunt.

(247) *Ut certos terminos.* Possessiones plurimæ, et longe lateque diffusæ.

(248) *Duodecim tantum monachos.* Et fratrum numerosa turba, ingensque familia.

tur. Omni secunda, quarta et sexta feria, pane solo A et aqua contenti sunt. Semel in die semper comedunt, exceptis octo diebus Natalis Domini, octo diebus Paschæ, octo diebus Pentecostes, Epiphania Domini, repræsentatione ejus, hoc est Purificatione sanctæ Mariæ, Annuntiatione Domini, quando Paschali tempore provenit, Ascensione Domini, Assumptione ac Nativitate jam dictæ sacræ Virginis matris ejus, et exceptis festis duodecim apostolorum, sancti Joannis Baptiste, sancti Michaelis, sancti Martini, et illo quod in Kalen. Novembris celebratur, festo Omnium Sanctorum. Super hæc omnia, more antiquo Ægyptiorum monachorum, singulares cellas perpetuo inhabitant. Ubi silentio, lectioni, orationi, atque operi manuum, maxime in scribendis libris irrequieti insistunt. In eisdem cellis debitum regularium Horarum, hoc est Primam, Tertiam, Sextam, Nonam, Completorium, signo Ecclesiae commoniti, Deo persolvunt. Ad Vesperas et Matutinas in ecclesia cuncti convenient. Ibique non perfuntorie, ut quidam, sed intentissime oculis in terram demissis, cordibus cœlo infixis, Deo preces, Deo gratiarum actiones persolvunt, totumque suum tam interiorem quam exteriorem hominem, habitu, voce, vultu, rebus visibilia excedentibus, spretis cunctis aliis intentum, imo affixum esse ostendunt. Ab hoc more excipiunt illos festivos dies qui superscripti sunt, in quibus bis comedunt, et in quibus more monachorum non per cellas, sed simul habitantium, non solum omnes regulares Horas in ecclesia decantant, sed et in refectorio tam post Sextam quam post Vespertas, nullo sospite excepto, communiter edunt. Quibus tantum diebus antiquorum eremitarum æmulatione (249) ne ab aliis sacris operibus, licet dignitate inferioribus, impediantur, salutare omnipotenti Deo pro salute sua ac mundi sacrificium offerunt, quod ex usu jam veteri tracto nomine, quia Deo mittitur, Missa vocatur. His sacris diebus, qui singulari privilegio a Domino vel ejus Resurrectione Dominici dicuntur, ac sæpe dictis ipsius vel sanctorum ejus solemnitatibus missas celebrant. Diebus quibus eis legumine uti licet, illud ipsi ad mensuram acceptum, sibi aptant et coquunt. Hoc vero tunc, quando non communiter in refectorio, sed quando eos in cellis suis solos comedere eremitica institutio præcipit. Vinum nullo tempore, ante mensam vel postea sumunt. Sed si quis tunc sitim passus fuerit, aqua ei, non vino, ut licet. Iis, ne tam sanctam institutionem omnino muti præteriisse videremur, breviter præmissis, ad miracula per quosdam ex ipsis nostro tempore facta, procedendum est. Hæc enim in toto isto opere principalis, ut sæpe jam dixi, fuit mihi causa scribendi, hoc est, miraculæ ubilibet vel quolibet tempore facta ad præsentium vel posterorum memoriam transmittendi.

## ANDREÆ CHESNII NOTÆ.

249) *Quibus tantum diebus antiqui eremitarum æmulatione. At nunc quotidie et sacrificium off-*

**CAPUT XXIX.**  
*De quoam fratre Carthusiensi, qui mira vigilius vidit.*

Multa quidem in sacro ordine miracula contigisse, a pluribus accepi. Sed quia ipsius humilitatis virtute, qua semper servi Dei miranda opera sua quanto possunt nisu occultant, vix aliquid ex his prodere alicui voluerunt, rara, imo rarissima, quibus omnimoda fides accommodanda esset, ad me miracula per venerunt. Quæ tamen absque dubio certa comperi, tacere nec volo, nec proposui. Fuit ex eorum numero, non quidem monachorum, sed conversorum conversus quidam, humilis genere, juvenis ætate, sed moribus generosus et vitæ sanctitate provectus. Hic toto studio, obedientiæ, humilitati, mortificationi, omnem quam poterat operam adhibens, mundum sibi, seque mundo non solum crucifixerat, sed etiam sepelierat. Amori divino, et specialiter memoriæ Matris Domini, ita se totum devoverat ut a bonis viris ipsum vitamque ejus cognoscentibus, nihil scire judicaretur, nisi Christum Jesum et hunc crucifixum (*I Cor. ii*), sacramque ipsius crucifixi matrem, ac perpetuam Virginem, humanæ salutis singularem post Domini amatricem, Mariam. His studiis a conversionis suæ principio cœptis, magis ac magis insistens, et in haenostra, juxta Psalmum, lacrymarum valle, de virtute in virtutem proficiendo (*Psal. lxxxiii*), ascensiones in corde suo disponens (*ibid.*), antiqui et communis hostis invidiam contra se velut novam ac specialem concitavit; nec jam occulte, sed palam, quantum perditus ille perditionis humanæ sit avidus, ex seipso monstravit. Jacebat quadam nocte in cella, sibi, ut talium mos est, ad laboris solamen et orationis secretum designata. Et ecce in multo jam processu noctis ipsi, adhuc vigilanti et cœlestia meditanti, dæmonum turba in specie porcorum aggressum apparuit. Furebant ubique per totam cellam, et discursu insanō, rictu horrendo, dentibus longissimis ac velut in necem ejus exacutis, pavefactum ac trementem hominem circumstabant. Sudabat ille, ut mihi relatum est, præ timore, et quasi jam jamque a bestiis discerpendus, nil nisi mortem ultimam præstolabatur. Talia eo patiente adauctus est metus, et quemdam enormis magnitudinis hominem, ut ex cordis sui judicio sibi videbatur, dæmonum principem, cellam illam in qua ista siebant, conspicit intrantem. Qui primo ingressu suo conveñsus ad porcos: *Quid, ait, segnes facitis? Cur jam hunc non rapuistis? Cur non discerpistis?* — *Quod dicis, inquit porci, magno cognatu facere nisi sumus, sed cuncta tentantes, nil facere potuimus.* — *Ego, inquit ille, jam faciam, quod vos desides facere non potuistis.* Quo dicto uncum ferreum longis ac recurvis unguis terribilem, minaci manu protendens, atque ad virum Dei rapiendum, imo ad discerpendum adaptans, eum nimio terrore

runt, et Horas Canonicas es in commune convenienter decantant.

pene mente excedere coegit. Sed Deus, cui bonus vir ille saepe supplicando dicebat : *Ne nos inducas in temptationem, sed libera nos a malo*, temptationem tam duram non est passus ultra procedere, sed multa misericordia, qua semper suis providet, educit eum a temptatione, et liberavit a malo. Mox enim ut nequam ille manum, ut dictum est, ad eum rapiendum, et uncum, ut videbatur, ferreum ad eum discerpendum extendit, statim omnipotentis Filii Dei Mater, Mater vere, ut dicimus, misericordiae, in qua ille, sicut dictum est, totam spem suam post Deum posuerat, visibiliter adfuit, ac virga levi manu prætensa : *Quomodo, inquit, huc detestandi venire ausi fuistis? Non est, non est hic vester; nec jam contra eum in aliquo prævalere poteritis.*

Dixit, ac dicto velocius, totum illud infandum collegium ut sumus evanuit. Perstigit illa post dæmonum fugam, cum homine adhuc tremente, eumque his verbis consolata est : *Placet, inquit, quod facis, tuique animi devotionem Deo mihi gratam esse neveris. Fac ergo quod facis, et de his ad meliora perseveranter proficere stude. Et ut tibi aliquid singulare in mandatis tradam, stude vilibus escis, complectere abjectas vestes, operi manuum devotus insiste.* His animatum hominem virgo relinquentis, cœlos repetit. Istud de hoc bono viro miraculum, aliud isto non inferius sequitur. Rusticus quidam pauper, sed paupertate devotionem fidei ejus non impediente, se bonis illis viris, de quibus sermo præmissus est, in amicitia junxerat, cisque non minimum familiaris erat. Diligebant enim illi in ipso, non solam, quæ quantum ad animæ salutem spectat nihil prodest, rerum pauperiem, sed beatam spiritus paupertatem, de qua Dominus : *Beati pauperes spiritu, quoniam ipsorum est regnum cœlorum* (*Matth. v.*). Ea de causa eum quanto erga Deum devotionem sentiebant, tanto ut magis familiarem sibi associabant. Inde contigit ut duos ejus filios et parvulos susciperent, et in religione sancta patris post Deum maxime causa educarent. Horum unus, non multo post tempore elapso defunctus, alterum superstitem dereliquit, quem religiose educare et instituere volentes, supradicto bono viro, cui mira quæ præscripsi ostensa fuerant, ejus curram committunt. Nec segnis ille mandatorum executor, puerum commendatum suscepit, enutrit, ac sacro religionis lacte, quo ipse educatus in viriles annos evaserat, eum imbuens, nil rerum terrestrium sapere, nihil eorum quæ in terris sunt diligere, brevi edocuit. Cœlum mente conspicere, cœlestibus inhiare, ad Christum coeli ac terræ Deum ac Dominum, totis animi viribus anhelare, quæ sursum sunt querere, non quæ super terram, ubi Christus est in dextera Dei sedens (*Coloss. iii.*), juvenem sibi creditum bonus doctor edocuit. Edocitus ille ab eo, invanum laborasse doctorem suum, ut quidam indisciplinati faciunt, ostendit; sed ut a quodam satis noto dictum est, recens testa semel cœlesti sapore imbuta, odorem inde contractum non diu tantum, ut

A ille ait, sed semper quoad vixit servavit. Sed placuit Deo, ne puer tam bene educatus, tam sancte edocitus, diu particeps mortali fieret, vel aliquem de ipsorum diurno consortio nævum contraherent. *Raptus est igitur, ne malitia mutaret intellectum, aut ne fictio, quæ quibusdam etiam religiosis quandoque familiaris esse solet, deciperet animum ipsius* (*Sap. iv.*)

B Præveniens ergo in moriendo discipulus magistrum, bonam quidem spem salutis suæ, sed cum eadem spe magnum filii ac pene intolerabilem de morte sua dolorem reliquit. Acceperat quippe illum a priore suo, ut jam dictum est, ad educandum, sed ejus bonos mores sanctamque intentionem intuitens, admirans et amplectens, eum non solum ut commendatum, sed ut filium unice diligebat, atque idecirco ejus tam celerem, imo quasi furtivum de mundo recessum, pene assidue dolendo deslebat. Eo tractus affectu orabat continue pro ipso, psalmorum quidquid noverat Deo quotidie profundebat, nec satiari orando, psalmando, mœrendo, pro ipsis anima poterat. Cumque hæc tam devotæ animi sui tam pia studia, nullo sere tempore intermitteret, nec ab his, quantum facultas dabatur, cessaret, volens Deus hominem suum aut a tam duro labore relevare, aut cujus meriti vel ipse, vel puer illius esset ostendere, dignum fecit eum visione cœlesti, qua et ipse consolaretur, et quid de ipso, vel puero sciendum esset, legentibus, sive audientibus proderetur. Per noctabat aliquando sub divo bonus vir, ut saepe sacerere consueverat, ac spiritum cœlo intentum ab orationis labore vel studio, ut de magno Martino legitur, non relaxabat. Cumque desfixis non solum mentis, sed et corporis oculis in cœlum, Deum ut homini erat possibile super æthera, quæ visu corporali obstabant contemplaretur, ecce subito per medium, velut per medium discissi aeris lux longe omni corporea luce clarior ei de supernis insulsi, eumque ac loca sibi circumposita splendore immenso persuadit. Et ut servi sui votis, ille qui voluntatem timentium se facit, satisfaceret, conspicit et dilectum puerum, imo in Deo Filium suum, de cœlis cum eadem luce descendere, atque usque ad se lætum et radiantem venire, et in insueta visione D gaudio simul et timore turbatus, hærebatur. Ad quem is qui apparuerat puer : *Quid, inquit, turbaris? An non agnoscis filium tuum? Redi ad animum, et mecum ut solitus eras loquere. Sed ut ea quæ circa me aguntur tibi aperiam, neveris multum profuisse mihi, quod me tam tenere Dei causa dilexisti, quod morti meæ tam benigne compassus es, quod pro me tam solicitas et continuas Deo orationes fudisti. Amodo per Dei gratiam neveris me ad illum statum pervenisse, ut sicut tu hactenus mihi profuisti, sic ego tibi amodo apud ipsum prodesse valeam.* Dixit hoc, et statim unde venerat paulatim eo conspiciente regredi coepit. Reserebat autem illi hujus visionis inspector, quod dum a se discederet, cœlumque concenderet, non aversa facie, vel huc illucque conversa, ut vale

facientes solent, recessit, sed sicut ei collocatus facie ad faciem fuerat, sic semper ad se converso vultu ad superna tendens, tandem permansit, quoque ut de Martino jam dicto legitur, patente celo receptus, videri ultra non potuit. Quae visio, in hoc forte visioni illi praeponderat, quod Severus Sulpitius illam sicut ipse perhibet, licet matutinis horis leviter dormiens, tamen dormiens vidit, hanc autem iste non dormiens, sed vigilans, sub divo positus, atque orationi toto corde intentus, conspexit.

## CAPUT XXX.

*De miraculo cereorum Romanorum in ecclesia Matris Domini.*

Illud quoque nobile et jucundum miraculum, quod ante plures annos compertum, jam pene cum tempore mente elapsum fuerat, memoriæ sequentium mandare, ultra non differam. Habetur Romæ patriarchalis ecclesia in honore perpetuae Virginis matris Domini consecrata, quæ vulgari sermone Sancta Maria Major vocatur. Major autem idcirco, quia post Lateranensem Sancti Salvatoris ecclesiam, major dignitate non solum Romanis, sed et totius orbis Ecclesiis est. Illic pontifex apostolicus in præcipuis ac summe festivis diebus, id est Natali Domini, Pascha atque Assumptione jam dictæ gloriose Virginis, cum celebri processione more Romano coronatus pergit, ibi stationem facit, ibi totius urbis clero ac populo assistente, solemne Deo sacrificium offert, et sacros dies quanto potest collit honore. Ibi præter ipsum et coadjutores ejus septem episcopos, ac cardinales presbyteros nulli missam celebrare fas est. Ibi quam inauditum miraculum non solum semel contigerit, sed etiam jam a multo tempore annuatim in festo supra nominato Assumptionis proveniat, dicendum est. Mos est Romanorum festum illud Assumptionis Matris Domini inter universas anni festivitates præcipuo honore colere, speciali devotione venerari. Unde est quod, inter plura devoti animi sui erga præcepsam Virginem signa, cereos maximos faciunt, et eos ante paratos vigilia festivitatis ad nominatam ecclesiam deferunt, atque vespertina hora, vel circa accendunt. Pondus tamen eorum æqua lance pensatum domi retinent, ut sequenti die solemnii missa peracta, eos rursum pensantes quantum de quantitate eorum ignis absumpserit, judicante statera cognoscere valcent. Manent ergo Romanorum cerei, a vespertinis, ut dixi, horis, usque ad sequentis diei sextam vel nonam horam in ecclesia Matris Domini, ad honorem utriusque accensi, et festivæ missæ solemnis consummatis, singuli a propriis dominis ab ecclesia reportantur. Referens quisque cereum suum, mox ut domum pervenit, geminas lances præparat, imponit uni cereum, alteri pondus hesternum. Attendit diligens inspector, quantum de cerei prius appensa quantitate possit deesse, et vespertinas, nocturnas, diurnasque horas quibus continua cereus arsit, numerans exspectat quid sibi de-

A imminutione primi ponderis statera renuntiet. Et ecce (mirabile dictu), nihil minus quantum ad pondus pertinet, post tam prolixam cerei sui exustionem, sollicitus ille appensor, et spectator invenit, sed quasi nihil consumptum sit, totum quod Deo et ejus Virgini matri devotus incenderat, se accepisse miratur. Hoc tam nobile et ante nusquam auditum miraculum, ad commendandam mortalibus gloriam Matris Domini, non in quolibet ignoto vel humili loco, non in qualibet, vel quantalibet civitate, sed in ipsa urbe orbis capite, non semel tantum, ut dixi, sed assidue recursu annuo, divina pietas et potentia operatur. Facit hoc ut et frequentia miraculi augeat admirationem, aedificet fidem, accendat charitatem; et locus tam celebris nulli patiatur esse occultum, quod coelestis providentia, tam famosi loci occasione pluribus, ne dicam omnibus, fieri voluit manifestatum. Magnum quidem fuit prophetis temporibus quod ad viduam Deo mittente Eliam, hydria farinæ non defecit, et lecythus olei non est imminutus, juxta verbum Domini quod locutus fuerat in manu Eliæ. Magnum fuit quod Elias magnus propheta Dei pastus est cibo Dei, corvis ministrantibus sibi jussu Dei panes et carnes mane, et panes et carnes vespere. Magna fuerunt illa tempore iræ, non sunt minora ista tempore gratiæ. Magna fuerunt illa tempore Mosaicæ legis, non minora sunt ista, tempore christianæ et evangelicæ legis. Non defuerunt prophetæ panes et carnes ministratae a corvis mane et sero, non defecit eidem pauxillum farinæ et olei per tres tantum annos et dimidium, non defecit, nec deficit in magno festo Matris Domini post tam diutinam die noctisque, ut dictum est, consumptionem, oblata Deo cereorum quantitas, non solum per tres annos et dimidium, sed jam per centum et eo amplius annos, usque ad hanc nostram ætatem, et quantum deinceps Deo placuerit.

## CAPUT XXXI.

*In Sylviniaco per sanctum Majolum puer mortuus restitutus vitali alimento.*

Addatur et illud, quod fere cunctis miraculis præferri solet cujusdam Sylviniacensis pueri a morte per sanctum Majolum Christi virtute in jam dicto loco facta resuscitatio. Is etenim sanctus, sicut pene cunctis Galliarum populis notum est, ut magnus vita, sic miraculis et dum mortalis viveret, et post mortem maxime insignis exstitit. Hac miraculorum gratia, in tantum jam per centum quadraginta et duos annos, hoc est a tempore mortis suæ clauruit, ut post sanctam Dei Genitricem, nullum sanctorum in tota Europa non in hujusmodi operibus parrem habeat. Testantur hoc innumeri diversis morborum generibus pressi, qui ad sepulcrum ejus divinam clementiam ipsius meritis sibi misereri precentes, exauditi sunt. Inter quos et mulier parvum habens filium, infra hos septem annos, similem, imo majorem per ipsum Dei misericordiam experta est. Nam cum jam puer ille plus quam triennis es-

set, contigit eum morbo correptum extingui. Indoluit acriter mulier affectu tacta materno, ac doloris nimii stimulis agitata, totam vim animi non tam ad fletum muliebriter, quam ad fidem constanter convertit. Excitata namque mirandis operibus, quae non solum frequenter ad sepulcrum sanctissimi confessoris facta audierat, sed etiam plerumque viderat, in spem animum erexit, et sibi ab eo posse reddi filium, non irrita fide præsumpsit. Unde statim surgens, non ad præparandam funeri sepulturam festinat, sed mortuo puero inter brachia sumpto ad ecclesiam properat. Quo cum citatis gressibus velut moræ impatiens pergeret, interrogata a multis quid ferret, et quid sibi vellet, hoc unum omnibus responsum dabat : *Filius, inquit, meus est, quem mortuum sancto Majolo defero, ut illum mihi restituat.* Mirabantur audientes de tam insolita re tam constans mulieris responsum, et eventum rei jam solliciti præstolabantur. Venit tandem mulier ad sancti sepulcrum cum parvulo, et eum ante altare fide plena depositus. Mira astantium exspectatio. Noverant quidem, ut dictum est, et quandoque viderant, multos ibi sancti virtute curatos, sed a morte redivivum nec ipsi viderant, nec a patribus acceperant. Attenti ergo tam monachi quam laici ad tantum spectaculum, nutum Omnipotentis, ejusque beneplacitum sustinebant. Mansit puer examinis ab hora diei prima (diēs enim tunc aestivi erant) usque ad horam nonam. Tunc tandem oculos aperuit, ac matrem, quae proximo loco ei assederat, eumque materna custodia asservabat, tenui ut puer voce vocavit. Surrexit mater attonita, et non sola ad eum accessit. Hunc viventem et loquentem quem mortuum deposuerat, cum multis qui aderant cernens, spe sua, pietate sancti se frustratam non esse agnoscit. Fit statim latus clamor in populo, et voces altissimæ ad Dei laudem, et S. Majoli præconium resonant. Accurrunt fratres meridianis horis regulari more in lectis quiescentes, totaque Sylvianiacus, nulla pene licet villa sit Galliarum urbe plebium numerositate inferior, auditio tam felici nuntio, in momento advolat. Repletur tam clamoris quam devotis lætantium vocibus ecclesia, et cernentes viventem, quem mortuum reliquerant, vix se ipsos prægaudio capiebant. Obtulit dēhinc devota mulier puerum sancto, et quia sicut ab utroque parente primam, ut sic loquar, vitam acceperat, sic a sancto Majolo tam insigni miraculo secundam resumpserat, auctoritate materna sancti Majoli filium decrevit perpetuo nuncupari. Ne vero legenti, vel audienti superesse aliqua de tanto miraculo dubietas possit, noverint me antequam hæc scriberem, bis Sylvianiacum venisse, et tam a matre quam a pluribus et fide dignis testibus, dum id sollicite inquirerem, ea accepisse.

## CAPUT XXXII.

*De confessione cuiusdam fratris Cluniacensis tandem facta domino abbati veraci et devoto.*

Jam aliam de utilitate confessionis visionem, præ-

A ter illas quas longe supra narravī, quia multo post tempore accedit, non præteribo. Eo enim anno quo de Anglia secundo redii, illud me audisse contigit. Quod ne menti excideret, eodem anno litteris traxi. Regressus a jam dictæ Angliæ partibus dum Cluniacum tendens per Franciam iter agerem, ad quoddam monasterium Cluniacensis ordinis quod Radolium vocatur, et ad Charitatem pertinet, hospitandi causa diverti. Præsidebat tunc eidem loco more prioris frater quidam, Bernardus nomine, Pictavus natione, juvenis aetate, elegans moribus, opere strenuus, domui sibi commissæ prudenter providens. Detinebatur tunc valida febris, tamque gravi, ut lecto assidue decumbere cogeretur. Veni ergo, et tali morbo eum gravatum inveni. Accessi B statim facta regulari oratione ad ipsum, et qualiter se haberet sollicite perquisivi. Respondit ille, quod clarum erat, nec aliquem cernentem latere poterat, multum se incommodo jam dicto gravari. Monui pro officio, ut quandiu compos sui erat, conscientiam scrutaretur, peccata confiteretur, nec aliquid ad salutem animæ pertinens intermitteret, sed confessione, devotione, oratione, ad iter peregrinum secure explendum, se toto quo posset conamine pararet. Acquievit monitis libens, et semotis aliis me tantum coram eo residente, confiteri devote aggressus est. Expleta, prout tunc datum fuit, confessione, feci quod meum erat. et ægrum confitentem Christiano more absolvi. Inuncta vero ei congrua, juxta quod ab ipso audieram et mihi visum est, poenitentia, die sequenti ad ipsum redditurus recessi. Facto mane, ut proposueram, redii, et remotis astantibus, secreto eum de similibus, ut prius feceram, admonebam. At ille, ut potuit corpore, totus autem mente ad me conversus : *Peccavi, ait, domine, et valde peccavi, quod de hesterna confessione, quam pure facere debuisse, de industria quædam substraxi. Ea de causa ad judicium hac nocte vocatus, mira et tremenda videre coactus sum.* Astabat quodam in loco multitudo hominum tetri coloris, horrendæ formæ, quorum deformitatem vix visus humanus tolerare poterat. Allatæ sunt ab eis lances geminæ, in quarum una animam meam, in alia opera mea cernebam. Accusabant me undique, et quandoque vera, quandoque falsa plurima more suo proferebant. Estuabam constitutus in arcto, nec tot, ut videbatur, millibus hominum innumera objicientibus, præ timore respondere poteram. Cumque diu hujusmodi litibus et accusationibus me ad omnia suspensum ac trementem vexassent, occurrit tandem formosus, ut videbatur, vir, et in medio astans, turbis insanientibus, imo ut animo conceperam dæmonibus : *Quid, inquit, queritis? Non est iste plane, non est iste de vestris. Eripuit, eripuit eum certe de manibus vestris, ea quam hesterno die abbati suo fecit confessio.* — *Non sic est, inquiunt, non sic est, ut dicis. Novimus enim, et bene consciimus quid dixerit et quid refinerit. Tacuit pro certo quædam, quorum sibi ipse conscius est, non obliuione inductus, sed deliberatione seductus. Cum*

igitur bonus ille defensor meus protatam licet a mendacibus veritatem negare non posset, nec tamen me deserere vellet, consumpsi in immenso labore ac formidine totam hanc noctem. Qua transacta, aurora, ut credo, dante diei principium, expergesfactus ad me redii. Nunc quia plene intelligo multam mihi a Deo hac visione impensam misericordiam, ut fateri me velit, quod tacere decreveram, detegam Deo cuncta ex integro, tibique, Pater, nec ultra meam animam parata salute fraudabo. His dictis ad constendum rursus conversus, quid-

A quid exhauriendum reliquerat totum per Dei gratiam exhausit. Expleta veraci et devota confessione, absolvi pro officio fratrem et oleo sacro inunctum, Christi corpore ad æternam vitam obtinendam refectum, Deo et fratribus precibus intente commendavi, sicque valefaciens ei, cum sociis recessi. Dehinc ut Cluniacum veni, paucis interjectis diebus, ejus decessum audiens, et sibi debita quæ ad animam pertinent beneficia a fratribus sollicite reddi rogavi, et plura supra debitum addidi.

## PETRI VENERABILIS

ABBATIS CLUNIACENSIS NONI

## SERMONES.

### SERMO PRIMUS.

DE TRANFIGURATIONE DOMINI.

(Bibliotheca Cluniacensis, p. 4251.)

Hodie, dilectissimi, solito serenior nobis dies illuxit, quando cœlestè lumen in terris emicuit, quando vera lux mortalium tenebras illustravit, quando divinus fulgor humanis sæculis se visibili etiam corporaliter demonstravit. Hodie æternus Sol, carneæ infirmitatis paululum remota caligine, per mortale adhuc corpus novo et stupendo miraculo mirabiliter radiando effulgit. Hodie Verbum caro factum, carnis ejusdem sibi unitæ deificationem, vultus et vestium clarificatione ostendit. Hodie vidimus gloriam ejus, gloriam quasi Unigeniti a Patre (Joan. i) voce delapsa ad eum hujuscemodi a magnifica gloria. Hic est Filius meus dilectus in quo mihi complacui, ipsum auditc (II Petr. i). Hæc est gloria Unigeniti a Patre, cum Pater Unigenitum recognovit, cum eum ignorantibus revelavit, cum eum divinis operibus suum esse Filium demonstravit, cum singulariter hodie clarificavit, cum ab adoptivis eum discernens suum proprie esse filium, de cœlis clamavit, dicens : *Hic est Filius meus dilectus* (Matth. iii). Hic est, inquit, Filius meus. Sunt quidem mihi et alii multi filii per gratiam, sed meus iste Filius est per naturam. Sunt ex tempore, est iste ante tempora. Sunt alii facti, est iste genitus. Qui sic est genitus, ut sit et unigenitus. Et idcirco unigenitus, quia de mea substantia, et non plures; sed ipse unus est genitus. Hanc gloriam quasi Unigeniti a Patre Joannes vidit, cum ex Deo Deum cognovit, cum et ipsum in gloria transformatum conspexit, et Patrem de Filio homines instruentem audivit. Ideo ait : *Vidimus gloriam ejus, gloriam quasi Unigeniti a Patre*. Vedit ipse, viderunt et alii. Audivit ipse, audierunt et alii. Nam et Petrus dixit : *Hanc*

**B** vocem nos audivimus, cum essemus cum illo in monte sancto (II Pet. i). Quæ utrum viderint, utrum audierint, etiam sancti evangelistæ Matthæus, Marcus, et Lucas testantur : Assumpsit, inquit, Jesus Petrum, et Jacobum, et Joannem, et duxit illos in montem excelsum seorsum, et transfiguratus est ante eos (Matth. xvii ; Marc. ix ; Luc. ix). Tertius enim tantæ visioni testis Jacobus additur, quia secundum ejusdem Domini sententiam : In ore duorum aut trium testium stabit omne verbum (Matth. xviii). Tantum igitur verbum, tanta visio, tam excellens negotium trium et summorum apostolorum confirmandum erat testimonio. Bene ergo Salvator tres assumit discipulos, ut deitatis Trinitas quæ apparebat, ternario discipulorum numero signaretur. Apparuit quippe ibi Pater in voce, Filius in glorificata carne, Spiritus sanctus in lucida nube : Ecce, ait, nubes lucida obumbravit eos (Matth. xvii). Vere nubes Spiritus sanctus : Nubes, quia ab æstu carnalium voluptatum mentes quas obumbrat refrigerat, quia imbre superno quas aridas invenit secundat; lucida, quia suo fulgore obscura tenebrarum illustrat. De cujus nubis obumbratione et Virgini matri dicitur : Spiritus sanctus superveniet in te, et virtus Altissimi obumbrabit tibi (Luc. ii). Videte, fratres, gloriam solemnitatis, videte opus Trinitatis, videte mysterium resurrectionis. Et quare dixi, resurrectionis? Clamat Pater, radiat Filius, obumbrat Spiritus sanctus. Vident hoc apostoli, sed non nisi post octo fere dies. Sic namque, ait Lucas evangelista : Post hæc verba fere dies octo, et assumpsit Jesus Petrum, et Jacobum, et Joannem (Luc. ix). Nostis, qui Scripturis sacris animum applicastis, quod senarius numerus malorum præsentium passionem, septenarius animalium requiem, octonarius carnis designat resurrectionem. Nam et sexta die homo